

AZ.

II

BIBLIOTECA NAZ.  
Vittorio Emanuele III

XII

G

100

PLI

137

XII

G

100

L.  
69  
13

10  
11  
12

CONTINUATIO  
HISTORIÆ  
CULTUS  
SINENSIIUM,  
SEU

VARIA SCRIPTA

De Cultibus Sinarum, inter Vicarios Aposto-  
licos Gallos aliosque Missionarios, &  
Patres Societatis Jesu controversis,

OBLATA

INNOCENTIO XII.  
PONTIFICI MAXIMO,

*Et Sacræ Congregationi Eminentissimorum Cardina-  
lium dirimendæ huic Causæ præpositorum.*

*Dominum Deum tuum adorabis, & illi soli servies.*  
Matth. IV. 10.



COLONIÆ,

---

M. DCC.

**S***I templo, si sacerdote, si sacrificio; quod Deo vero debetur, colatur aliquod Elementum mundi, vel creatus aliquis Spiritus, etiamsi non immundus & malus, non ideo est malum, quia illa mala sunt quibus colitur: sed quia illa sunt talia quibus ille colendus sit, cui talis cultus servitusque debetur.*

S. August. de Civit. Dei lib, 7. cap. 27.



TYPOGRAPHUS  
LECTORIBUS.

**C**Um in lucem prodiiisset HISTORIA  
CULTUS SINE-  
NENSIIUM,  
& mox undique avidissimè foret  
distracta, traditæ sunt mihi hæ  
ultimæ scripturæ, quas si typis  
subjicerem, ipsi Historiæ adnectendas,  
me Lectori-

\* 2

cloribus gratificaturum existi-  
mavi. Post has frustra , ut  
confido , alias expectabitis.



VIN-



I

# VINDICIÆ SCRIPTORUM NICOLAI CHARMOT

Procuratoris Generalis Reverendissimi  
Domini Maigrot aliorumque Epis-  
coporum ac Vicariorum Apostoli-  
corum Gallorum Asiæ Orien-  
talis,

C O N T R A

*Dilucidationes pro Societate Jesu super rebus  
& ritibus Sinensibus, idiomate Italico nuper  
exhibitæ;*

O B L A T Æ,

*Sacræ Congregationi Sancti Officii  
die 2. Septembris 1699.*



Uid causæ sit cur post exhibitæ à  
Reverendissimis Pat. Societatis Jesu  
tot scripturas Latinas in Mandatum  
Reverendissimi Domini Maigrot,  
nunc vulgari idiomate hæc Diluci-  
dationes Sacræ Congregationi offe-  
rant, haud facile quis conjiciat; nec forte existi-  
mandi sint id consilii cepisse, tum ut Lectoris, ob  
crambem toties jam recoctam nauscantis fastidio,  
varietate linguæ, occurrerent; tum ut plausibi-  
liori

A

liori

## 2 HISTORIA CULTUS

lioni sermone, quas singulis eorum scriptis Responsiones opposui, offusa quali quadam caligine obfcurarent. Mihi quidem certum est, quæ de præfenti causa in superioribus meis scriptis fuscè disceptata sunt, minime hic repetere; ne Lectorum otio & patientia abutar, sed ea solum quæ hisce Dilucidationibus mihi perperam obijciuntur, diluere, & si quæ adhuc aliquam habent difficultatem, explicare novisque rationibus atque auctoritatibus confirmare. Porro ipsamet Auctoris Dilucidationum verba Latine reddita, statimque eis meas Responsiones adjungam, ex quo spero fore ut causæ, quam defendo, veritas & justitia magis magisque elucescat.

### *Dilucidationes.*

1. Cum jusserint Eminentiæ Vestræ, ut nos etiam exponeremus, quæ de factis Sinensibus ad Confucium & Parentes mortuos spectantibus nota habemus.

### *Responsio.*

2. An Sacra Congregatio Reverendis Patribus Societatis id jusserit prius ignoror. At certe ex his verbis incautus Lector non existimet, hanc primam esse scripturam in qua de factis ad cultum Confucii & Progenitorum spectantibus egerint Patres Societatis. Hæc usque ad nauseam in præcedentibus suis scripturis tractarunt; nihilque novum in hac ultima, saltem quod alicujus sit momenti, reperietur, ut infra patebit.

### *Dilucidationes.*

3. Cumque hoc tempore nullus è Missionariis nostris Romæ adsit, qui per se de his testimonium dicere queat. Ibid.

*Ref-*

*Responsio*

4. Si adesset, nescio an à Sacra Congregatione tanquam testis idoneus audiretur, cum agatur de causâ quam à tanto tempore tota Societas suam fecit. Neque id contra me retorquendam quis objiciat. Nam mihi, tamen si nulli Societati adducto, circa facta cultuum Sinensium fidem adhiberi nequaquam postulavi, sed ipsosmet Societatis Scriptores factorum testes addaxi in scripto cui titulus: *Veritas facti*, prout jussus eram ab Eminentissimis Patribus. Denique, Deo ita disponente, adest in Urbe Reverendus Pater Aleonessa Episcopus Beritensis electus & Vicarius Apostolicus Provinciæ Hu-Kuangenensis qui pro singulari sua pietate, & linguæ ac rerum Sinensium peritia, rite de hisce factis, tum scripto, tum viva voce, testificari potest.

*Delucidationes.*

5. Verum quidem est, ob varietatem & amplitudinem materiæ, & quod plerumque strictim eas res attingant (Jesuitæ Missionarii) quæ notissimæ erant iis quibuscum agebant, utpote in Sina degentibus, & à quibus circa materialitatem factorum jam diu cognitorum & ab ipsis admissorum nullatenus dissentiebant, nos non potuisse ad plenam earum rerum notitiam pervenire. N. 2.

*Responsio.*

6. Hæc verba: *que notissima erant iis quibuscum agebant*, vel intelliguntur de Missionariis aliorum Ordinum, vel de Missionariis Societatis. Si de Missionariis aliorum Ordinum, hoc est, Dominicanis & Franciscanis intelligantur, falsum est Patres Societatis circa factum cultuum Sinensium cum eis convenisse; imo contrarium

#### 4 HISTORIA CULTUS

evincitur ex diversa expositione, tum Patris Joannis Baptistæ Moralis, tum Patris Martinii, quæ locum dedit duobus Decretis in speciem contrariis. Sin accipias de Missionariis Societatis, verum quidem est, eos, si bona fide agere voluerunt, inter se circa factum convenire facile potuisse. At contrarium dicendum, si de jure agatur, quod patet vel ex conventu habito in Urbe Kiating anno 1628. in quo expressè damnantur cultus Confucii, quos postea tota Societas ut innoxios & merè civiles, probabilitatis ope, defendendos suscepit.

#### *Dilucidationes.*

7. Cum bis in Orientem navigaverit (D. Charriot) atque inde hac ultima vice idcirco potissimum redierit, ut hæc negotia tantopere examinata & perspecta procuraret, videtur quod ea majori ordine & claritate exponere potuisset in particularia puncta & propositiones determinatas illa distribuendo, prout factum est hæctenus ab iis omnibus, qui hos aut similes casus sacris Congregationibus proposuerunt. No. 3.

#### *Responsio.*

8. Meminerit Scriptor Societatis me è Sina profectum esse, ut provisorium Reverendissimi Domini Maigrot Edictum circa ritus Sinenses ab Apostolica Sede confirmari postularem. Datum mihi Mandatum, quanta potui diligentia, hæctenus persecutus sum; Literas Reverendissimi Domini Maigrot ejusque Expositionem Summo Pontifici exhibui, ac deinde supplices Libellos varique scripta Sacre Congregationi obtuli, in quibus, ut existimo, rem de qua agitur, clariùs atque enucleatiùs, quam vellent Patres Societatis,

•exposui, varias tum Progenitorum, tum Confucii oblationes distinguendo, & quæ in eis peraguntur, singulatim enarrando, ut facto semel constituto, quid juris sit Apostolica Sedes decernat. Hoc scriptori Societatis minimè placet. Vellet me in modum quæstorum quosdam velut casus conscientiae Sacræ Congregationi in abstracto proponere, ut de his Sacra Congregatio generaliter respondendo, incertum semper relinqueret quid in praxi circa ejusmodi cultus sequi oporteat, non sublata, sed potius aucta similium Decretorum, anni 1645. & anni 1656. ob diversitatem facti contrariorum, repugnantia.

*Dilucidationes.*

9. Meretur aliquam considerationem suppositio Domini Charmor, qua omnes ejus scripturæ nituntur, prout ipsemet initio ultimæ suæ scripturæ protestatur. Cum propositum sit, inquit ille, Sacræ Congregationi & Apostolicæ Sedi de factis Sinensibus controversis pronuntiare, utrum videlicet licita sint an illicita, hoc solum de iis exponere debemus, quod oculis videtur, quod auribus percipitur, ac præter ea nihil; quandoquidem in hoc totum consistit factum, de quo judicandum est. Quidquid ad hæc adjicias, extra factum erit, neque contententium partium erit id exponere. No.6.

*Responsio.*

10. Hæc non sunt mea verba, sed Scriptoris Societatis, qui tum hîc, tum passim in hac sua Dilucidatione tam parum accuratè hac de controversia loquitur, ut vix scripturas meas legisse videatur. Nusquam dixi de factis controversis id solum Sacræ Congregationi exponendum, quod

## 6 HISTORIA CULTUS

*oculis videtur, quod auribus percipitur, ac præter ea nihil.* Legatur præfatio ultimi mei scripti cui titulus: *Dispunctio*, quam citat Scriptor Societatis; nihil tale ibi reperietur. Sed cum agatur de confirmando provisorio Reverendissimi Domini Maigrot Ediçto, quo declaratur standum esse Decreto anni 1645. omisso altero Decreto anni 1656. tanquam subreptitio ob falsam expositionem, præsentem de cultibus Sinensibus quæstionem huc redire dixi, ut constet de facto, hoc est, an illud reipsa male expositum fuerit à Martinio Jesuita anno 1656. recte verò à Joanne Baptista Morales Dominicano anno 1645. idque ita se habere videtur Sacra Congregatio satis præjudicasse, dum jussit me factum ipsum prout à Joanne Baptista Morales expositum est, probare ex scriptoribus Societatis, id quod me præstiturum ostenderam & abunde præstitisse spero, in scripto cui titulus: *Veritas facti*.

II. Cæterum istud factum non ut ens aliquod physicum ex iis tantum quæ oculis vel auribus percipiuntur, sed ut quid morale, ex adjunctis etiam circumstantiis considerandum & ponderandum proposui, ut videre est in Notis meis sect. 1. art. 2. ubi fusc cultum Progenitorum & Confucii describuntur, & alibi passim in meis scriptis. Hoc unum contendo ejusmodi cultus, prout à me descripti sunt, esse sacros & religiosos, adeoque superstitionis & idololatriæ plenos, ac frustra, ut ab ejusmodi labe purgentur, scriptorem Societatis confugere ad primævam eorum institutionem, vel ad occultam Sinensium Literatorum in eis adhibendis mentem, quæ etiam erroribus & superstitione scatet, ut constat tum ex eorum doctrina, tum

ex

ex aliis similibus ritibus, quos adhibent erga spiritus cæli, terræ, montium, fluminum, tutelarumque genios cujusque urbis.

*Dilucidationes.*

12. Expositionem suam orditur (Dominus Charmot) ab adventu Patris Fratris Joannis Baptistæ Moralis Dominicani & Patris Fratris Antonii à Sancta Maria Franciscani in Sinam (*del Padre frà Gio: Battista Morales Dominicano &c.*) No. 7.

*Responsio.*

13. Libet hic adnotare, non sine quadam affectatione & quasi per contemptum duos hos præclaros Missionarios appellari *Frà*; quo etiam prænomine postea donatur Navarretta, qui cum ad Archiepiscopalem dignitatem in Insula Americana evehitus obierit, solet appellari Illustrissimus; scilicet Patres societatis horum trium præstantissimorum Missionariorum auctoritatem, qua valde premuntur, vellent quocumque pacto minuere.

*Dilucidationes.*

14. Ad majorem hujusce facti (adventus in Sinam Patris Joannis Baptistæ Moralis & Patris Antonii à Sancta Maria) dilucidationem, rogo Eminentias Vestras, ut non graventur etiam audire quæ ea de re typis edidit Pater Daniel Bartoli in sua Historia Sinensi pag. 112. Ibid.

*Responsio.*

15. Qui Historiam Sinensem Patris Bartoli legerit, & qua arte quibusve pigmentis Missionariorum Societatis acta referat, attenderit, totam hanc ejus narrationem de primis Missionariis Ordinis Sancti Dominici & Sancti Francisci, qui

## 8 HISTORIA CULTUS

anno 1633. & sequentibus Sinam intrarunt, floccifaciet.

### *Dilucidationes.*

16. Antequam Pater Frater Joannes Baptista Romam pervenisset, acceptæ jam erant literæ Archiepiscopi Manilensis & Episcopi Zebutenlis, quibus Urbano VIII. summo Pontifici significabant quid per totas Philippinas de ejusmodi abusibus (cultuum Sinentium) publica fama spargeret. Verùm sequenti anno 1637. duo illi Antillites melius edocti & de veritate certiores facti, missis novis literis eundem Pontificem de ejusmodi accusationum vanitate monuerunt. (Ad marginem legitur) Pater Le Tellier in Defensione Novorum Christianorum juxta correctionem & approbationem Sacræ Congregationis de Indice nuper impressa pag. 122. & 123. No. 9.

### *Responsio.*

17. Defensionem novorum Christianorum Patris Le Tellier bis examinatam à Sacra Congregatione Indicis bisque damnatam constat; tametsi Decretum hætenus non prodierit. Novam ejus Libri editionem factam esse juxta correctionem & approbationem ejusdem Sacræ Congregationis tunc credam, cum hujus approbationis authenticum instrumentum proferetur. Contrarium enim audiui à viris Primariis qui res Sacræ Congregationis Indicis apprimè norunt. Quod attinet secundam Epistolam Archiepiscopi Manilensis & Episcopi Zebutenlis, eam falsam esse ac suppositam ostendi in Notis meis sect. 1. art. 9. no. 116. de quo videndus Illustrissimus Navarretta Tom. 2. Tract. 7. pag. 366. Hæc omnia aut non legit scriptor Dilucidationum; aut si legit,  
dis-



diffimulat, eandem epistolam denuo citans, quali nemo eam in dubium revocasset.

*Dilucidationes.*

18. Idein Pater Frater Joannes Baptista Morales in Sinam cum Decreto à se obtento reversus, rebus melius examinatis & perspectis videtur, quoad factum, de iis longè aliter judicasse, quam antea sibi eas animo finxerat, & Romæ exposuerat. Siquidem in quodam suo Libro apud Sinas typis edito, cum præfatum Decretum referre vellet, non totum, quale Romæ prodierat, retulit; sed ex septemdecim Sacræ Congregationis ad totidem Quæsitæ responsionibus, novem tantum, easque adhuc non parum mutatas ac mutilatas proposuit No. 10.

*Responsio.*

19. Quam inutilis sit hæc obiectio probavi in secundo meo scripto cui titulus: *Brevi Notationes* No. 31. Piget eadem repetere. Hic solum libet observare hujus Libelli fidem esse penes Patrem le Tellier qui primus illum tanquam Patris Moralis citavit. Videtur omnino huic falsò tribui, cum ejus nulla mentio fiat in Catalogo scriptorum ejusdem Patris Moralis quem refert Reverendissimus Pater Varo Vicarius Apostolicus Cantonensis & Episcopus electus qui cum eodem Patre Morale viginti ferè annis in China familiariter vixerat. Adde ea quæ ex Libello isto referuntur à Patre Le Tellier esse planè diversa ab iis quæ in posterioribus & genuinis ejusdem Patris Moralis scripturis leguntur, qualis est Libellus supplex ad Sacram Congregationem de propaganda fide, ab eo tanquam Missionum Sinicarum Præfecto, & septem aliis Missionariis Dominicanis,

subscriptus die 30. Maii 1661. itemque *Tractatus ex diversis materiis compositus ad explicandas & elucidandas opiniones & controversias quæ inter Patres Societatis Jesu & Religiosos Sacri Ordinis Prædicatorum in hoc permagno Sinarum Regno ortæ fuerunt* &c. editus anno 1663. In utroque hoc opere Pater Morales, qui anno sequenti 1664. dierum ac meritorum plenus, diem suum obiit in Urbe Focheu, non aliter de cultibus Confucii & mortuorum aliisque capitibus loquitur, quam Romæ locutus fuerat in expositione sua anno 1645. Autographum utriusque hujus scripturæ est penes Patres Dominicanos Parisienses, ut ipsimet declarant in Apologia quam adversus Librum Patris *Le Tellier* & Dissertationem Patris *Le Gobien* adornant.

*Dilucidationes.*

20. Narrat §. 4. (Dominus Charnot) Patrem Martinium Romam advenisse & obtentum ab eo, cum facta aliter exposuisset, Decretum die 23. Martii 1656. No. 13.

*Responsio.*

21. Post digressionem de usuris, & occultatâ tum Christi Passione, tum Crucifixi effigie, de quibus nihil in Ediçto Reverendissimi Domini Maigrot, neque in prima mea scriptura, redit Scriptor Societatis ad ea quæ in præfata scriptura habentur de Patre Martino & Decreto anni 1656. ab eo obtento. Quid contra objiciat, audiamus.

*Dilucidationes.*

22. Dominus Charnot No. 181. scripturæ ultimo loco oblatae (intelligit Notas meas, quæ non est ultima scriptura, sed trium anno præterito

rito à me exhibiturum prima) hæc verba habet: *In presenti causa duo erant Decreta, alterum legitimum & validum, alterum nullum & subreptitium: additumerat tertium quo declarabatur prius illud per posterius nequaquam rescissum fuisse, sed in suo robore permanere.* Nescio qua ratione id dici possit, aut conciliari cum declaratione ab hac Sacra Congregatione die 13 Novembris 1669. edita. Ibidem.

*Responsio.*

23. Non vacat mihi repetere quæ in hanc rem fusc habentur loco citato, videlicet Notarum sect. 1. art. 12. n. 179. & sequentibus. Item eadem sect. art. 5. n. 46. & sequentibus, nec non in Brevis Notationibus n. 233. Hæc si attente & æquo animo legisset Scriptor Societatis, toties confutatam objectionem hîc de integro non renovaret.

*Dilucidationes.*

24. Cum agitur non de privilegiis, vel concessionibus, vel aliis Decretis liberis summorum Pontificum, sed de Decretis seu declarationibus in materia dogmatica & scientifica, quibus declaratur an quidam actus sint sua natura liciti, vel illiciti, non videtur de iis sic judicandum ac loquendum, neque existimandum ejusmodi Decreta non subsistere, nisi reipsa & à parte rei detur hoc vel illud factum, hic vel ille actus qui licitus aut illicitus declaratur: & ratio est, quia in condendis hujusmodi Decretis, non quæritur, non supponitur, non declaratur quod detur & non detur istud factum, quod res quæpiam existat, vel non existat; sed declaratur quod actus hic, sive detur, sive non detur, licitus est vel illicitus. No. 15.

*Ref-*

*Responsio.*

25. En qua ratione Patres Societatis nitantur hanc causam implicare, & ejus decisionem impedire, ut videlicet Sacra Congregatio ad diversa quæsitæ quasi ad quosdam casus conscientie generaliter respondens, intactum relinquat Decretum à Patre Martinio per subreptionem obtentum, sicque inter Missionarios totius Orientis in rebus tanti momenti schisma in infinitum producat; aliis cultus confucii & Progenitorum tanquam superstitionis & idololatriæ plenos juxta Decretum anni 1645. respicientibus; aliis verò, id est Patribus Societatis, eisdem cultus, probabilitatis ope, & auctoritate Decreti anni 1656. tanquam licitos defendentibus; quam discrepantiam novum Decretum ad quæsitæ solum respondens non tolleret; sed potius foveret, magnoque Missionum illarum damno, non sine Orbis Christiani admiratione, quasi perpetuam redderet.

26. Præterea captiosa est distinctio Decretorum Pontificiorum, quam affert Scriptor Societatis, neque præsentis causæ applicari potest. Apostolica Sedes, dum majores causas, quæ ad fidem vel præcipua & generalia Disciplinæ capita spectant, tanquam ei speciatim reservatas dijudicat, non Casuistarum more, ad quæsitæ vel casus in abstracto propositos solet respondere, imo propositiones dogmaticas, nisi constet eas doceri ac disseminari, examini & censuræ non subjicit. Idem observant summi Pontifices & Concilia, quoties agitur de tollendo ex Ecclesia Dei aliquo gravi abusu. Non satis habent ad quæsitæ generatim respondere, *hoc licet, hoc non licet*, sed agnita semel ac stabilita veritate facti, abusum illum

illum absolute condemnant. Sic, verbi gratia, cum Alexander III. in Concilio Lateranensi nundinas seu ferias, quæ vulgo Torneamenta dicebantur, damnavit, non in modum responsionis ad quæsitum seu casum conscientiæ Decretum suum formavit, sed agnita & supposita facti veritate, rem ipsam tanquam pravam & illicitam absolute prohibuit. C. *Fælicis memoriæ. De Torneamentis*. Sic purgationem dictam vulgarem per duellum, ferrum candens, vomerem, aquam calidam & frigidam Pontifices & Concilia absoluto ac decretorio judicio prohibuerunt. Sic Monomachiam seu duellum iidem Pontifices & Concilium Tridentinum omnino condemnarunt.

27. Denique non per simplicem consultationem, hæc cultuum Sinensium causa ad summum Pontificem delata est: de hac, provisorio Edicto Reverendissimus Dominus Maigrot judicavit, Edictumque suum ab Apostolica Sede confirmari supplicat, contradicentibus Patribus Societatis, quibuscum causa ita jam instructa est, ut factum ipsum, saltem quod spectat ad cultus Confucii & Progenitorum, non negent, sed potius de eo concordent, ut patet ex eorum scriptis, & potissimum ex hac ultima scriptura. Quid igitur obstat, quominus causa hæc absoluto & definitivo Sanctæ Sedis judicio terminetur?

*Dilucidationes.*

28. Veniens ad punctum præcipuum, & forsan unicum hujus controversiæ, dico in Expositione Patris Martinii nullam esse falsitatem: & D. Charmot non solum aliquam ibi esse falsitatem non probat, sed si ejus scripta attentè legantur, nullam falsitatem adducit, vel ei opponit. No. 16.

*Ref-*

*Responsio.*

29. Vix credam Scriptorem Societatis attente legisse mea scripta. Consulat Notas sect. 1. art. 3. no. 22. & sequentibus, ubi Patris Martinii in exponendo cultuum Confucii & Progenitorum facto subreptionem & obreptionem pluribus ostendi: Videat etiam Breves Notationes, No. 74. 75.

*Dilucidationes.*

30. Res ita geritur: post finitum examen, & declarata ac publicata nomina Graduatorum vel Graduandorum; post peractam aliam quamcunque ceremoniam, quam Dominus Charriot appellat Graduationem, quod quidem totum fit extra *Miao* Confucii, id est extra illam Aulam, in qua imago seu tabella Confucii habetur, præfati Graduati vel Graduandi se conferunt ad *Miao*, seu prædictam Aulam Confucii, ubi secundam obeunt functionem. Ibid.

*Responsio.*

31. Contorta Oratio, ut insinuetur duplicem esse graduationis actum, unum, qui in Gymnasio Literatorum celebratur, alterum qui tanquam prioris complementum in æde Confucii perficiatur: unde gradu donatos in Gymnasio, non simpliciter Graduatos, sed adhuc *Graduandos* appellat; quæ quidem falsò dicuntur. Gradus enim in Gymnasio conferuntur, ubi renuntiati Doctores & Licentiatii vestitu aliisque insignibus sui gradus ornati, demum à Gymnasio ad ædem seu templum Confucii se conferunt, eum tanquam Philosophiæ Parentem & communem Magistrum veneraturi. Male etiam *Miao* Aulam interpretatur, cum hæc vox propriè apud Chinas

Chinas ædem sacram seu templum significet. Denique solam imaginem seu tabellam Confucii commemorat, cum minimè reticendum fuerit, tabellam istam inscribi: *Sedes seu Thronus Spiritus sanctissimi & superexcellentiissimi Protomagistri Confucii*; itemque communiter Sinenses Literatos credere, quod spiritus Confucii, tempore oblationum, ad eam tabellam adveniat ibique resideat. Hæc omnia Scriptor Societatis, exemplo Martini, parum sincerè proponit.

*Dilucidationes.*

32. Nunc quæro à Domino Charmot, an die illo quo Graduati hanc obcunt functionem in Confucii *Miao*, ipsi vel alii coram ipsius, aut statim atque discesserunt, aliquam Confucio oblationem faciant, an tunc temporis eaque occasione cervus, aut porcus, aut capra, vinum, panni serici offerantur. No. 18.

*Responsio.*

33. Non hæc quæreret Scriptor Societatis, si legisset Notas meas, No. 17. ubi hæc ceremonia refertur. Ibi non dixi vel cervum vel porcum, vel aliud quid à Graduatibus offerri, sed potius contrarium disertè significavi, observando eos tantuminodo, accensis super mensam seu altare cereis, cum odorum suffitu, coram tabella Confucii quater genuflectere, terram fronte percutientes. At cum hæc fiant in *Miao*, hoc est templo Confucii, coram ejus tabella inscripta prout supra retuli, connexionemque habeant cum aliis solemnioribus oblationibus, quæ bis per annum ab iisdem Literatis, cum omni veri sacrificii apparatu, celebrantur, nequaquam superstitione & idololatria carent. Deinde quando-

quidem

quidem cerei accensi, 'ardentia super prunas odoramenta Graduatorum pecunia antea comparata sunt, ea Confucio ab eis offerri rectè dicuntur. Unde minimè concedendum nullam in hac ceremonia oblationem à Graduatīs fieri, tametsi non offerant animalia, vinum, pannos sericos, ut sit in solemnioribus oblationibus. Id toties & tam aperte dixi, ut mirum sit Scriptorem Societatis objicere mea dicta aliud significare, nisi attentè legantur. Hæc pueriliter, ut non dicam ineptè, coram Eminentissimis Patribus mihi objiciuntur.

*Dilucidationes.*

34. Oblationes quæ Sinis dicuntur *ci*, & à Domino Charmot vocantur sacrificia, toties ab eo descriptæ & repetitæ Confucio fiunt à Gubernatoribus Urbium, ubi primum dignitatis suæ possessionem adierunt: ab eisdem de integro fiunt sexto quoque mense cum iisdem solemnitatibus; minori verò solemnitate bis per mensem, novilunio videlicet ac plenilunio. No. 19.

*Responsio.*

35. Has solemnes oblationes appellavi sacrificia, tum quia nihil eis deest ad rationem veri sacrificii, tum quia vox *ci* apud Sinas propriè significat sacrificium, ut patet ex Dictionariis Sinensibus; quin & ipsimet Patres Societatis non alio utuntur verbo ad significandum Sacro-Sanctum Missæ Sacrificium. At nusquam dixi solemnes has oblationes fieri à Gubernatoribus Urbium, ubi primum dignitatis suæ possessionem adierunt. Duplices Confucii oblationes distinxi in Notis, sect. 1. art. 2. no. 12. & sequentibus. Alias vocavi solemnes, quæ bis in anno, vere scilicet & autumno, in singulis civitatibus à Guber-



Gubernatore, comitantibus aliis Officialibus & Literatis, celebrantur: Alias verò minus solemnes, quas inter secundo & tertio loco numeravi eas quæ fiunt tum à Mandarinis seu Gubernatoribus Urbium cum dignitatem suam ineunt; tum ab iisdem Mandarinis bis singulis mensibus, hoc est, primâ & decimâ quintâ die lunæ, antequam ad forum seu audientiam pergant. Quid sibi velit Scriptor Societatis hæc omnia permiscens, prorsus ignoro. Si hanc mihi rerum confusionem tribuit, scripta mea non legit, sin verò hæc de suo profert, rerum, de quibus scribit, valdè se rudem atque imperitum prodit.

*Dilucidationes.*

36. Hisce oblationibus vocatis *ci* possunt intervenire omnes Literati, & frequentes solent intervenire, nullo tamen modo ad id obligantur, nisi sint in Præfectura aut publico munere constituti. Ibid.

*Responsio.*

37. Hæc gratis & sine ulla probatione dicuntur. Contrarium patet ex Regiis Decretis. Unum suffecerit referre citatum à Patre Brancato in Apologia Societatis novissimè à Patribus Societatis exhibitâ, cujus copiam mihi fecit Illustrissimus Dominus Assessor, ubi refert Imperatorem *Hum-vu* qui ante circiter quadringentos annos vixit, multa de cultu Confucii statuisse; inter alia autem „ut Musici & Gesticulatores (sunt hi qui ferentes „manibus serica vexillula ad concentum fistularum, „nunc deprimunt, nunc elevant, nunc à læva ad „dextram, & contrâ vexillula agitant) seligerentur „ex illo Literatorum Ordine qui dicuntur *Kiem Sem*: Item ex Filiis magnorum Mandarinorum

„rum togam vel arma ferentium. Qui vero sunt  
 „Baccalaurei præmaturè ceremonias hæc do-  
 „ceantur, & in his sedulò se exerceant. In Apologia  
 Patris Brancati No. 500. p. 101. in fine, & pag.  
 102. in principio.

*Dilucidationes.*

38. Rogo quidnam mali, idololatriæ vel supersti-  
 tiosi occurrat in primo actû qui sit extra *Miao*, &  
 quid in secundo qui in ipso *Miao* peragitur, No. 20.

*Responsio.*

39 Respondeo distinguendo quæ Scriptor So-  
 cietatis confundit. In priori actû nihil occurrit  
 nisi civile, scholasticum, politicum: in posteriore  
 multa sunt superstitiona & idololatriæ, quòd in  
*Miao*, hoc est templo Confuciano peragantur,  
 quòd ante tabellam Confucii sic inscriptam: *Se-*  
*des Spiritus sanctissimi ac superexcellentissimi Pro-*  
*tomagistri Confucii*, in qua invitatus ejus spiritus  
 tempore oblationum residet; denique quòd hæc  
 minus solemnis oblatio sit velut appendix & quæ-  
 dam commemoratio solemnis oblationis quæ bis  
 in anno celebratur, vere scilicet & autumnò, & in  
 qua victimæ, vinum, panni serici, & alia quæ ad  
*Ci*, hoc est verum sacrificium pertinent, offerun-  
 tur. Vide supra No. 36.

*Dilucidationes.*

40. Quid rogo conveniens erat à Patre Marti-  
 nio de utraque illa functione (Graduatorum cum  
 gradus accipiant), exponi, & ab eo expositum non  
 fuit? Si quid tale occurreret, certè illud\* obser-  
 vasset Dominus Charmot, qui tot paginas con-  
 sumpsit in declamando contra Patrem Martinium,  
 ea solum proferens quæ à Gubernatoribus in ad-  
 eundo munere, & singulis bimestribus peraguntur.  
 No. 22.

*Ref.*

*Responsio.*

41. Errat Scriptor Societatis ea tribuens oblationi Gubernatorum in eorum administrationis initio, quæ propria sunt solemniū oblationum & veris & autumnī, ut jam observatum est. Neque etiam verum est me objecisse Martino quod in exponenda Graduatorum oblatione, ea subtraheret quæ in aliis tantum oblationibus locum habent. Legat Notas meas, art. 3. n. 23. 24. 25. 26. 27. & quid in Expositione Martini circa oblationem Graduatorum culpaverim, deprehendet.

*Dilucidationes.*

42. Cum agitur de facto aliquo particulari, ac de eo quæritur an sit licitum vel illicitum; ut quis notam falsitatis effugiat, non debet commemorare singula alia facta, quæ aliàs in eodem loco fiunt, tametsi ab iisdem personis peragantur No. 25.

*Responsio.*

43. Meminerit Scriptor se dicere supra No. 6. *Nos hic esse in materia morali, in casibus conscientie: in simili autem materia neminem vel doctissimum Theologum aliquod iudicium ferre posse, nisi plenè de toto facto informatus sit.* Itaque Martinus interrogando de oblatione Graduatorum, alias oblationes Confucianas, & præcipuè solemnes quæ vere & autumnō celebrantur, non debuit omittere, cum magnam inter se habeant cognitionem, & non solum ab iisdem personis, in eadem æde sacra, coram eadem Confucii tabellâ, sed eadem de causa, & pari animi affectu omnes ac singulæ peragantur. Unde meritò ob hanc Martini reticentiam dicitur Decretum esse subreptitium.

*Dilucidationes.*

44. Respondeo quantum ad omnes illas functiones tanto cum apparatu relatas, & toties repetitas, etiam cum additione multarum rerum quæ non subsistunt & à vero aberrant, ut suo loco explicabitur, neque hoc tempore, neque unquam fuit ulla difficultas vel discrepantia Missionariorum Jesuitarum ab aliis Missionariis in eo quod ad praxim spectat; quandoquidem Jesuitæ protestantur, ac semper protestati sunt se prohibere, & nunquam non prohibuisse Neophytos suos ab ejusmodi functionibus . . . . . ut quid igitur Dominus Charnot illas toties & cum tanto apparatu describit, aliqua etiam de suo adjungendo? No. 27.

*Responsio.*

45. Quod solemnes Confucii oblationes describendo, aliqua de meo addiderim, dicit quidem Scriptor, sed non probat. Probaturum postea pollicetur, sed quonam loco id facturum sit, non significat. Jam verò an verisimile sit quod Missionarii Jesuitæ semper à principio Missionis, usque ad hanc diem solemnes Confucii oblationes suis Neophytis interdixerint, videsis Notas meas, sect. 1. art. 4. n. 41. & sequentibus, itemque Breves Notationes, n. 82. & sequentibus.

*Dilucidationes.*

46. Ergo, inferet Dominus Charnot, Jesuitæ assentiuntur & fâtentur, oblationes illas dictas ei, quæ Confucio fiunt, esse idololatricas, vel saltem superstitiosas, cum hæc una sit ratio illas prohibendi. Respondeo nos istud non concedere, sed potius negare, semperque negavisse. Licet enim eas  
Je-

Jesuitæ pro idololatricis aut superstitiosis non habeant, eas tamen semper prohibuere, & quidem non sine causa. Ex una parte nemo privatus, tamen ex secta seu classe Literatorum, hujusmodi solemnibus ceremoniis seu oblationibus intervenire cogitur: ex alia vero parte ceremoniæ illæ, ut minimùm inutiles sunt, & aliunde, ut plurimùm valdè periculosæ, cùm ex eis facilè quis induci queat in aliquam superstitionem vel errorem, vel scandalum: id quod satis fuit ut eas nostri generaliter prohiberent. Illud erroris, scandali aut superstitionis periculum in aliquibus erit gravissimum, in aliis levissimum. Unde tamen non contineant (oblationes ista) ullum actum idololatricum, ullum superstitiosum, alii ab iis abstinere debebunt sub pœna gravis delicti, alii sub pœna culpæ venialis, alii denique ex mero consilio. Sed omittendo illas divisiones, & distinctiones, prohibitæ sunt omnibus sine discrimine, verbis generalibus & confusis, relinquendo prudentiæ & judicio Confessariorum particulares casus, in quibus ob specialissimas circumstantias interdum exceptioni locus esse posset. No. 28.

*Responsio.*

47. An semper Jesuitæ neophytis suis solemnes Confucii oblationes prohibuerint, aut etiamnum generaliter prohibeant meritò dubitatur. De hoc aliàs non uno loco egimus. Hic solum observo malè compactum esse totum istud systema opinionis Jesuitarum circa *ei* seu solemnes oblationes Confucii. Hinc enim volunt *nullum* in eis contineri *actum idololatricum vel superstitiosum*, etiam prout à Gentilibus Literatis peraguntur, sed esse rem merè civilem & politicam: Illinc

verò fatentur cultus illos esse valdè periculosos, cum indè facile sit induci in superstitionem, errorem, vel scandalum. Atq̃ in materia superstitionis & idololatriæ, hoc est gravissimi contra Decalogum delicti, non ex mero consilio, sed ex præcepto fugiendæ sunt occasiones, quæ nos ad tam grave peccatum vel scandalum inducunt, juxta regulam Apostolicam: *Fugite ab idolorum cultura*; & novum atque hætenus inauditum in Ecclesia, in simili materia arbitrio Confessarii relinquere, ut ob speciales circumstantias Christianis ejusmodi periculum, quod semper cum aliorum scandalo conjunctum est, adire permittat.

48. Falsum item, liberum prorsus esse Literatis Sinensibus, ab ejusmodi solemnibus oblationibus Confucii abstinere, nisi publico aliquo munere fungantur. Contrarium supra patuit No 38. ex Decreto Imperatorio ibidem relato. Sed ponamus solos Mandarinos eorumque Officiales pro munere suo ad solemnes illas oblationes peragendas constringi; nonne quamplurimos Mandarinos, tum Pekini, ubi est Aula Regis, tum in aliis Civitatibus & locis inter Neophytos suos nunerant Jesuitæ? Quæro num hætenus Mandarinis aliisque Officialibus Christianis ejusmodi oblationibus ministrare aut interesse prohibuerint; an verò Confessarii ob speciales causas & publicum bonum id illis permiserint. Hoc ultimum mihi probabilius fit, cum inauditum sit hætenus in China, aliquem Mandarinum vel Literatum è Christianis munere aut gradu suo excidisse, quod contra publicas Regni leges, istis oblationibus noluerit ministrare vel interesse.

49. Sed

49. Sed nihil æque labat in hac Jesuitarum sententia, quam quod apertè declarant se solemnes illas oblationes Confucii pro innoxiiis habere, nullumque in eis reperire actum idololatricum vel superstitiosum. Nam primò contradicunt Decreto anni 1645. quo ejusmodi oblationes absolute prohibentur, tanquam idololatriæ & superstitione infectæ, juxta expositionem Joannis Baptistæ Moralis, quam Martinus veridicam esse tacitè agnovit; nihil de ejusmodi oblationibus anno 1656. interrogando, imo & quam hodie dum Jesuitæ, in iis quæ spectant ad factum, falsi non audent arguere. Secundò contradicunt etiam Decreto anni 1656. in quo solemnes mortuorum oblationes, juxta subreptitiam Martinii expositionem ita permittuntur, ut aliqua in eis superstitiosa esse dicantur, quæ tolli debeant, & quibus, cum à Gentilibus peraguntur, Christiani, facta fidei protestatione, assistere possint. Cum enim solemnes Confucii oblationes eodem ritu, ac solemnes mortuorum oblationes, imo & majori pompa peragantur, quàm fieri potest ut in his multa sint superstitiosa, in illis verò nullus omnino actus idololatricus vel superstitiosus occurrat?

50. Postremò rem de qua agitur, non satis videntur attendere Patres Societatis. Quid enim à communi Christianorum sensu magis alienum, quam ab omni idololatriæ, vel superstitionis lahe eximere solemnes Gentilium oblationes, in quibus præmittuntur à Ministris jejunia, abstinencia à thoro conjugali, delectus victimarum & sortitio diei ad hanc ipsam functionem obeundam: quæ in *Miao* hoc est æde ad hoc speciali ritu consecrata, primo diluculo celebrantur; in quibus

coram tabella sic inscripta? *Sedes Spiritus sanctissimi & superexcellentissimi Protomagistri Confucii*, accensis cereis & cum odorum suffitu à præcipuo Ministro offertur caput porci, capræ, vel cervi, quorum animalium sanguis & pili postmodum terræ infodiuntur; vinum solemniter libatur; panni serici coram eadem tabella offeruntur, ac deinde ante vestibulum igne comburuntur; additis ad singulos actus variis genuflexionibus & salutationibus, unâ cum encomiis Confucii & orationibus; quibus spiritum ejus, ut adsit, tabellæque infideat & oblati fruatur invitant, ac postea abeuntem cum gratiarum actionibus comitantur, quæ quidem singula in eorum Libris Ritualibus præscribuntur: Quis, inquam, hæc attendens, non miretur reperiri in Ecclesia, qui hujusmodi cultus ab omni idololatria & superstitione puros asserat, & seridè apud Apostolicam Sedem in dubium vocari, an talia Christianis permittenda?

§1. Pudet hic notare Moros seu Mahumetanos meliùs ac faniùs de hisce cultibus judicare quam Patres Societatis, quod quidem argumentum in prioribus meis scriptis omissum, libet hîc tractare, ut adhuc clarius pateat apud Sinas Cultus Confucii & progenitorum non haberi ut civile quid ac politicum, sed ut quid sacrum ac religiosum, ac proinde rejiciendos esse à Christianis tanquam idololatricos ac supersticiosos. Observandum itaque in China multos esse Moros seu Mahumetanos, qui à sexcentis circiter annis in eam ex vicino Regno migrarunt, ibique contractis cum sœminis Sinensibus matrimoniis mirum in modum creverunt. Eos faciliè ad decies cen-

cen-



centena millia esse mihi confirmavit Reverendiss. Episcopus Beritenlis electus. Iam diu autem ab Imperatoribus Sinensibus civitate donati sunt, & à Sinis indigenis non distinguuntur. Habent in præcipuis Urbibus sua delubra; ubi ritu Mahumetano Deum adorant. Quin & multi Sinicam Philosophiam colunt; atque in secta Literaria ad gradus, ac deinde ad Mandarinatus, saltem inferioris ordinis, evehuntur. Hæc narrantur apud Illustriss. Navarrettam Tom. 1. Tract. 2. pag. 83. col. 1. (a), & apud Patrem Semedum Jesuitam Relationis Sinicæ part. 1. cap. 30. (b). Porro, inquit Navarretta; *qui ad gradus sectæ Literariæ*

B 5

ant

(a) *En integrum locum Navarrettæ: La secta de los Moros, ha mas de quatrociento anos, que entrò en China: casi se ha quedado entre ellos mesmos, pero con los casamientos han multiplicado mucho; passan de quinientos mil; tienen sumptuosos templos. En hangcheu imos uno, de tam hermosa vista, y portada, que podia luzir muy bien en Roma. Estudian los Moros las ciencias Chnicas, graduandose, y suben à Mandarinés de letras, y armas; pero en graduandose, ò entrando en Mandarin alguno dellos, le tienen por Apostota de su Ley; de suerte que tienen los Moros por incompatible la secta Literaria con la suya propria, que reconosce un Dios verdadero, aquien dan los mesmos attributos, que nos otros, si bien admitten errores intolerables.*

(b) *En ipsa verba Semedi. Vi sono di più nella Cina Mori in gran copia, non in tutte le Provincie, nè in ogni Città. Son pero nelle migliori: parlano la lingua propria del paese: della sua, levate*

*aut Mandarinatus provehuntur, ab aliis tanquam Mahumetanae legis Apostatae habentur; ita ut Mori persuasum habeant Literariam sectam cum sua sociari non posse; quod certe non existimarent, nisi pro certo haberent sectam Literariam cultibus idololatricis infici; unde Pater Semedo postquam ait Moros studiis vacare, & ad gradus minoresque Mandarinatus promoveri, à Sinis tanquam externos despici observat; statimque addit, quod sicut Sine Moros tanquam externos despiciunt, ita vicissim Mori Sinas tanquam idololatrias & Gentiles contemnunt. Aliud etiam observat Semedo, nimirum Moros fœminas Sinenſes libenter ducere in matrimonium, quòd uxores mariti religionem sequantur, nunquam verò filias suas Sinenſibus in matrimonium tradere, ne vide-*

*licet*

*vate alcune parole, niente fanno. Sanno ancora molte cose della sacra Scrittura. . . . . Nella fisionomia, naso, occhi, barba, e faccia, sono totalmente come li Cinesi. Sono mercanti, medici, hanno officii nelli Tribunali: Studiano, entrano negli esami, & arrivano ad essere Mandarin, mà non delli maggiori: l'ordinario è fermarsi nel grado di Licentiato.*

*Hanno le loro Meschite publiche, concesse dalli Re: osservano la lor legge non molto esattamente. Quelli che arrivano à prender grado di Letterato, o dignità d'officiali, non si curano molto di avanzarsi.*

*Si conservano frà loro, casandosi gli uni con gli altri: prendono anco per mogli Donne Cinesi, mà non danno giamai le loro figliole à marito à figli di Cinesi. La ragione è, perche nella*

licet à veri Dei cultu ad idololatriam & Gentilissimum transeant ; quod generaliter de omnibus Sinis etiam Literariæ sectæ Semedum intelligere ipsa narrationis series ostendit.

52. Notandum etiam Moros in China, tabellas Progenitorum non habere, neque capellas eis dedicatas, ut ipsemet audiui à Reverendissimo Aleonessia Beritensi Episcopo electo & Vicario Apostolico, quòd videlicet totum illum Parentum mortuorum cultum apud Literatos receptum pro idololatrico & superstitionis habeant.

53. Quæres de Moris ad gradus aut Mandarinatum

*nella Cina la moglie segue il marito ; v'è in casa del socero , ivi stà , habita , e seguita la legge di quello ; e così venendo Gentili alle case delli Mori , si fanno More ; mà andando More alla casa delli Gentili , infallibilmente diventerebbono Gentili.....*

*I Cinefi gli disprezzano come stranieri , e gli chiamano hociteu , hocì , hoci. . . . . Se sono sprezzati dalli Cinefi , essi ancora sprezzan loro , perche adorino gli idoli , e sian Gentili : e così niente deve uno all'altro. . . . .*

*Entrarono nella Cina , saranno sette cent'anni , chiamati dal Rè di quel tempo da Turquestan , in aiuto per dissension , che erano nel regno , con successo così prospero , che quelli che allora vollero restare , restarono col privilegio di naturali del paese ; e s'andarono moltiplicando in maniera , che hora arrivano à molte migliaia. Doppo nella guerra , la quale Hamvù fece con li Tartari , sono da trecent'anni , essi furono dalla parte sua , e lo aiutarono : Essendo quel Rè stato vincitore , restarono anche con maggiore stima , e furono ammessi al governo.*

rinatum admissis, an post acceptum gradum, vel antequam Mandarinatus munus adeant, ad ædem Confucii, se conferant, eum, solito more, ut communem Magistrum veneraturi. Respondeo me nihil de hoc invenisse apud Illustriss. Navarrettam, Semedum aut alium scriptorem. Forsan ab hac cœremonia tanquam eorum religioni repugnante eximuntur; sin verò aliqui ad hos se cultus abripi patiuntur, tunc jure merito à reliquis Moris, tanquam Apostatæ & Gentiles habentur, de quibus solis videtur intelligendum, quod supra ait Illustriss. Navarretta, Moros, qui ad gradus sectæ Literariæ & Mandarinatus provehuntur, reliquis Moris tanquam Mahumetanæ legis desertores exosos esse. De his interrogari potest præfatus Reverendiss. Alconessa, qui longos annos Nankini, ubi Mororum magna est multitudo, habitavit.

54. Ex his patet quinam sit communis sensus Mororum aliorumque Sinensium circa cultus Confucii & mortuorum. Neque enim Mahumetani vivos parentes aut Magistros; Sinarum more, salutare aut revereri dubitant; quod civilis ac politicus sit ille cultus. At à Confucii mortuorumque parentum cultibus tanquam idololatria & superstitione infectis abhorrent. Certè Mahumetanos Christianis hac in re antecellere, magisque ab idololatria alienos esse, valdè mirandum est.

#### *Dilucidationes.*

55. Missionarii Jesuitæ in scriptis suis adducunt exemplum lusus chartularum pictarum, qui licet generaliter damnari non possit, tanquam intrinsicè malus, & nulli permissus, tamen ob annexa & consequentias, cum parentes filiis suis  
pro-

prohibent, ac multo magis vetant, ne domi aleatores ad ludendum admittant. No. 30.

*Responsio.*

56. Præclarum certe exemplum & lepidam comparisonem? Omitto laxam & mollem Scriptoris Societatis doctrinam, qua lusus aleatorius culpâ absolvitur, & per se indifferens esse dicitur, tametsi lege civili æque ac canonica damnetur, & à Casuistis quoque, si frequens sit, aut magna pecuniæ interveniat, à gravi culpa non eximatur. Sed ponamus in certis casibus aleam esse licitam seu omni culpa vacare; quæ similitudo lusum inter aleatorium, & cultus idololatriæ ac superstitionis intercedit? In lusbis datur parvitas materiæ, quando exigua est summa, & ob recreationem luditur. At in materia idololatriæ & superstitionis, vel levissimus actus gravi culpa non caret, omnemque idololatriæ suspicionem & vel tenuem umbram fugere debent Christiani. Quid igitur, ubi patens & aperta est idololatria?

*Dilucidationes.*

57. Circa quod rogo Eminentias vestras, ut mihi permittant pro ulteriori facti informatione, in modum Historici referre quid ea de re (an videlicet Sinæ Confucium ut aliquod numen habeant) apud Bartolum mihi occurrit, Lib. 1. Historiæ Sinensis No. 31.

*Responsio.*

58. Nullam esse Bartoli in hac materia auctoritatem jam supra observavi: neque relata hîc ab eo narratio Patris Manuelis Diaz Viceprovincia-  
lis ad rem facit. Quodcumque Sinæ per spiritus montium, fluminum, urbium, Confucii  
aliorum.

aliorumque insignium virorum intelligant, vanus est, superstitiosus, idololatricus cultus, quem illis exhibent, tamen Confucium aliosque insignes viros nequaquam ut numina adorent. Vide-  
fis Notas sect. 1. art. 10. no. 133.

*Dilucidationes.*

59. A nullo unquam sive Literato, sive Plebeio invocatur Confucius, nequidem in publicis & gravissimis calamitatibus terræ-motus, pestilentia & aliis similibus No. 32.

*Responsio.*

60. Veteres Græci & Romani Æsculapium, verbi gratia, nonnisi ad depellendos morbos & obtinendam sanitatem invocabant: nihilominus eum ut numen habebant. Quid si Literati in China Confucium tanto apparatu venerantes non aliud sperent aut petant, quam ingenium aptum ad scientias artesque liberales comparandas, quibus ad honores & dignitates aditum sibi faciant; an cultus hujusmodi à superstitione & idololatria vacabit?

*Dilucidationes.*

61. Aliud extat Decretum Imperatorium quo ad ritus Confucii admittuntur cujuscunque generis homines, & ab iis excluduntur soli Bonzii, habiti ab omnibus ut Sacerdotes. Ibid.

*Responsio.*

62. Quid mirum si Bonzii Sacerdotes sectæ idololatrarum, quæ nihil penè commune habet cum secta Literaria, ad cultus Confucio exhibendos non admittuntur? Id etiam dixit Martinus in sua expositione his verbis: *Nullus intervenit Sacrificulus, vel ex idololatræ secta Ministellus;* ut inde inferret ab idololatria puros esse Confucii

fucii cultus: Sed vana est hæc consequentia. Puri enim sunt cultus Confucii à crassa illa idololatria quæ in Pagodis Bonziorum locum habet, non verò à subtiliori Literatorum idololatria, qui cælo materiali, & spiritibus terræ, montium, fluminum, urbium &c. sacrificant, quæ quidem idololatria eò peior est & periculosior, quò cum Atheismo conjungitur.

*Dilucidationes.*

63. Sed quid dicemus de cervo, porco, capra, viuo, pannis, odoramentis, genuflexionibus? Breviter totum dicemus, id unum observando quod Dominus Charmot, cum planè norit, exponere poterat, videlicet res illas singulas Confucio oblatas, conjunctim & divisim quotidie à Sinis offerri non solum mortuis, verum etiam vivis; non solum præsentibus, sed & absentibus. Sic se gerunt erga novos Mandarinos &c. N<sup>o</sup>. 35.

*Responsio.*

64. Quæ Confucio offeruntur, præsertim bis per annum in solemnibus oblationibus, divisim & conjunctim à Sinis quotidie offerri vivis tum præsentibus, tum absentibus, non solum mihi ignotum est, sed falsum id esse certò scio. Genuflexiones quidem more Sinico Gubernatoribus & Mandarinis, vel etiam hospitibus fieri solent: eis etiam occisa animalium corpora integra vel per partes offeruntur; sed hæc ex loco aliisque adjunctis, intra civilem cultum contineri statim agnoscitur: at cereis accensis supra mensam in modum Altaris thus & odoramenta cremari, caput animalium pridie occisorum solemniter offerri, vinum libari, pannos sericos, postquam simili-

similiter oblatis sunt, igne absumi, pilos & sanguinem animalium terræ mandari; eaque singula fieri coram tabella Confucii vel mortuorum Parentum, in æde sacra quæ *Miao*, id est templum nominatur, cum laudibus, encomiis & orationibus, præmissis aliquot dierum jejuniis & abstinentia à thoro conjugali; prout hæc omnia publicis ritualibus præscribuntur; hæc demum sunt quæ nunquam aut divisim, aut conjunctim fiunt in accipiendis hospitibus, aut in adventu Gubernatorum & Mandarinorum, quæque statim ex loco aliisque adjunctis sacra ac religiosa esse agnoscuntur. De his jam sæpè in aliis meis scriptis, quæ Scriptor Societatis aut non legit, aut se legisse dissimulat.

*Dilucidationes.*

65. Miror cur illi qui in illa Confuciana functione tot res lepidas agnoscere vel animo fingere potuerunt (Sacerdotem, Diaconum, Subdiaconum, Acolytos, Magistrum cæremoniarum,) non ibi etiam repererint Cruciferum, sacram Trabeam, Dalmaticas, Catulam. No. 37.

*Responsio.*

66. O Scriptoris insipidum jocus! Jam de hoc egi in Brevibus Notationibus. No. 78.

*Dilucidationes.*

67. In omnibus solemnibus Siuarum oblationibus, quæ vivis quoque fiunt, omnes illæ cæremoniæ locum habent, & in Ritualibus Libris notantur: eodem modo illis intervenit Magister cæremoniarum, ab eo clamatur: flectantur genua: res quæ offeruntur, odoramenta, flores, & alia similia primùm supra caput tolluntur. Afferam hic textum Latinum Patris Prosperi Intorcetæ, qui sic habet; &c. Ibid. *Ref-*



*Responsio.*

68 Nego & pernego eadem fieri in munerandis hospitibus, Mandarinis aut Gubernatoribus; atque in offerendo *ci* Confucio, vel mortuis Parentibus, seu in solemnibus eorum oblationibus. De his interrogari potest Reverendiss. Beritensis Episcopus electus. Auctoritatem Patris Intorcetta, quam adducit Scriptor nihil moror; cum scripserit post exortam hanc controversiam, & totus sit in excusanda praxi & doctrina Missionariorum Societatis.

*Dilucidationes.*

69 Quantum autem attinet ad quæstionem, an saltem functiones illæ ut supersticiosæ habendæ sint, primùm observandum est, posterioribus temporibus non publicâ, sed privatorum quorundam auctoritate nonnullos ritus introductos fuisse, qui nunquam generaliter per totam Chinam recepti, neque in *Li Ki*, id est in eorum Ritualem Librum vel cæremonialem relati sunt. No. 38.

*Responsio.*

70. Quid refert utrum ritus supersticiosi in solemnibus Confucii & mortuorum oblationibus à prima origine locum habuerint, an verò successu temporis, à pluribus jam sæculis, in eas irrepserint. Hoc secundo casu haud secus rejiciendæ sunt, quam si jam ab initio ejusmodi ritibus infectæ fuissent. Sufficit ritus illos jam diu publico usu receptos esse, nec à quoquam omitti posse. Quid si gratis dicantur esse novi, & in *Liki* seu Ritualibus libris non reperiri? At id gratis dici de ple-risque postea patebit.

*Dilucidationes.*

71. Observandum secundò minimè damnam ut supersticiosam actionem quæ primo aspectu talis apparet, & cujus vix ratio & causa affignari potest. No. 40.

*Responsio.*

72. Assentior propositioni sic generalitèr sumptæ; præsertim si agatur de actione hominum, quorum aliunde nota est nobis fides, doctrina, sapientia: secus, si de Paganis & Gentilibus, quos novimus gravissimis erroribus laborare, quales sunt Sinæ Literati qui à multis saltem seculis in Atheismi barathrum delapsi sunt, non aliud rerum omnium principium, quàm cælum materiale agnoscences, quique cœlo materiali, terræ, spiritibus montium, fluminum, & idolo *Chinboan*, id est cujusque urbis genio tutelari cultus idololatricos adhibent.

*Dilucidationes.*

73. Verbi gratiâ, campanarum consecratio, quæ ab Episcopo intus & foris lavantur, & octo vicibus unguuntur oleo Catechumenorum. . . . . Quid censeret Sina aliquis, de functione quæ singulis annis tantâ cum solemnitate Venetiis peragitur; cum Dux annulum pretiosum à Patriarcha benedictum in mare projiciens, connubium cum mari init? Quid judicaret idem Sina de tot tantisque ludicris quæ singulis annis, diebus genialibus appetentis Quadragesimæ in hac nostra Italia celebrantur? . . . . Quid de more satis communi Regni Europæi piissimi & religiosissimi, ubi iam ab antiquis temporibus, usque ad hanc diem homines turmatim, cum larvis solent intrare Ecclesias, ibique saltare ad fidium & tibiarum sonos; idque etiam in primariis civitatibus & in

ocu-

*Responsio.*

74. Quis non miretur ingenium, inventionem, facundiam Scriptoris Societatis, qui tam apta tamque exquisita è Christianis & Catholicis Regnis exempla profert, ad purgandòs ab omni superstitionis labe cultus, quos Sinæ Gentiles Confucio & mortuis Parentibus exhibent? Tempus & operam malè collocarem, si quàm aliena & incerta sint exempla hîc adducta sigillatim vellem ostendere. Solùm velim observari quàm indecens & gravem apud omnes offensionem habeat, adducere in exemplum bacchanalia, quæ in multis locis, & maximè in Italia fiunt, appetente tempore quadragenarii jejunii, vel ludicras larvatorum hominum in ipsis Ecclesiis saltationes, quæ in certo quodam Regno usu receptæ sunt: quasi verò hæc ultrò permitterentur ab Ecclesiæ Præpositis, & non potius obduritiem hominum, ut vetera quædam & insanabilia mala, cum gemitu & dolore tolerarentur.

*Dilucidationes.*

75. Jam verò, ut ad institutum de factis particularibus Confucianarum oblationum sermonem redeamus, aio usum illum infundendi vinum calidum in aures porci, ut qui fortiùs se moverit, feligatur, allatum esse in Chinam ab Eunucho Regio qui ad exterum Regnum Legatus observavit rusticos hocce pacto quodnam animalium robustissimum; ac valentissimum esset explorare . . . . selectum animal toto corpore procumbentes salutant ante vel postquam occisum est . . . . magis extraordinaria videtur oblatio pili, sanguinis & intestinorum animalis, cervi, scilicet, capræ, vel porci, . . . Quod

verò spectat ad pannos, qui postquam oblatis sunt, igne absumuntur &c. No. 43. 44.

*Responsio.*

76. Frustrà Scriptor Societatis recurrit ad originem rituum illorum & ad quasdam subtiles & reconditas rationes, ut à superstitionis labe purgentur. Quod assertit de Ennucho Regio, qui à Legatione redux usum infundendi vini calidi in aures porci apud Sinas invexit, gratis ab eo dicitur, nullumque ejus rei auctorem assertit. Sed etiam usus ille initio superstitione vacasset, successu temporis corrumpi potuit. De eo autem aliisque ritibus hîc allatis judicandum est, prout communiter etiam à Literatorum plebe hodiè usurpantur. Deinde observandum similes ritus adhiberi in oblationibus cæli, terræ, spirituum montium, fluminum, & præsertim idoli *Chin hoan*, seu tutelaris genii cujusque urbis, quibus in oblationibus ritus illos esse supersticiosos nemo negaverit.

77. Verùm duo alia hoc loco notari velim: primò Scriptorem Societatis apertè, ut ita dicam, concordare de facto, nihilque eorum, quæ in describendis solemnibus Confucii oblationibus retuli, inficiari: secundò complures eum ritus omisisse, quod nempe eos à superstitione purgare se posse desperaret, qualia sunt præmissa oblationibus jejunia, abstinencia à thoro conjugali, sortitio diei ad celebrandas oblationes, quæ maxime adhibetur in oblationibus Progenitorum.

*Dilucidationes.*

78. Nullus Literatus iis intervenire tenetur (solemnibus Confucii oblationibus), nisi sit Mandarinus, id est Gubernator. Sed circa hos quid agatur?

getur ? sic interrogat Dominus Charmot articulo 4. suæ ultimæ scripturæ. Respondent Jesuitæ id facile fieri posse, quia Mandarinus tanquam Superior & Dominus ex hac functione tollet singulos illos actus qui aliquam superstitionis speciem habere possunt, & privatâ auctoritate à multis, non autem ab omnibus, neque ubique introducti fuerunt, quorum nulla sit mentio in Sinensibus Libris Ritualibus ceremonialibus. No. 45.

*Responsio.*

79. Falsum est solos Mandarinos, ratione officii, constringi ad interveniendum & ministrandum oblationibus Confucianis, ut jam sæpè monui. Sed videamus quomodo se Patres Societatis expediant à difficultate quæ est circa Mandarinos. Plures enim Mandarinos inter suos Neophytos se habuisse, atque etiamnum habere glorianur. Id, inquit, facillimum: nam Mandarinus, ut Superior ac Dominus, quolibet ritus minùs commodos, & vel aliquam superstitionis umbram habentes removebit. Quis non miretur hæc tam intrepidè coram Apostolica sede proferri ? Certè non est hoc nodum solvere, sed scindere. Nulla forte alia Natio æque suarum consuetudinum tenax est, ac Sinensis. Quis igitur non miretur in publicis ritibus toto Imperio receptis, quemlibet Mandarinum Superiorem ac Dominum appellari, ut pro libitu, quos rituum illorum voluerit, removeat ? Id vix tentaret, si Literati loci omnes ad unum essent Christiani. Quid si ipse solus aut forte unus & alter Christiani sint, cæteri verò Gentiles ? Num hoc casu Literati Gentiles Confucii & cultus ejus observantissimi, silebunt ? Quin potius graviter se peccare existimarent, nisi

hæc ad superiores Mandarinos & ad Supremum Rituum Tribunal dictum *Lipù* deferrent.

80. Quid si ritus illi supersticiosi non solo usu inducti, sed Regiis Edictis sanciti sint & in Libris Ritualibus præscripti? At plerique ritus Confuciani hujusmodi sunt: sic, v.g. Regia Edicta jubent, ut primâ die & decimâ quintâ Lunæ Mandarinus seu Gubernator vel Præses cujusque loci ad ædam sacram Confucii se conferat, ut ei odores offerat. Verba Edictorum refert Reverendissimus Varo in Tractatu suo jam sæpè à me citato. Sic ceremonia offerendi pilos & sanguinem animalium habetur in Libro *Lyki*, hoc est Rituali, ubi etiam ejuscæremoniæ ratio redditur, apud eundem Reverendissimum Varo. Sic jejunia & abstinencia à thoro conjugali ante solemnes Confucii oblationes Regio Edicto Imperatoris *Hung vñ* præcipiuntur, ut refert idem Varo, Art. 3. cujus hic est titulus: *De jejuniis quæ juxta Regiam Edictum ante duas solemnes Confucii oblationes præmittuntur.*

*Dilucidationes.*

§1. At, pergit Dominus Charmot, non potuerunt (Mandarini) non se sistere ante tabellam inscriptam nomine Confucii cum adjuncta voce sanctissimi & superexcellentsissimi spiritus, in qua tabella Sinæ credunt reipsa animam Confucii residere . . . . Quantum ad vocem *sancti*, vel si voles, *sanctissimi*, quæ tribuitur Confucio, jamdiu respondit Sacra Congregatio anno 1645. Si vox illa, inquit, in Regno Chinarum habet latitudinem, posse Ministros ea uti: si verò restringatur ad significandam veram & perfectam sanctitatem, nullatenus posse. Porro quod vox *Xing* sit generica

nerica & non restricta ad significandam sanctitatem supernaturalem manifestum est. Ante promulgationem fidei solam sanctitatem naturalem, hoc est bonitatem moralem, & morum integritatem noverunt Sinenses, idque tunc significabat vox *Xing* mortuis & Confucio attributa. Quidni igitur hanc eandem sanctitatem naturalem nunc, quemadmodum antea, significare poterit? No. 46. 47.

*Responsio.*

82. Hic solum notari velim Scriptorem Societatis phrasim Sacrae Congregationis non servare, sed has voces, *veram & perfectam sanctitatem* hisce mutare: *sanctitatem supernaturalem*, ut hac duplicis sanctitatis, naturalis videlicet & supernaturalis, distinctione, quæ celebris est in scholis Molinæ, viam sibi paret ad conservandum Confucio nomen sanctissimi, etiam apud Sinas conversos, quem Pater Intorcetta, alique Jesuitæ omni genere virtutum moralium floruisse sæpè commemorant, ac tantum non ut beatum, in aliquo beatitudinis naturalis paradiso, collocant. Sanè hac distinctione sanctitatis naturalis & supernaturalis, possent adhuc hodierni Romani Furios; Camillos, Fabios, Scipiones aliosque veteris Romæ Heroes sanctissimos appellare. Addo ipsosmet Jesuitas non aliam vocem quàm *Xing*, adhibere ad significandam sanctissimam Virginein Mariam, sanctos Angelos, sacro-sanctum Missæ sacrificium.

*Dilucidationes.*

83. Quod spectat ad Confucii aliorumque mortuorum spiritus, quos credunt in ejusmodi tabellis habitare & residere, si agatur de præsentia reali & physica, & non dumtaxat de morali vel re-

præsentativa seu imaginaria, semper negatum est & adhuc negatur, communiter à Literatis, qui soli cultibus Confucii interveniunt, admitti similes errores, apud vulgus idololatrarum, quos Literati abominantur, & quibuscum apertas inimicitias exercent disseminatos. N<sup>o</sup>. 48.

*Responsio.*

84. Falsissimum est juxta principia Philosophiæ Sinicæ, & communem Literatorum sententiam, tabellas Confucii & Progenitorum esse solùm quid morale, quod vim habeat repræsentandi, & mortuorum speciem seu imaginem quandam in animo excitandi. Literati nullam veri spiritûs notionem habent, & omnia unum esse, atque ex primigenia quadam materia constare existimant. At tamen distinguunt partes quasdam subtiliores illius materiæ, & quandam veluti quintam essentiam, quam *Li* seu *Tai Kie* vocant, quæ in præcipuis mundi partibus vigeat, in cælo videlicet ad lucendum & sublunaria fovendum, in terra ad germinandum, in hominibus ad sentiendum & ratiocinandum. Itaque mortem hominis putant corpus in terram redire, spiritum verò, hoc est subtiliorem partem sursum ascendere, & sparsis per aërem similis materiæ partibus immisceri; unde advocatus saltem ex aliqua sui parte tempore oblationum ad tabellas redeat, ibique resideat rebus oblatis fruiturus. De hoc fusè egi in Notis, scet. 1. art. 10. n. 149. & sequentibus, ubi à me citantur in hanc rem Reverendissimus Varo in Tractatu sæpè citato, & Illustrissimus Lopez in Tractatu quem ipsimet Jesuitæ producant. Consuli etiam potest Illustrissimus Navarreta tom. 2. tract. 7. pag. 396, 397. Porro ridiculum est hanc de Tabellis mor-



tuorum opinionem & doctrinam, quæ propria est Literariæ sectæ, tribuere sectæ idololatrarum seu Bonziorum; cum ambæ hæ sectæ vix quicquam inter se commune habeant, ut fatetur ipsemet Scriptor Societatis.

*Dilucidationes.*

85. Literati si non sunt Christiani, aut sunt ex secta Atheorum, & nullum Deum, nullum spiritum, neque ibi (in tabellis,) neque alibi agnoscunt, multo minus petunt aut sperant aliquid à Confucio & mortuis: aut sunt ex antiqua Schola & professione Literaria; & hi dicunt quod in morte bonorum animæ pergunt ad cælum, & ibi propè *Xamti* supremum Dominum, id est Deum remanent. Ibid.

*Responsio.*

86. Hæc distinctio Literatorum Gentilium in duas classes, alteram Atheorum, alteram eorum qui veterem Scholam & professionem Literariam sequuntur, est ficta & imaginaria. Sive enim primi Auctores sectæ Literariæ eorumque longo tempore Successores verum Deum agnoverint, ut Pater Riccius primus è Societate Jesu in China Missionarius putavit; sive jam tum per *Tien* Cælum, & *Xangti* supremum Imperatorem, nihil aliud intellexerint præter cælum materiale, vimque ejus efficientem, ut Pater Nicolaus Longobardus ex eadem Societate, Riccii successor, aliique quamplurimi existimant, certè nemo est rerum Sinicarum non planè ignarus, quin agnoscat totam Literatorum sectam à sexcentis vel etiam longè amplius annis, in Atheismi baratrum decidisse, utpote quæ nullos veros spiritus, sed solum materiale cælum tanquam rerum

omnium principium agnoscat. De his egi in Notis, sect. 2. art. 2. 3. & 4. Consulendus etiam de his Reverendissimus Beritensis Episcopus electus, qui hanc Literatorum in duas classes distinctionem exufflat, omnesque Literatos à mille annis, & ipsum etiam hodiernum Imperatorem, ut ex Libris ab ipso compositis patet, hocce Atheismo laborare confirmat.

*Dilucidationes.*

87. Dicunt itaque, afferatur Spiritus, è muro avellatur, se demittat Spiritus ad tabellam, se denuo tollat in altum & ad locum suum redeat; quemadmodum nos dicimus: afferite Crucifixum, atollite, demittite, reponite Crucifixum, hoc est effigiem Crucifixi. Hisce nihil amplius reperias apud Literatos, & quidquid ultra additur loquendo de Literatis, Jesuitæ in suis scripturis meram imaginationem appellant. Ibid.

*Responsio*

88. Tabellas mortuorum inscriptas: *Sedes animæ talis & talis defuncti*, Literatis Sinensibus esse meras imagines, quæ defunctos in memoriam posterorum revocent, nihilque, eorum opinione, plus habeant, quam apud Christianos imagines Christi & Sanctorum, propositio est falsissima, ut patet ex Libris Ritualibus & variis Philosophorum Sinensium scriptis, quorum verba & auctoritates magno numero affert Reverendissimus Varo in prædicto suo Tractatu art. 8. cujus est hæc inscriptio: *Probatum esse sententiam Sinarum, quod animæ Progenitorum adveniant ad recipiendas oblationes, & ad fruendum rebus sibi oblatiis.* De eadem re videndus Illustrissimus Navarretta Tom. 2. Tract. 7. §. 4. pag. 396. Itaque

que quod hîc ait Scriptor Societatis, comparans tabellas Confucii & mortuorum imagini Crucifixi locum habere potest in Sinensibus ad fidem conversis, quos Jesuitæ, quid de hîc tabellis sentire debeant, docuerunt; at hoc tribuere Literatis Gentilibus, novum prorsus ac res Sinicas cal-  
lentibus inauditum.

*Dilucidationes.*

89. Quisquis illas (orationes) leget, facilè agnosceret in verbis illis nunquam exprimi precem directam Confucio. Orationes quæ coram Confucio recitantur sunt tantum panegericæ, non supplices petitiones, & nemo eas appellaverit collectas, nisi animo propriis opinionibus ante occupato. N<sup>o</sup>. 49.

*Responsio.*

90. Vanæ sunt & superstitiosæ preces quæ in oblationibus Confucii adhibentur, tametsi ad eum non dirigantur. Id agnovit Martinus, qui ut cultum Progenitorum licitum esse ostenderet in quæstis suis ait: *Sine nullam divinitatem animabus Defunctorum concedunt; nihil ab illis sperant aut petunt.* His enim verbis saltem oblique fateatur, preces in oblationibus mortuorum futuras esse superstitiosas & illicitas, tametsi ad animas defunctorum tanquam ad quædam numina non dirigerentur, dummodo ab eis aliquid speraretur aut peteretur. Certè quando sanctorum cum Christo regnantium opem imploramus, non semper preces nostras ad eos dirigimus, sed sæpè sapiùs à Deo, eorum meritis & intercessione, beneficia aliqua poscimus, nullam in eis, quod absit, divinitatem agnoscentes. Itaque etsi concederemus Sinas Literatos nullam divinitatem in  
Con-

Confucio vel mortuis parentibus agnoscere, neque ab eis beneficia petere aut sperare, nihilominus vanus esset & superstitiosus cultus, cujus vi ac merito aliqua se beneficia consequi posse crederent, à quocumque tandem illa petant aut sperent.

91. Atqui certo certius est, Sinas Literatos in exhibendis ejusmodi cultibus tum Confucio, tum defunctis parentibus, petere ac sperare sanitatem, dignitates, segetum abundantiam, aliaque bona hujus vitæ; & è contra morbos, calamitates aliaque hujus vitæ mala deprecari. Id fusè ac invictè probat Reverendiss. Varo in Tractatu jam citato, tum ex Rituali *Liki*, aliisque Ritualibus, tum ex Libris Classicis Sinarum variisque aliis testimoniis, auctoritatibus, experienciis & exemplis. En titulum seu synopsis articulo- rum in quibus hoc argumentum tractat: Articulus primus Capitis 5. in quò auctoritate Librorum Classicorum *Liki* probatur Sinas à Progenitoribus defunctis bona petere ac sperare. Art. 2. in quo idem probatur auctoritate Librorum Classicorum *Xy-king*. Art. 3. in quo idem confirmatur auctoritate aliorum Librorum Sinicorum. Art. 4. in quo idem probatur ex praxi nec non auctoritate nonnullorum Patrum è Societate.

92. Cùm autem ex his manifesta sit subreptio Martinii, libet hîc referre quod habet idem Reverendiss. Varo proximè ante articulos modò citatos, cap. 5. pag. 200. cujus hæc est inscriptio: *Probatum quod Sine aliquid divinitatis dant animabus Progenitorum defunctorum.* En ejus verba ex Hispano idiomate Latinè reddita: „ Operæ „ pretium existimavi referre hoc loco quod acci- „ dit

„ dit Patri Commissario Fratri Antonio à Sancta  
 „ Maria , in Metropoli Hangcheu cum Patre  
 „ Martino Martinio , postquam hic Româ redux  
 „ attulerat Decretum Alexandri VII. summi  
 „ Pontificis de permittendis circa subiectam ma-  
 „ teriam. Ipsemet legi casum in una declara-  
 „ tione quam dictus Pater Commissarius misit ad  
 „ S. Congregationem de propaganda fide anno  
 „ 1661. jurans in verbo Sacerdotis vera esse quæ  
 „ in illa narrat. En ipsissima ejus verba: Sacri-  
 „ ficia in templis Proavorum ideo fiunt ut ab  
 „ eis consequantur propitia, adversa verò viten-  
 „ tur; constat ex infra dicendis: anno 1659. for-  
 „ te perveni eò ubi Pater Martinus Societatis  
 „ Jesu erat Minister: quâdam die post prandium  
 „ ab illo quæsi quid esset divinitatem aliquam  
 „ attribui animabus Defunctorum, respondit ab  
 „ illis expectare aut petere ea quæ solus Deus  
 „ annuere potest: dixi in hoc Regno infideles  
 „ Sinici sperant aut petunt ab illis, igitur &c.  
 „ Minore negatâ, dixi, Vestra Reverentia  
 „ habet domi Librum intitulatum *Fa Ke*  
 „ *Uven*? respondit se habere; Libro allato ut  
 „ infra scripta perlegeret, [Liber iste est Dialo-  
 „ gus inter Christianos & Ethnicos; Auctor illius  
 „ quidam Sina Christianus & Licentiatus à Pa-  
 „ tribus Societatis instructus ac baptizatus nomi-  
 „ natus *Chu vey Ching*] hæc legit Sinicè scrip-  
 „ ta: Ethnici quæsierunt templa nostrorum Avo-  
 „ rum, etiamsi illi nullatenus habeant nec  
 „ prosperitatum nec adversitatum dominium, &  
 „ nunc visis imaginibus nostrorum parentum seu  
 „ amicorum ibi derelictis, quanvis illi dum  
 „ vixerunt virtutes imitabiles non habuerint,  
 „ „ ratione

„ratione quarum debeamus illos venerari, si in  
 „eorum templis semel genuflectamus, ac semel  
 „caput inclinemus, unde hoc sit contra rationem?  
 „Auctor verò respondit, sicut illicitum est infe-  
 „riorem sicut Regem honorari, sic nunc in Avo-  
 „rum templis effigies eorum ibidem collocatæ  
 „omnes ob adversa vitanda consequendaque pro-  
 „pitia sacrificiis odorantur; pessimus utique er-  
 „ror Proavorum effigies sicut Dominum supre-  
 „mum venerari, sicut valdè injustum esset Vas-  
 „sallum aliquem Regi suo coæquari; idcirco  
 „Proavorum seu amicorum præfatorum statuas  
 „seu effigies honorare, certissimè est idem cum  
 „pessimis ac perversis conversari, ad invicem-  
 „que inter se urbanisari; nullatenus itaque Pro-  
 „avorum delubra venerentur; directè enim est  
 „non debitum sibi cultum & honorem temerè  
 „usurpare. Neutiquam licet ibi genuflectere,  
 „nec caput inclinare. Hæc ille. Quibus à Patre  
 „Martinio supradicto prælectis, tantisper obmu-  
 „tescens illicò dixit, hanc corruptelam animabus  
 „exorandi defunctorum introductam fuisse ab-  
 „hinc retro trecentis annis; at præfatus cultus  
 „Proavorum ab antiqua prima sua institutione so-  
 „luminodo civilis politicusque est, mortuis in-  
 „serviendo, ac si adhuc viverent, hæc ille. Præ-  
 „citatusque Liber continens prævisa in ipsamet  
 „domo & Ecclesia Societatis Jesu Civitatis *Hång-  
 „chen* prælo datur, ubi tunc quando hæc Pater  
 „Martinius perlegit, ipse erat loci illius Supe-  
 „rior ac Minister. Constat ex præfatis, ex com-  
 „muni consuetudine Sinarum animabus defunc-  
 „torum potentiam ac divinitatem non minimam  
 „in prædictis sacrificiis attribui. Huc usque verba  
 „Patris

„Patris Commissarii Fratris Antonii à Sancta  
 „Maria tunc Præfecti Apostolici Religiosorum  
 „sui Ordinis in hoc Sinarum Regno.

93. Observat autem ibidem Reverendissimus Varo hunc Librum Sinæ Licentiati, Patrem Societatis Neophyti, quæ Cosmæ nomen in baptismo accepit, iterum in eadem Metropoli typis editum fuisse cum approbatione d-orum Patrum Jesuitarum, nullâ factâ circa hunc locum mutatione.

*Dilucidationes.*

94. Totum hoc dixi de secta seu classe Literatorum, ad quos solos spectant ritus Confucij. Cæterum non me fugit idololatrias sæpè sæpius hisce & aliis erroribus circa defunctos suos laborare. Immo frequenter eorum nomina in templis suorum idolorum appendunt, ut eos cum aliis Diis invocent: sed hoc non vitiat ritus quos Literati adhibent erga Confucium & Progenitores mortuos. No. 50.

*Responsio.*

95. Frustrâ ad hanc distinctionem Literatorum & idololatrarum confugiunt Patres Societatis. Hic unicè agitur de Literatorum secta, quæ est præcipua in toto Regno, & cujus princeps est ipsemet Imperator. Ex hujus sectæ principiis, Libris Ritualibus, Classicis, & quotidiana praxi probantur quæ in descriptione cultuum Confucij & mortuorum retulimus. De secta idololatrarum omnino siluimus, de cujus superstitione & idololatria nemo dubitat. Falsum tamen est, ut observat Reverendissimus Varo, art. 5. pag. 223. eos ex principiis sectæ suæ posse mortuorum parentum nomina appendere in templis, ut illos  
 cum

cum aliis Diis invocent. Cum enim animarum immortalitatem, pœnasque alterius vitæ credant, pro Parentibus mortuis Deos suos seu idola invocare solent, non verò ipsos parentes post mortem, tanquam Deos venerantur. Porro ridiculum est & absurdum supponere quod idololatræ de cultibus & cæremoniis Literatorum à nobis interrogati fuerint, cum utraque illa secta valdè diversa sit, nihilque penè inter se habeat commune, ut jam supra dictum est.

*Dilucidationes.*

96. Ergo, colliget Dominus Charmot, Jesuitæ Neophytis suis etiam prohibebunt intervenire alicui ex oblationibus & cæremoniis quæ mortuis fiunt, cum similes sint Confucianis. Respondemus multum inter hæc interesse. Nam Confucianis oblationibus, nemo præter Officiales, intervenire constringitur, & reliqui impanè ab iis abesse possunt. Non ita de functionibus quæ à tota familia fiunt erga defunctos parentes. No. 51. 52.

*Responsio.*

97. Velim observari totam illam utrarumque oblationum differentiam non ab ipsismet oblationibus, quæ per omnia similes ac pares esse agnoscuntur, peti, sed à comodo vel incommodo ministrantium vel assistentium; quasi verò in iis quæ ad cultum Dei & salutem animarum pertinent, cum perniciofa aut valdè periculosa sunt, attendi debeat multitudo vel paucitas eorum, quorum interest, & non potius videndum atque examinandum an res in se ipsa sit licita vel illicita. Sanè si quid hîc distinguendum, quanto peccatum aut peccandi periculum ad plures pertinet,

eo



eo major esse debet Præpositorum Ecclesiæ in ejusmodi rebus permittendis cautio. Hoc etiam, si Jesuitis credamus, interfunt oblationes Confucii & oblationes mortuorum, quod in illis Minister sit Mandarinus seu Gubernator loci, qui tanquam auctoritatem habens, potest ea removere quæ superstitiosa esse judicaverit: At in oblationibus mortuorum eam auctoritatem non audent tribuere primogenito seu principi familiæ, qui sacerdotis seu primi Ministri officio fungitur. Itaque, ut sibi consent, difficilius oblationes mortuorum, quàm Confucii permittere deberent.

*Dilucidationes.*

98. His omnibus positis, ubi est certa illa & manifesta in exponendo factò falsitas toties Patri Martinio non sine despectu & insultatione objecta? No. 55.

*Responsio.*

99. Quanta Martinus per obreptionem & subreptionem in exponendis cultibus Confucii & Progenitorum peccaverit, fusè ostendi in Notis, sect. 1.º art. 3. quæ omnia Scriptor Societatis silentio prætermittit, tametsi in hoc maximè hujus controversiæ cardo vertatur.

*Dilucidationes.*

100 Cujus (Martinii) corpus, quantumvis grande & pingue, Deus voluit post tot annos integrum & incorruptum permanere, cum stupore Christianorum atque etiam infidelium, qui etsi solito apud Sinas more alia cadavera sepeliant, ea non vident conservari integra ac recentia talem in modum. Ibid.

*Responsio.*

101. Scilicet ad miraculi magnitudinem multum refert nos scire Martinium fuisse grandioris staturæ, & corporis obesi. In Notis meis, sect. 1. art. 11. n. 154. ubi de hoc egi, Scriptores Societatis monueram contra reverentiam Eminen- tissimis Patribus debitam esse, rem testimonio nonnullorum dumtaxat Jesuitarum nixam, & quæ, si legitimè probata esset, adhuc eis inutilis esset, tantopere urgere. Sed certum est illis eadem semper, meis licet responsionibus obtrita, repetere: videtur quidem hoc loco fateri Scriptor, corpora more Sinico sepulta, sæpè ad multos annos integra permanere; at singulari modo corpus Marti- tinii velut adhuc recens, divinitus servari conten- dit, cujus prodigii fides sit penes ipsum ejusque focios.

*Dilucidationes.*

102. Jesuitæ de hoc idem semper senserunt, videlicet quòd actiones à multis, & variis in lo- cis additæ functionibus quas Literati in honorem Confucii & mortuorum adhibent, defendi specu- lativè possunt tanquam non supersticiosæ: & quam- vis certum foret eas esse supersticiosas, non red- derent functiones illas ex natura sua & essentiali- ter supersticiosas vel idololatricas; attamen in praxi prohibendum esse fidelibus, ne quidem eis interesse, quia ex una parte nulla necessitate ad interveniendum eis contringantur &c. No. 59.

*Responsio.*

103. Hoc loco prioribus verbis Scriptor cul- tus mortuorum cultibus Confucii conjungit, pos- terioribus autem de solis cultibus Confucii ser- monem habet, de quibus paucis post lineis ait, quod

quod cum solus loci Mandarinus eis intervenire teneatur, facile quidquid superstitionem sapit, pro suprema, qua pollet, auctoritate, rescicare poterit. Quam hæc omnia parum firma sint, parumque cohæreant, jam sæpè observatum est.

*Dilucidationes.*

104. Quod verò ipsimet Jesuitæ, qui in China Missioni operam dederunt, contrarium senserint vel scripserint, propositio est vana nulloque nixa fundamento, & ut talis confutata in Observationibus anno proximè præterito Sacra Congregationi oblatis. No. 60.

*Responsio.*

105. Hanc communem ac perpetuum Missionariorum Societatis sensum circa cultus Sinenses, falsum esse ac suppositum multa arguunt, ut non uno loco jam ostendi. Conventus in civitate *Kiating* anno 1628. cum adhuc soli essent Jesuitæ in China, celebratus, cultus Confucii tanquam supersticiosos & idololatricos damnavit, quos hodiedum Patres Societatis ut innoxios defendunt. Illustrissimus Navarretta sæpè commemorat multa cum laude Patrem Joannem Balat, & Patrem Figueredo è Societate qui cultus Confucii & mortuorum suis Neophytis nunquam permiserint. De eodem Patre Figueredo juxta Illustrissimum Navarrettam refert Reverendissimus Varo in suo Tractatu cap. 5. art. 4. quod Librum de decem divinis præceptis typis edidit, in quo disertè ait 2. part. fol. 3. esse contra primum præceptum Decalogi, si quis defunctorum templa, eos veneraturus, adierit. Fol. 11. pag. 1. apertè dixit, esse idololatriam, si quis ei, id est oblationem solemnem parentibus faciat. Alias adhuc auctoritates, alia-

que exempla in eam rem affert idem Varo loco citato.

*Dilucidationes.*

106. Patris Semei producuntur (à Domino Charriot) textus truncati, & quædam ejus locutiones improprie, ut propriæ sumuntur. Ibid.

*Responsio.*

107. Meminerit Scriptor me Patrem Semei citasse solum ad probandam facti veritatem; & rectè à me allata ejus verba comperiet. Consultat quæ de hoc habentur in Brevibus Notationibus No. 176.

*Dilucidationes.*

108. Objiciet tandem Dominus Charmot, melius omnino fore ut omnia illa, qualiacumque sint è medio tollantur, idque assequi facillimum esse. Primum concedunt Jesuitæ, illudque toto animo desiderant, atque ut magis magisque augeatur Christianorum numerus, ita in hoc magis magisque proficiunt: Secundum non admittitur, præsertim quod spectat ad Ecclesias seu stationes Christianorum Regiæ Civitatis, aut eidem Regiæ Civitati vicinas; atque etiam illas in quibus sunt Literati vel Mandarinæ. . . . . Hi quippe Confucio addicti, non verò alii Sineses Christiani. No. 64.

*Responsio.*

109. Hæc objectio, quam meo nomine proponit Scriptor Societatis non minus ad cultus mortuorum quam Confucii spectare videtur. In responsione tamen de solis cultibus Confucii agit Scriptor, quasi parum curans de cultibus Progenitorum, quos jamdiu Societas tolerandos decrevit, quantumvis superstitione & idololatæ-  
Contra

Confucianis pares sint, aut forte etiam peiores. Hic videas genium plerorumque Casuistarum, qui res præcepti ad simplex consilium redigunt, & quæ æterna lex omnibus præcipit, ad maiorem dumtaxat perfectionem spectare volunt. Quando cultus mortuorum nihil differunt à cultibus Confucii, quid causæ est, cur hos Scriptor, quantum fieri poterit, tollendos, illos verò omninò tolerandos putat? Nimirum, inquiet, quia ab utrisque illis cultibus abstinere res est consilii non præcepti, idèdque pro variis personarum & locorum circumstantiis, aut prohiberi possunt, aut permitti.

110. Iam verò an difficillimum sit, imò, ut volunt Patres Societatis, impossibile ea omnia è medio tollere, exemplo suo docent Patres Dominicani & Missionarii è Clero, qui nullum è Catechumenis ad baptismum admittunt, nisi cultibus Confucii & Progenitorum renunciaverit; si quis verò è Neophytis promissis non steterit, & hoc se delicto iterum polluerit, eum à communione semovent, donec facti pœnitens publicè satisfecerit: id quod ipse testificari possum de quodam Literato Patrum Dominicanorum Foggannensi Neophyto, qui cùm ad colendum Confucium, repugnante licèt conscientia, ut canis ad vomitum, rediisset, non ante communioni Ecclesiasticæ restitutus est, quàm die Dominica in publico fidelium cœtu veniam, magna cum humilitate, petierit; quam reconciliationem apud Patrem Thoman Croquer Dominicanum Missionarium, dum illac iter facerem, procuravi.

111. Facillimum esse cultus Confucii & Progenitorum abolere in scriptis meis nusquam dixi.

aufim tamen dicere huic tanto bono nihil æquè obflare, ac Patrum Societatis à cæteris Miffionariis in tolerandis ejufmodi cultibus discrepantiam: imò fi quotquot funt in China Miffionarii de eis tollendis confentirent, hucque omnes confilia & operam fuam conferrent, haud vana fpes eft fore ut res facilis evaderet.

112. Sed ponamus plurimum id habere difficultatis, quis nefciat Ethnicis ad baptifmum accedentibus vim fibi faciendam, multaque quibus maximè adftricti tenentur, relinquenda, qualia funt polygamia, ufura, aliaque id genus peccata? Quis dubitet quin in hisce valdè fudandum & laborandum fit Miffionariis? At fimiles difficultates experti funt Apostoli, & quotquot Apostolico fpiritu præditi fidem Ethnicis annuntiarunt; neque tamen ob ejufmodi difficultates à verbi prædicatione ceffarunt; immo tunc eò fortiùs, & alacriùs ad opus incumbabant, quò nihil propriis viribus & humanæ prudentiæ fidentes, totum à divina gratia & virtute Spiritus Sancti expectabant. Videant Patres Societatis, utrum Apostolicam hanc prædicandæ fidei rationem in China teneant, an forte aliam non parum diverfam, unde fit, ut res multo difficiliore, quam reipfa funt animo fibi fingant.

*Dilucidationes.*

113. Qui in Ecclefia fua haberet duntaxat ruflicos, aut plebeios, facilè inter eos induceret ufum procedendi in publicum fine pallio: fecus, fi præter illos haberet etiam nobiles aut civilis ftatus viros. Ibid.

*Refponfo.*

114. Bello hoc exemplo uti poterit Scriptor So-

Societatis, ubi constiterit cultus Confucii & Progenitorum æquè esse rem indifferentem, ac cum pallio, vel sine pallio ambulare.

*Dilucidationes.*

115. A quibus (Missionariis Societatis pro fide captivis) discessit Pater Frater Navarretta, fugiens è carcere, ut pergeret in Europam, ibi quidquid sciret mali de eis publicaturus No. 65.

*Responsio.*

116. Hæc contumeliøsè dicta in Illustrissimum Navarrettam egregiè confutantur in Apologia Patrum Dominicanorum adversus Librum Patris *Le Tellier*, & Opusculum Patris *Le Gobien*, quæ propediem publici juris fiet.

*Dilucidationes.*

117. Inter illas scripturas (Archivii Patrum Societatis) una satis ampla, & quæ Librum ex se constituit, traditur in manus Domini Assessoris. Ibidem.

*Responsio.*

118. Liber ille cujus copiam mihi fecit Illustrissimus Dominus Assessor, annuente Sacra Congregatione, nihil est aliud quam Apologia Societatis à Patre Brancato Jesuita Cantone composita, ad quam respondit Illustrissimus Navarretta toto Tractatu 7. Tomi secundi, & Reverendissimus Varo Tractatu jam sæpè citato.

*Dilucidationes.*

119. Dominus Charmot in ultima sua scriptura Eminentissimis Vestris exhibita significavit desiderare, ut fieret congressus in quo hæc materiæ difficillimæ multorumque voluminum, vivâ voce discuterentur: *De eo conveniendum*, inquit, *quod vulgò concordatum facti appellant, ut deinde pro-*

*gressus fieret ad questionem juris.* Congressus iste ad concordandum quem Dominus Char-  
mot proposuit, à nobis semper exoptatus est,  
& illum ab Eminentiss. Vestr. suppliciter postula-  
mus. No. 67.

*Responsio.*

120. En fanè dignam totius scripturæ clausu-  
lani, ut postquam non uno loco multa mihi  
Scriptor affinxit, hîc verba mea truncaret, &  
quod nequidem per somnium mihi in mentem  
venit, me Sacræ Congregationi proposuisse com-  
minisceretur. Notarum mearum Art. 1. monui  
me jam superioribus scriptis quid in hac causâ  
facti, quid juris esset, clarè distinxisse; Quæstio-  
nem facti esse quidnam reipsâ in culibus Con-  
fucii & mortuorum agatur, verbi gratiâ, an  
cerei coram Confucii & Progenitorum tabellis  
accendantur; odoramentorum suffitus fiant, vi-  
num liberetur, suis aut capræ caput offeratur, &  
alia similia: ubi autem hæc ita fieri consiiterit,  
jam quæstionem juris esse, an talis cultus sit  
Christianis licitus, vel illicitus. Addidi de hac  
utriusque quæstionis distinctione, quæ per se clara  
est, Sacram Congregationem præjudicium fe-  
cisse, dum iussit me ex Mandato Reverendissi-  
mi Dom. Maigrot extrahere facta quæ ex ip-  
sismet Scriptoribus Societatis probari possent,  
idque me præstitisse in scripto cui titulus: *Veritas  
Facti.* Quod ubi exposui, statim cum Patribus  
Societatis de eorum tergiversationibus exposta-  
lavi his verbis: *unde ommissis ambagibus, aut ne-  
gandum erat factum, Et adductis à me probatio-  
nibus ac testimoniis respondendum; aut certè de  
eo conveniendum, quod vulgò concordatum facti*  
ap-



*appellant, ut deinde progressus fieret ad questionem juris: Ubi clarum est me nequaquam congressum postulare, ut circa factum vivâ voce partes concordent, sed potius contendere, factum jam ita à me probatum & constitutum fuisse, ut de eo jamdudum Patres Societatis convenire debuissent; & reipsa in scripturis suis de eo conveniant, ut sæpius notavi, cum nusquam descriptionem cultuum Confucii & Progenitorum à me factam oppugnent, sed solum conentur eosdem cultus, ut quid civile ac politicum, defendere.*

121. Has scriptorum meorum vindicias absolveram, cum varias accepi epistolas à Præposito Seminarii nostri Parisiensis, quarum præcipuam ad sanctissimum Dominum nostrum Innocentium Pontificem Maximum inscriptam cum adjuncta cultuum Confucii & Progenitorum expositione, hic addere operæ pretium existimavi. Subscripta est tum epistola, tum expositio à Præposito Seminarii, Directoribus & Missionariis quotquot nunc in eodem Seminario degunt, quorum tres longo tempore in Missionibus Orientalibus commorati sunt; Dominus videlicet Marinus *L'Abbé* annis septemdecim in Cocincina, cujus Missionis nuper designatus est Vicarius Apostolicus & electus Episcopus: Dominus Ludovicus *de Cicé* annis circiter quindecim in China, & Dominus Claudius *Gabriel de la Vigne* annis ferè quatuordecim tum in Tunkino, tum Siami, & aliis partibus Indiarum Orientalium. Præpositus verò & alii duo Directores ex literis & relationibus Missionariorum plenissimè de rebus Sinen-sibus instructi sunt.

122. Libet hîc annotare de Domino *de Cicé*, qui anno proximè præterito è China, ob privata quædam negotia rediit, quod, ubi perlegit descriptionem cultuum Confucii & Progenitorum, quæ habetur in Notis meis, Sect. 1. Art. 2. interrogatus à Præposito dicti Seminarii quid de factorum veritate sentiret, respondit se quidem nunquam ejusmodi cæremoniis interfuisse, et de his tellis oculatus esse posset, sed res esse adedò certas & notas in China, ut de his Sinenses interrogare, idem esset ac si quis à cive Parisiensi peteret an Sequana fluvius Lutetiam Parisiorum præterfluat.

123. Videant jam Patres Societatis, quo nixi fundamento in Libello supplici summo Pontifici oblato ausi sunt dicere, quæ in scriptis suis Reverendissimo Dom. Maigrot & mihi responderunt, nolle intelligi quasi dicta sint contra alios ejusdem instituti Missionarios, & multo minus contra illorum Præpositos, quippe quos, inquit, reveremur & colimus, scimusque non idem sentire, ac Reverendissimum, de Missionariis nostris Sinensibus.

## E P I S T O L A

Præpositi, Directorum aliorumque Missionariorum Seminarii Parisiensis Missionum ad exteros,

Ad

Innocentium XII. Summum Pontificem.

Beatissime Pater,

**T**ot tantisque obicibus audivimus retardari de die in diem causam Sinensium caeremoniarum, ut nisi Apostolica auctoritate frangantur adversarum partium impetus, metuumdum omnino sit, ne gloria diremptæ tam famosa litis Vestrae Beatitudini debita eidem rapiatur. Jam certè non est operosum dijudicare quâ ex parte ius se teneat. Cum enim res tota esse videatur in stabilienda veritate factorum, eaque facta non solum apud Sinas rituali publico indubitata sint, sed etiam à Reverendissimo & Illustrissimo Domino Aleonessa à Sinarum plagis nuperrimè reduce in iudicio legitimè asseverata, imò etiam apud Adversarios nostros, ut scribitur, tandem aliquando in confesso posita; quid moræ superesse possit in ferenda sententia, non videmus. Ad pedes itaque supremi acquissimique Judicis humillimè provoluti quatuor Parisiis in Seminario Missionum ad exteros degimus cum Vicariis Apostolicis Sinarum conjuncti, & ipsorum & nostro nomine summâ cum reverentiâ supplicamus, ut in compendiosam factorum seriem hoc fasciculo comprehensam,  
Sanc-

*Sanctitas Vestra momentis aliquot, oculos convertat. Prima fronte judicabit nūm sancta Christi religio pro sua puritate, cum tanto seu superstitionis, seu idololatriæ saltem periculo, ne dicam piaculo, co-hærere ullatenus queat. Hæc zizania in agro Domini nimium tolerata & dissimulata radicitus evellat Pater familias: hæc scandala de medio platearum novæ Jerusalem in partibus Orientis penitus amoveat Petri successor: hæc animarum offendicula apud Sinas æternum proscribat Vicarius Salvatoris. Unum id confidenter deprecamur, & Apostolicam Benedictionem reverenter expectamus.*

Beatissime Pater,

Beatitudinis Vestræ.

Humillimi, obsequentissimi & devotissimi  
servi & filii

*De Cicé  
L'Abbé  
De la Vigne.*

*Tyberge Superior.  
De Brisacier.  
Prioux.*

*Parisiis 10. Augusti 1699.*

EX-

## E X P O S I T I O.

Cæremoniarum Sinensium Superiori ad  
Summum Pontificem Epistolæ  
adjuncta.

**C**onfucius Philosophus in singulis civitatibus  
ædem sacram habet, quæ juxta Gymnasium  
constructa est. In ea collocata est ejus tabella cum  
hac inscriptione aureis literis exarata: Thronus seu  
sedes animæ sanctissimi & superexcellentiissimi  
protomagistri Confucii. Ad has ædes bis in anno,  
æquinotio scilicet veris & autumni, omnes Literati  
conveniunt, ut Confucium solemnī oblatione veneren-  
tur. Urbis Gubernator Sacerdotis officio fungitur,  
adjunctis aliis Literatis, qui veluti Diaconi, Sub-  
diaconi, Magistri cæremoniarum atque Acolyto-  
rum partes obeunt. Hi præmissō, aliquot dierum  
jejunio, & abstinentia à thoro conjugali, pridie  
æquinotii orizam, aliaque legumina & fructus  
terræ Confucio offerenda in Aula præparant. In  
area vero templi Confuciani Mandarinus qui Sa-  
cerdotem agit, cereis accensis supra mensam seu al-  
tare thus aliosque odores cremat; deinde porcū,  
capram, aliave animalia postridie immolanda pro-  
bat, injecto in aures vinocalido. Idem porcū hoc  
ritu electum, antequam mactetur prono corpore sa-  
lutat, ac deinde à Lanis coram eo mactatum simili  
modo iterum veneratur. Postea pili raduntur, qui  
cum intestinis ac sanguine in sequentem diem ser-  
vantur. Postridie ante Galli cantum Mandarinus  
ceterique Literati magno cum apparatu adsunt in  
æde

*æde Confucii. Cereis accensis supra altare seu mensam ibus aliisque odores adoleant: signum dante ceremoniarum Magistro, Musici cantant; deinde Mandarinus tanquam Sacerdos, Magistro ceremoniarum clamante, offerantur pili & sanguis Victimarum, eosdem pilos in catino positos una cum sanguine in altum tollit, & coram Confucii tabella offert. Postmodum iubente ceremoniarum Magistro, omnes instructo ordine extra ad aream templi procedunt, ubi pilos & sanguinem terræ insodiunt. Postea singuli ad sua loca redeunt. Tunc Magister ceremoniarum clamat alta voce: descendit spiritus Confucii, quo dicto Mandarinus plenum vino calicem sumit eumque in imaginem dominis è paleis contextam fundit, & sumptam è loculo Tabellam Confucii super altare collocat, precationem summæ Confucii laudes continentem recitando. En prima pars sacrificii Confuciani.*

*Secunda pars incipit hac monitione Magistri ceremoniarum: flectamus genua. Quo audito, omnes genuflectunt, ac postmodum dicit, levate, atque omnes statim surgunt: tum qui Sacerdotis munus exequitur, manus lavat, & oblatum sibi ab uno ex Ministris pannum sericum, ab alio verò vas plenum vino suscipit. Clamat Magister ceremoniarum, Sacrificulus accedat ad Thronum Confucii. Illic, Musicis canentibus, pannum sericum, ac deinde vas vino plenum in altum tollit, sublataque Confucio offert. Magister ceremoniarum quater repetit, flectamus genua & levate; omnes quater genuflectunt toto corpore prostrati, ac se se in pedes erigunt, tum pannus sericus, ignitis carbonibus comburuntur, additâ quâdam precatione in honorem Confucii. Similiter post varias genuflexiones*

&

Et reverentias vinum offert cum aliqua precatione in qua spiritum Confucii tanquam presentem alloquitur. Hic finem habet secunda pars Sacrificii.

Ad tertiam partem Sacrificii proceditur, Magistro Cæremoniarum clamante, bibite vinum prosperitatis ac felicitatis; tum repetit, ut supra, flectamus genua, Et alloquendo Sacrificulum ait, bibe vinum felicitatis, statim autem Sacrificulus calicem exhaurit. Postea clamante cæremoniarum Magistro, sume carnem Sacrificii; Sacrificulus à Ministro victimarum carnes suscipit, atque ambabus manibus sublatas in altum offert, adjunctis duabus precationibus, quarum ultima sic concluditur: Quodcumque tibi offerimus purum est atque odoriferum. Perfectis his cæremoniis nos mortales in pace conquiescimus, spiritus verò jucundatur. Ex his sacrificiis fiet ut bona & felicitates consequamur.

Postremo spiritum Confucii, quem advenisse Et tabellæ insedisse credunt, ad suum locum abeuntem solemni reducunt precatione. Denique carnes sacrificii inter assistentes distribuuntur, quas qui ederint se per Confucium beneficia adepturos confidunt. His ritibus peragitur Confucii solemne sacrificium. Eset quidem hic locus describendi cultus quem Sinæ parentibus mortuis exhibent; tamen abstinemus, quod nec ratione rituum, nec genere rerum sacrificandarum, nec intentione Ministrorum, Et Assistantis familiæ discrepet à cultu Confuciano. Quinetiam, nostro judicio, vincit superstitionibus Confucii cultum; cum in cultu parentum dies, quo oporteat sacrificari, sortitione seligatur, ac nummi papyracei, quod abest à Confucii oblationibus, mortuis pa-  
ren-

*rentibus offerantur , & post oblationem cremen-  
tur.*

Parisiis anno salutis 1699. die  
verò Augusti decimâ.

<i>De Ciccé</i>	<i>Tyberge Superior.</i>
<i>L'Abbé</i>	<i>De Brisacier.</i>
<i>Dela Vigne</i>	<i>Prionx.</i>

Epistolam unâ cum Expositione obtuli Summo  
Pontifici die 29. Augusti, qui audita, summa cum  
benignitate, Epistolæ lectione, jussit me tam Epis-  
tolam quam Expositionem tradere Domino Af-  
fessori, quod & feci die 30. ejusdem mensis.

F I N I S.

SE-



SECUNDÆ  
VINDICIÆ SCRIPTORUM

NICOLAI CHARMOT

Procuratoris Generalis Reverendissimi  
Domini Maigrot aliorumque Epif-  
coporum ac Vicariorum Apostoli-  
corum Gallorum Asiæ Orien-  
talis,

CONTRA

*Varia Scripta idiomate Italo à Reverendissi-  
mis Pat. Societatis Jesu exhibita circa  
usum vocabulorum Tien, Cælum, &  
Xangti, supremus Imperator; necnon  
Tabellarum inscriptarum Kingtien,  
Cælum Coliso;*

OBLATÆ,

*Sacrae Congregationi Sancti Officii  
die 18. Novembris 1699.*

P R Æ F A T I O.



I cui adhuc dictum fuerit Re-  
verendos Patres Societatis Jesu  
tot scriptis suis hanc cultuum Si-  
nensium causam implicare ac mo-  
rari velle, id jam ei persuasissi-  
mum esse debet ex quatuor ultimis scriptu-  
ris,

E

ris,

ris, quos Italo idiomate compositas eodem  
ferè tempore Sacræ Congregationi obtule-  
runt. Prima habet hunc titulum: *Notizie  
intorno all' uso delle voci Sinesi Tien, cælum,  
& Xangti, Alti Dominus*. Secunda verò *No-  
tizie circa l'uso delle Tabelle colle parole Cinesi,  
Kingtien, cælum colito*; & quasi eos pueret  
prolixiorum ejusmodi scriptorum, in quibus  
nihil penè novi afferunt, quod antea dictum  
non fuerit, statim duo alia scripta in mo-  
dum compendii exhibuerunt, unum videlicet  
cum hoc titulo: *Ristretto delle notizie circa l'uso  
della voce Cinese Xangti che significa supremus Im-  
perator, è vero Alti Dominus, e della voce Tien  
che significa cælum*: alterum verò sic notatum:  
*Breve Ristretto delle Notizie già dedotte circa  
l'uso delle Tabelle colle parole Kingtien, cælum  
colito*: quæ quidem duo priorum scriptorum  
breviaria adhuc tam longa & verbosa sunt,  
ut meritò rursus brevianda essent.

Nimis longum ac molestum esset quatuor  
hæc scripta minutatim refellere, præsertim  
cum de hoc argumento jam fulè egerim in  
Notis meis, sect. 3. à n. 201. usque ad nu-  
merum 233. in Brevibus Notationibus à  
numero 126. usque ad numerum 162. & in  
Dispositione à numero 45. usque ad nume-  
rum 56, quæ omnia ferè Scriptor Societatis  
dissimulat ac silentio prætermittit. Sat crit  
præ-

præcipua loca , quæ ad rem magis faciunt & in quibus Scriptoris Societatis oscitantia, inscitia vel etiam mala fides sese prodit, perstringere, ut Edicti Reverendissimi Domini Maigrot justitia ac necessitas, & objectionum, quibus impugnatur, debilitas, magis magisque cluceat.

Ut autem rem compendio tractemus, visum est certa quædam facta seu principia proponere, ex quibus facilè quid in hac disputatione tenendum sit, quivis æquus ac prudens Judex agnoscat. Ejusmodi sunt quæ sequuntur.

## I.

I. Quidquid sit de primis Auctoris sectæ Literariæ & Fundatoribus Imperii Sinici, an Deum vivum & verum agnoverint, & sub nomine *Tien* vel *Xangti* adoraverint; certum ratumque est apud omnes, saltem à quingentis vel sexcentis annis (alii, ut Illustrissimus Gregorius Lopez, & Reverendissimus Aleonessa Episcopus Beritensis electus usque ad mille annos spatium istud produciunt), Sinas Literatos totamque adeò Sinen- sium nationem nomine *Tien* vel *Xangti*, nihil aliud præter cælum materiale, vel insitam ei vim efficientem intelligere. Idem confirmant ipsimet Jesuitæ in libro cui titulus: *Confucius Philosophus*, cujus extractum

typis editum Sacræ Congregationi obtulerunt, paucos dumtaxat Literatos excipiendo, quos à communi sententia discedere, & sub nomine *Xangti* verum Deum agnoscere contendunt. §. 9. ejusdem extracti.

## II.

2. Cùm primis Missionis temporibus variarent sententiæ Missionariorum Societatis circa usum vocis *Xangti*, prohibitum fuit à Patre Andræa Palmeiro Visitatore Sinicæ Missionis, ne quis eâ voce ad significandum Deum uteretur, quod postea ab omnibus observatum esse testatur Procurator Generalis Societatis in suo Memoriali Sacræ Congregationi oblato die 12. Septembris 1697. & Pater Antonius Govea Sinicæ Missionis Viceprovincialis in Epistola à Patre Le Gobien typis edita, de qua postea fusiùs agemus.

## III.

3. Vocabulum *Tienchu*, jam ab initio Missionis vulgò Christiani ad significandum Deum Optimum Maximum usurpârunt, id quod deinceps perpetuò usque ad præsentem diem usu receptum est.

## IV.

## IV.

4. Idem vocabulum *Tienchu*, quocumque alio excluso, legitur in Catechismis, precationum Libellis, Ecclesiarum foribus; quin etiam in novissimo hodierni Imperatoris pro Christianis Edicto, Tempia Christianorum vocantur *Tienchù tang*, & passim Sinae Gentiles cum loquuntur de Christianis aut Evangelii Ministris, eos nominant *Tienchu Tang Ti jin*, id est, homines Ecclesiae Domini Coeli, & nunquam *Xangti Tang Ti jin*.

## V.

5. Vocabulum *Xangti*; ipsismet Jesuitis fatentibus, ad significandum Deum, nonnisi cautè, & adjuncta explicatione adhibendum esset; cum vocabulum *Tienchu* absolutè usurpetur, nullaque additione factâ, per se Deum significet.

## VI.

6. Vocabulum *Deus*, Θεός, aliaque Europæa ad significandum supremum numen minimè in Chinam inducenda esse omnes conveniunt.

## VII.

7. In hac quæstione agitur de stabiliendo in China nomine appellativo supremi numinis, quale est apud Græcos *Θεός*, apud Latinos *Dēus*, non verò de nominibus adjectivis quibus supremi Entis perfectiones & attributa describuntur, qualia sunt apud nos *Rex Regum*, *Dominus Dominantium*, *Dēus Sabaoth*. At vocabulum *Tien chu* jam pro appellativo nomine supremi Entis publico usu à Sinis receptum est; idque satis aptè cum significet *Dominum cæli*, id est, rei, omnium nationum, Sinicæ præsertim, judicio, excellentissimæ ac perfectissimæ.

## VIII.


8. Potuit esse appellativum nomen Supremi Numinis apud priscos Sinas vocabulum *Xangti*, si primi eorum Autores & Philosophi verum Deum cognoverunt. At cum à sexcentis, vel etiam ut multis placet, à mille annis tota Literatorum secta in quemdam Atheismum delapsa sit, nullum aliud primum principium, præter cælum materiale agnoscens, vox illa *Xangti*, proprium est nomen ejusdem cæli, seu insitæ ei virtutis effi-

efficientis, quam etiam *Li* vel *Taikie* appellant; adeoque non potest esse appellativum nomen Dei veri & viventis.

## IX.

9. Hodiernus Imperator *Cambi*, tanquam sectæ Literariæ caput, Libros de Philosophia edidit, in quibus de cœlo materiali, ejusque virtute efficienti, juxta Literatorum Sinensium placita, disputat, eidemque Cœlo & Terræ pro more Majorum publicè sacrificat, unde huc usque Sinicæ doctrinæ additissimus & à suscipienda Religione Christiana valdè alienus videtur, de quo consulendus Reverendissimus Alconesi.

10. His ita præmissis, ex quadruplici Patrum Societatis scriptura varia loca, quæ sint alicujus momenti, Latinè ad verbum redita excerpam, eisque statim adnotationes meas adjungam.



# EXSCRIPTO

## CUI TITULUS,

Notizie intorno all'uso delle voci Cinesi  
Tien & Xangti. &c.

*Scriptor Societatis.*

11. **P**rimum factum est (verba sunt Procuratoris in scripto cui titulus: Veritas tacti,) nomine *Xangti*, cœlum materiale, non Deum verum intelligi &c. No. 1.

*Adnotatio.*

12. Primum factum quod ex Scriptoribus Societatis probandum mihi sumpsit, est vocabula *Tien & Xangti*, apud Sinas Literatos à multis jam sæculis non verum Deum, sed cœlum materiale insitamque ei virtutem rerum omnium effectricem significare. Utrumque vocabulum *Tien & Xangti*, eo loco conjunxi, prout conjuncta habentur primo articulo Mandati Reverendissimi Domini Maigrot. Forte Librarii vitio factum est, ut vocabulum *Tien* exciderit in exemplari undè verba mea exscripsit Scriptor Societatis.

*Scriptor Societatis.*

13 Tentat deinde probare illud factum auctoritate septem Scriptorum Societatis eorum videlicet



hicet textus , pro suo more , & prout magis suæ causæ conducebat , truncatos & decurtatos afferendo , ut infra videbitur , & ut jam demonstratum est in Libro Observationum quem habent Eminentiae Vestræ , quo in libro , titulo ; *Responsum Memoriali Dom. Charriot* , rursùm producantur iidem textus fideliter extracti & integri , ex quibus evidenter patet ; aut nihil eorum quæ vult Procurator , aut planè contrarium probari : huic autem demonstrationi tam claræ & palpabili nequidem verbum opposuit Dominus Charriot in Responsione ad præfatum Librum Observationum quæ inscribitur : *Notæ in Observationes* , tamen si Responsio illa valdè sit proluxa : ita ut ejus silentium in hac quæstione facti tam gravi & fundamentalis , videatur esse tacita quædam confessio quod de illa ipsemet nihil amplius dubitet No. 1.

*Adnotatio.*

14. Observationes Residuales Patrum Societatis in quibus habetur titulus : *Responsum Memoriali Domini Charriot* , posteriores sunt notis meis quibus respondi priori eorundem Patrum Libro cui titulus est : *Observationes in Mandatum Reverendissimi Domini Maigrot*. Unde in notis quidem meis de vocibus *Tien & Xangti* , tota sectione tertia à numero 201. usque ad numerum 223. fusè disputavi , sed objectionibus circa Semedum , Kirkerum aliosque Scriptores Societatis à me citatos , quæ tunc minimè erant factæ , non respondi : Respondi autem postea in alio scripto cui titulus : *Brevés Notationes in præcipua loca Observationum Residualium* , à numero 126. usque ad numerum 162. ubi citatos à me ad probandum factum de quo agitur , Scriptorum So-

cietatis locos, fatis, ut puto, vindicavi.

15. Quæ in hanc rem dixi longum esset ac molestum hic repetere. De Patre Semedo libet tantum denuò observare, mihi propositum fuisse ejus auctoritate, quemadmodum & aliorum Societatis Scriptorum, solum factum probare, hoc est Sinas per *Tien*, cælum, non Deum Opr. Max. sed cælum materiale intelligere. Id autem evincitur ex verbis ejus à me allatis, ubi funus Reginae Matris describens Part. 1. cap. 17. ait. *Oëto post dies oblata sunt sacrificia Cælo, Terræ, Planetis, Montibus, Fluminibus, magna cum solemnitate.* Quis enim non videat eodem prorsus sensu hic accipiendum cælum, ac terram, planetas, aliasque hujus visibilis orbis partes. Idem confirmat cap. 18. ubi ait: *Solummodo in Aula Regia Nankini & Pekini \* sumptuosissima extant Tempia Cælo & Terræ dedicata, unica videlicet atque Imperatoris propria, in quibus ipsemet solus sacrificat, ut principalis sacrificii Minister, vel, si impediatur, ejus loco Magistratus Rituum ab eo delegatus.* Idem repetit cap. 19. cujus titulus est: *De superstitionibus & sacrificiis Sinarum.* *Sacrificare, inquit, Cælo, Terræ, Soli, Luna, Planetis, & Stellis proprium est Imperatoris, & si quis alius id solemniter faceret, gravissimi delicti reus esset. Idcirco in utraque Aula Regia sumptuosissima sunt templa, in quibus Imperator quatuor anni tempestatibus, vere scilicet, æstate, autumnò & hyeme sacrificat, illuc se conferens; vel si impediatur, aliquem ex Optimatibus mittit qui rem*  
sacram

\* De duobus his templis Cælo & Terræ dicatis legendus etiam Trigautius, Lib. 1. cap. 10. & Magallensis in nova Relat. Chinæ cap. 21.

*sacram ejus vice peragat. Quibus statim subjungit. Aula Principes ac primarii viri sacrificant, montibus, lacubus &c. Nobiles ac Magistratus quatuor anni tempestatibus & singulis quibusque partibus terræ, montium & aliis similibus.*

16. At, inquit Reverendissimi Patres. Pater Semedus cap. 18. expressè ait, sectam Literariam non adorare Pagodas, sed agnoscere superiorem aliquam potestatem sive Dominum qui castigare & remunerari potest, de quo in Libris suis magno cum honore velut de re divina loquuntur.

17. Alio jam scripto respondi, de factis à Patre Semedo relatis agi, non de privata ejus sententia in explicanda sectæ Literariæ doctrina. Atqui, ut modo vidimus, non uno loco refert Semedus Sinas Literatos Cœlo æque ac Soli, Lunæ, stellis, montibus, fluviiis sacrificare, unde evidenter inferitur *Tien*, seu cœlum cui sacrificant, non aliud esse quam cœlum visibile & materiale. Quapropter ne secum ipse pugnet, id quod ait de supremo illo Domino bonorum ac malorum largitore, quem agnoscunt Sinæ, intelligendum videtur dumtaxat de antiquis sectæ Literariæ Philosophis, qui juxta Patrem Riccium, verum Deum cognoverunt, non de posterioribus aut hodiernis Sinis, quos à pristina doctrina descivisse & in Atheismum vel potius in idololatriam Atheismo mixtam delapsos esse omnes consentiant. Idque hoc eodem loco apertè significat Semedus: ubi enim ait in secta Literaria agnosci supremum<sup>2</sup> aliquem Dominum de quo præclara multa in eorum Libris leguntur, statim addit: *Sed cum verum Deum distinctè non agnoscerent,*

*cerent, tria in mundo maximè celebria, præpotentia & utilia quæ Sancti appellant, cælum videlicet, terram, & hominem adorare cœperunt. Per hominem autem intelligit viros insignes demortuos, qualis est Confucius, & parentes similiter mortuos usque ad quartum gradum, ut postmodum ipsemet explicat.*

18. At rursùm instant Patres Societatis: Semedus cap. 19. ait Sinas Literatos non videri sacrificare, Cælo, Terræ, Montibus, Fluviiis &c. sed earum rerum spiritibus, *idque, inquit, apparet in multis aliis eorum sacrificiis, ut in sacrificio domûs coquinæ, navis, vexilli, cum ad bellum proficiscuntur, & similia, in quibus sacrificiis non censentur sacrificare, nisi spiritibus tutelaribus ejusmodi rerum.*

19. Respondeo Sinas Literatos à multis saltem sæculis, nullos omninò veros spiritus agnoscere, sed per spiritus intelligere subtiliorem aliquam partem corporis, quæ sit in ea principium motûs & vitæ, aliarumque ejus operationum. Unde spiritum Cœli, quem *Xangti* appellant, reipsa ab ipso cœlo visibili & materiali non distinguunt, ejusdemque esse naturæ volunt, ac spiritum terræ, spiritum montium, spiritum fluminum; cum juxta eorum principia, omnia unum sint. Unde ejusmodi spirituum cultum esse superstitiosum & idololatricum constat, idque docet ipsa inscriptio capitis apud Semedum: *De superstitionibus & sacrificiis Sinensium.*

*Scriptor Societatis.*

20. Facta ea de re (de vocibus *Tien* & *Xangti*, ) in China Decreta communi consensu virorum illorum verè Apostolicorum, & de novo appro-

probata & confirmata Romæ post longum ac diligentissimum examen, videntur majoris esse momenti No. 2.

*Adnotatio.*

21. Missionariorum Societ. sententias circa usum vocabulorum *Tien* & *Xangti*, diu variasse, magnoque animorum æstu de hoc inter eos disputatum constat ex ipsa Patris Bartoli Historia, ubi refert Patrem Palmeirum Sinensium Missionum Visitatorem, cum dissidentes hac de re Missionarios reperisset, usum vocis *Xangti* ad significandum Deum suppressisse, quam postea anno 1645. Pater Hurtado Viceprovincialis ita restituit, ut Tractatum Patris Longobardi, quo maxime nitebantur, qui vocem *Xangti* oppugnabant, flammis aboleri jufferit. Pro voce *Xangti* cum Patre Riccio stabant Pater Pantoia, & Pater Vagnoni; contra verò cum Patre Longobardo stabant Patres Ruis, Sabbatini, Rodriguez, Passio Japonicæ Missionis Visitator & plerique alii in Japonia Missionarii, ut videre est in prologo Tractatus Longobardi apud Illustrissimum Navarrettam tom. 1. pag. 245. & apud Bartolum lib. 4. pag. 895. De eo autem postea inter Missionarios Societatis plenè convenisse nusquam legitur. Denique si quæ sint ea de re Missionariorum Societatis Decreta vel Statuta, quis ea Romæ examinavit, quis approbavit & confirmavit? Non summus Pontifex, non Sacra Congregatio de propaganda fide; non Consultores & Theologi à S. Officio deputati. Ergo solum Collegium Romanum Societatis ejusque Theologi, quorum judicio & oraculis Sinensis Missio, quandiu in ea soli fuerunt Jesuitæ, regebatur.

*Scrip-*

*Scriptor Societatis.*

22. Ad condendum Edictum tam decretorium, quale est mandatum Reverendissimi Dom. Maigrot, quo agitur de mutanda totius nationis lingua, aut saltem de exterminandis quibusdam vocibus ex omnibus Ecclesiis &c. No. 4.

*Adnotatio.*

23. Nihil de mutanda patria Sinarum lingua hîc agitur. Retineant, quantum libuerit, Literati Sinæ voces *Tien* & *Xangti*, & de vera illarum significatione inter se aut convenient aut disputent. Hoc unum agitur, ut Christiani, recepta jam communi usu voce *Tienchu* ad significandum Deum, voces *Tien* & *Xangti* ad idem significandum, non adhibeant, cum à multis saltem sæculis apud Sinas nihil aliud quam cælum materiale significant.

*Scriptor Societatis.*

24. Ad ejusmodi Decretum condendum, videtur multo major linguæ & morum Sinensium peritia requiri; quàm habeant aut comparare poterint tum Dominus Maigrot, tum Dominus Charmot tempore quo in China commorati sunt, vel non ita longo, vel variis negotiis interrupto, hærendo semper in una ex extremis Provinciis, nec unquam in interiores partes illius Imperii penetrando, vixque ullam cum Literatis & Mandarinis consuetudinem habendo. Ibid.

*Adnotatio.*

25. Linguæ Sinicæ peritiam non mihi arrego: fateor eam me non didicisse. At de Reverendiss. Dom. Maigrot, qui totes jam quindecim annos in China commoratur, consuli potest Reverendissimus Aleoncsia Episcopus Beritensis electus, an in Literis & Philosophia Sinensiq; novitius sit ac tyro,

tyro, qualem illum vellet haberi Scriptor Societatis. Provincia Fokiensis, in qua maximè moratus est, Literatis & Mandarinis politioris atque exquisitioris doctrinæ abundat, ut testantur ipsimet Missionarii Societatis in annuis literis de statu Sinensis Missionis anno 1626. scriptis, & Romæ anno 1629. typis editis, ubi articulo de Missione Fokiensi hæc ipsa verba habent: *Desideravano già li Padri d'havere una residenza nella Provincia di Fokien, che li Portoghesi chiamano Cincen, non solo perche continua con Cantone, mà anco perche ivi fioriscono sopra modo i Letterati e Mandarin.*

26. Neque tamen in ea Provincia ita hæsit Dominus Maigrot, quin ad alias transierit, & in quibusdam etiam residerit, ut in Provincia Cantonensi, & Kiangtiensi. Nankinum quoque anno 1685. profectus est consilio & oratu Patrum *Grellon* & *Grimaldi* è Societate ad procurandam concordiam & consensionem nostros inter Missionarios, & Missionarios Societatis, quod tamen frustra fecit; cùm neque Patrem *Gabiani* Vice-provincialem convenire potuerit, neque scriptis literis, ullum ab eo responsum acceperit. Eo autem itinere Provinciam Chekiangensem bis pertransiit. Denique unde habet scriptor paucos esse Literatos ac Mandarinos quibuscum Reverendissimus Maigrot congressus fuit? Mitto falsò supponi summam Literarum Sinensium peritiam requiri, ut quis statuatur voces *Tien* & *Xangti* minimè adhibendas ad significandum Deum; cùm ad hoc sufficiat scire tanquam rem certam ac notam in China, utraque hac voce à multis jam sæculis non Deum verum, sed cælum materiale signi-

significari ; quidquid sit de sententia primorum, Autorum sectæ Literariæ ac veterum Sinensium circa ejusmodi vocum significationem & usum, de quo fateor nihil statui posse nisi à linguæ ac Literarum Sinensium peritis.

*Scriptor Societatis.*

27. De voce *Xanti* refertur quod jam olim approbata sit in pleno conventu Theologorum ea de re Macai facto, quos inter erant Episcopus Japoniæ & Pater Vallegnani Visitator, N<sup>o</sup>. 7.

*Adnotatio.*

28. Hujus conventus fides sit penes Patrem Danielcm Bartolum, qui prout interest Societatis sôlet res vel minuere vel exaggerare. Plenus ille conventus fuit ad summam aliquot Jesuitarum, quos inter erat Episcopus Japoniæ, qui & ipse è Societatis adlectus Macai semper hæsit, nec unquam in Japoniam profectus est.

*Scriptor Societatis.*

29. Harum vocum cursum interrompere tentavit Pater Nicolaus Longobardus, vir quidem sanctissimæ vitæ, zeli indefessi, rerum Sinicarum usu peritus, missionum Sinensium benè meritus, sed qui linguæ Sinensis peritiæ parem non habuit ingenii ac scientiæ Theologicæ dotem, unde nec ad professionem quatuor votorum in Societate admissus fuit. N<sup>o</sup>. 9.

*Adnotatio.*

30. Longobardum linguæ ac rerum Sinensium peritum fuisse agnoscit scriptor Societatis quod in hac quæstione de admittendis vel repellendis vocibus *Tien* & *Xangti* ad significandum Deum magni momenti esse debet. Parum verò ad id refert an plus vel minus doctrinam Theologicam calluerit,  
hoc



hoc est, ut vulgò intelligitur, scholasticam, in qua plerumque alumni Societatis Suarem & Vafquem duces sequuntur. De professione quarti voti, jam monui in Dispositione, No. 122. Sotuelum in Catalogo Scriptorum Societatis hæc de Longobardo habere: *Crescentibus in dies viri Apostolici meritis, & accedente peritia insigni linguae Sinensis, jussus est à Præposito Generali Mutio Vittellesco vota quatuor solemniter emittere, & gradum Professorum capeßere.* Sed forte ista nequidem legere dignatus est Scriptor Societatis.

*Scriptor Societatis.*

31. Tandem convenerunt inter se partes (in Conventu Kiatischen) retinendum esse usum vocis *Xangti*, cã tamen conditione ut ei adjungeretur declaratio typis edenda, ad cavendum ne falso sensu acciperetur ab idiotis, de quibus solis, non de Literatis dubium erat, ut sapienter observat Historicus. [P. Bartolus Lib. 4. pag. 897. Ibid.]

*Adnotatio.*

32. Itaque, fatentibus Jesuitis, in Conventu illo Kiatischen Missionariorum Societatis, ubi acriter de voce *Xangti* disputatum est, permissus non fuit istius vocis usus ad significandum Deum, nisi præmissa declaratione quæ malum ejus sensum excluderet. Quis verò non videat declarationem ejusmodi, tametsi typis editam, non sufficere ad malum illum sensum excludendum? Quis non advertat ei omninò præferendam vocem *Tienchu*, quæ jam ab initio in usum admissa, absolute & sine ullo adjuncto Deum Optimum Maximum significat?

*Scriptor Societatis.*

33. Id revera ita decretum fuisse in Conventu

F

Kia.

Kiatinensi indubitatum est ex infinitis documentis quæ penes nos sunt; non verò id quod refert Dominus Charmot in suis Notis No. 204. solâ nixus auctoritate Navarrettæ Tom. 2. qui quidem Tomus nunquam in lucem prodiit, & cujus, ut partus abortivi, exemplaria publicâ auctoritate suppressa sunt. Ibid.

*Adnotatio.*

34. Ut quid Patres Societatis acta illa & documenta Conventus Kiatinensis S. Congregationi non exhibent? Sic faciliè quæ apud Navarrettam referuntur, falsitatis arguerentur, si ab authenticis illis documentis discrepant. Sed id frustra quis ab eis expectet. Verissimam esse relationem hujus Conventus quæ apud illustrissimum Navarrettam Tom. 2. Tract. 2. à pag. 109. usque ad paginam 137. habetur, statim agnosceret quisquis eam legerit. Certè non sine divina providentia actorum ejus exemplum nactus est Reverendissimus bonæ memoriæ Episcopus Heliopolitanus à duobus Patribus Societatis qui illud ad eum ultrò & clanculum, dum Siam degeret, detulerunt, ut ibidem narrat illustrissimus Navarretta. Porro falsum est Tomum secundum ejusdem Navarrettæ Matrili in Regia typographia Joannis Garcie *Infançon* anno 1679. cum privilegio editum nunquam in lucem prodissse. Ejus quidem exemplaria, solitis Patrum Societatis artibus, fuerunt postmodum capta & ad ædes Sacræ Inquisitionis delata, ubi hætenus asservantur. Sed quod Societati non parum dolet, nonnulla ante exemplaria venierant, aut à Typographo servata, non multo post ad eruditorum bibliothecas demigrarunt, ubi maguo hodiè pretio habentur.

35. Lu-

35. Lubet hîc ob raritatem Libri, primum calum in illo conventu propositum ac decifum totidem verbis ex idiomate Hispano Latinè reditum offerre: *Prima conclusio: Rex alti quem admittit secta Literaria non est verus spiritus: Si- ne quippe veros spiritus non agnoverunt, sed solum vim operativam & influxum cœli ad producendum res universi, quas è cœlo, seu Tai Kie ortum ducere arbitrantur. Vis illa operativa seu influxus est ipsemet Rex alti, ut ex antiquissimis eorum Libris constat: hic primus est spiritus quem agnoscit secta Literaria, præter alios peculiare, quales sunt spiritus montium, aquarum, fluminum, locorum &c.*

*Scriptor Societatis.*

36. Adeò ut Reverendus Dominicus Sarpetrius Ordinis Prædicatorum vir propagandæ fidei studiosissimus, singularis prudentiæ ac bonitatis, peritissimus rerum quæ ad Chinam pertinent, ubi annos 30. & amplius, multo cum labore Apostolicum munus implevit &c. No. 10.

*Adnotatio.*

37. Quàm parùm hoc elogium Patri Dominico Sarpetrio conveniat, ostendit perscriptum de illo testimonium illustrissimi Navarrettæ, qui cum probè noverat, utpote ejus in China Superior seu Præfectus. Longum esset testimonium illud exscribere, quod quivis legere potest in Apologia Patrum Dominicanorum nuper edita pag. 168. Appendicis: ubi etiam pag. 119. habetur sententia seu judicium sex Missionariorum Ordinis Prædicatorum de non admittendis ad baptismum Catechumenis, nisi cultibus Confucii ac Progenitorum renuntient, quos inter ultimo loco legitur

nomen Patris Dominici Sarpetri, qui tamen paucis post annis ab hac Ordinis sui sententia discedens, Missionariorum Societatis doctrinam sequutus est.

*Scriptor Societatis.*

38. Tandem sicut Deo placuit, nova hæc contentio etiam sedata est, mutua pleneque pace stabilita in celebri plurium annorum congressu Cantonienſi, cum in ea Metropoli ob religionem relegati eſſent & captivi plerique Sinenſes Miſſionarii variorum Ordinum & Nationum. Ibid.

*Adnotatio.*

39. In illo congressu erant omninò viginti-tres Miſſionarii, decem & novem ex Societate Jeſu, tres ex Ordine Prædicatorum, & unus ex Ordine Seraphico, qui omnes in domo Patrum Societatis sub custodia quidem, sed tamen quasi liberi commorabantur, donec Macaum juxta Regia mandata deducerentur, quod tamen postea factum non est, ut narrat illustrissimus Navarretta Tom. 1. Tract. 6. pag. 352. 353. Tres Miſſionarii Ordinis Prædicatorum erant Pater Dominicus Navarretta Præfectus Miſſionum Ordinis sui, Pater Leonardus, & Pater Sarpetrius: unus ille Franciscanus erat Pater Antonius à Sancta Maria vii magni nominis, ut auctoritate Apostolica constitutus Miſſionum Ordinis sui Præfectus. An decem & novem Miſſionarii Societatis circa usum vocis *Xangti* convenerint, valdè dubium est. Certè de hac quæſtione ne verbum quidem habetur in quadraginta duobus articulis ejus congressus quos refert & examinat illustrissimus Navarretta Tom. 2. Tract. 4. & qui etiam leguntur in Libro Constitutionum Apostolicarum, Brevium, Decretorum

rum &c. Parisiis juxta Romanum exemplar anno 1676. edito, part. ult. pag. 29. Facile crediderim tot inter articulos nihil de usu vocis *Xangti* positum fuisse, tum quod nec ipsi Jesuitæ hac de re inter se convenirent, tum quod Pater Navarretta & Pater Antoninus à Sancta Maria sententiæ quæ usui ejus vocis favebat, apertè contradixerint.

*Scriptor Societatis.*

40. Omnes illi gloriosi Christi Confessores, post longas consultationes tandem pactis conventis subscripserunt, tam circa usum vocis *Xangti*, quam circa alia capita inter eos controversa. Quin & ipsimet Patres Frater Dominicus Navarretta Dominicanus, & Frater Antonius à Sancta Maria Franciscanus, qui huc usque vocem *Xangti* vehementius atque ardentius oppugnarant, in eandem sententiam convenerunt, quorum subscriptionis habemus apud nos documenta authentica & omni exceptione majora.

*Adnotatio.*

41. Documenta illa authentica & omni exceptione majora producant Reverendi Patres. Secus enim res se habere omnes persuasum habent, tum ex scriptis illustrissimi Navarrettæ, tum ex aliis Libris in lucem editis. Forte inter illa documenta plenissimæ certissimæque auctoritatis erit illa famosa epistola Navarrettæ data die 29. Septembris 1669. cujus falsitatem ac suppositionem tantâ evidentiâ demonstravit clarissimus Scriptor in confutatione Tellerianæ Defensionis novorum Christianorum, ut Pater Le Tellier obmutuerit. Idem argumentum novissimè tractatum habes in Apologia Dominicanorum adversus eundem Patrem

*Le Tellier* & *Patrem Le Gobien* toto capite 18. à pag. 288. usque ad pag. 320. cui quidem *Apologia* conjuncti simul omnes Societatis Scriptores nunquam respondebunt. De *Patre Antonio* à *Sancta Maria* speciatim falsissimum est, cum de admittenda voce *Xangti* ad significandum Deum Jesuitis consensisse, aut quadraginta duobus articulis *Cantoniensibus* subscripsisse. Nunquam enim adduci potuit, ut quatuor ex illis articulis sextum, vigesimum, vigesimum secundum, & quadagesimum primum admitteret; imò constanter illos usque in finem oppugnavit, quos inter præcipuus erat quadagesimus primus de tolerandis cultibus *Confucii* & *Progenitorum*.

42. Id clarissimè patet ex *Traçtatu* quem anno 1668. ea de re *Cantone* scripsit, & ad *Patrem Ludovicum de Gama* *Visitatorem Missionum Societatis Macai* degentem misit, cujus exemplum ipsa manu Religiosissimi Auctoris exaratum *Romam* postea missum est, quod in *Archivio S. Congregationis de propaganda fide* servatur. In fine hujus *Traçtatus* sic *Patrem Visitatorem Hispanicè* alloquitur: *He representado a V. P. miu reverenda las raçones que me movieron para no asentir al asiento de las consultas sobre los tres puntos referidos: por esso mi nombre non fue subscripto entre los demas nombres de los Padres de dichas Consultas.* Quæ verba sic *Latinè* sonant: *Vestræ Paternitati admodam reverende rationes exposui, quibus adductus non potui assentiri decisioni post Consultationes factæ circa tres articulos à me allatos: quapropter nomen meum non fuit subscriptum inter reliqua nomina Patrũ prædictarum Consultationum.*

43. Notandum autem in hoc ipso Tractatu Patrem Antonium à S. Maria de voce *Xangti* fusè disputare, multisque adductis rationibus probare, minimè adhibendam esse ad significandum Deum, sed retinendam esse vocem *Tienchu* iam inter omnes publico usu receptam.

*Scriptor Societatis.*

44. Hocce tempore plusquam centum sexaginta Missionarii è Societate Chinam ingressi sunt, in ista Domini vinea operaturi, quorum alii natalium nobilitate illustres & ex primis Europæ familiis, alii ab virtutum excellentiam apud illos populos sanctitatis famam consecuti. Ibid.

*Adnotatio.*

45. Cum è China discessi anno 1694. Missionarii ex Societate non plures erant quam viginti novem. An postea eorum numerus ita creverit, ut hîc narratur, ignoro. Id unum scio, non omnes illuc titulo Missionis profectos, sed complures titulo Mathematices, Astronomiæ, aliarumque scientiarum vel artium liberalium atque etiam mechanicarum. De mechanicis nequidem ipsi taceri voluerunt, quandoquidem Edictum Imperatoris pro libertate Christianæ Religionis Latinè redditum publicarunt, in quo mentio habetur armorum ac tormentorum bellicorum, quæ ope atque industria Patrum Jesuitarum tempore belli fabricata sunt. Quapropter multi non ab Apostolica Sede, ut quarto se voto obligarunt, missi, sed Regia auctoritate, ut ipsimet jactitant, delegati ad Aulam Imperatoris Pekinum advenerunt. Atque idcirco forte scriptor eos hîc ut genere nobiles commendat, cum nobilitas

bilitas Apostolicum Missionarii munus nihil juvet, Principum verò Legatis novam aliquam dignitatem atque auctoritatem addere soleat. Cerrè natalium splendor & familiæ vetustas in Missionario Sinensi nihil omnino ei auctoritatis confert ad præsentem de voce *Xangti* quæstionem dirimendam.

*Scriptor Societatis.*

46. Alii pro confessione fidei Jesu - Christi gloriola morte coronati. (Ad marginem legitur hæc nota) Pater Didacus de Morales occisus deinde pro fide in Japonia, qui Apologiam doctissimam pro nostris Missionariis conscripsit, Ibid.

*Adnotatio.*

47. Honori Societatis parum consulit scriptor, dum loquens de ejus Missionariis qui pro fide Christi mortem obierunt, unicum Patris Didaci Moralis exemplum affert; siquidem, ut jam monui in Disputatione, numero 108. illustriss. Navarretta Tom. 2. Tract. 8. in quo ejusdem Moralis pro Societate Apologiam confutat, non uno loco testatur tanquam rem certam & in Philippinis Insulis notam, quod è Manila in Japoniam solvens, Christianam fidem deseruerit & uxorem duxerit.

*Scriptor Societatis.*

48. Sed quod majoris est momenti, ipsimet Patres Frater Joannes Baptista Morales & Frater Antonius à S. Maria, qui insensius duas istas voces *Tien* & *Xangti* oppugnarunt, communi quasi usu abrepti eas ipsas in Libris lingua Sinensi compositis vulgari significatione non potuerunt non adhibere No. 11.



*Adnotatio.*

49. Huicce objectioni fufè respondi in notis feët. 5. art. 1. n. 265. 266. 267. Quid fcriptorem iuvat, diffimulatis refponfionibus meis, hæc iterum objicere? De eadem objectione videtis quæ habentur in Apologia Dominicanorum cap. xi. & cap. 26. Neque enim lubet has Adnotationes inutilibus repetitionibus amplificare.

*Scriptor Societatis.*

50. Notandum eft Patrem Mutium Vitteleftum Societatis Generalem antequam mandaret vocem *Xangti* apud Miffionarios Sinenfes poffeffionem fuam retinere, non folum Theologos nostros confuluiffe. No. 13.

*Adnotatio.*

51. Non abfolutè refcripfit Reverendiffimus Generalis Vitellefcus, confervandam effe vocem *Xangti*, fed potius minimè in pofterum adhibendam ad fignificandum Deum; tametfi delenda nequaquam effet ex Libris Patris Matthæi Riccii, ne eorum auctoritas minueretur. Ita refert Pater Antonius à Sancta Maria in prædicto Tractatu quem Cantone fcripfit, & Patri Ludovico de Gama Vifitatori Societatis Macaum mifit, nunquam id in eo fcripto affirmaturus, nifi ita rem fe habere ab ipfifmet Societatis Miffionariis, quibufcum degebat, audiiffet. En iptâ verba Patris Antonii: *Vino orden del Reverendiffimo Padre General Societatis Jefu, que non fe ufaffe mas defte nombre Xangti, ne de baso defte termino. fe predicaffe el nombre y fer divino de nueftro Dios y criador; però que en los Libros del Padre Mattheo Riccio no fe toccaffe por causa del buen credito.* Id ipfum confirmat epiftola Patris Sarpetri Domini-

cani ad Sacr. Congregationem de propaganda fide relata à Patre Le Teilier Tom. 2. pag. 222. ubi agens de eadem quæstione, notat Superiores Societatis, cum acriter de ea disputaretur, sapienter statuissè, ut in Libris jam editis, in quibus vocabulum *Xangti* occurrebat, nihil mutaretur; at impostero Missionarii ea voce abstinere, nisi forte in disputatione convincendi essent athei Sinenses argumentis ex eorum libris & doctrina desumptis.

52. Idem narrat Pater Antonius de Govea Viceprovincialis Societatis in Epistola quam primus Gallicè edidit Pater *Le Gobien* in sua Elucidatione pag. 289. nonnulla quidem paulo aliter quam Pater Antonius à Sancta Maria & Pater Sarpetrius commemorans, sed quæ adhuc magis voci *Xangti* adversantur. Postquam enim notavit Patrem Andræam Palmeirum Visitatorem Missionariis interdixissè nequis impostero voce *Xangti*, sive in compositionibus Librorum, sive in instructionibus & exhortationibus, uteretur, quod, inquit, *ab eo tempore observatum est*; continuò hæc addit, *sed quia Reverendissimus P. Antonius à Sancta Maria quodam Patris Longobardi Tractatu, qui suppressus fuerat, nixus, nobis de voce Xangti litem movit, Libros Patris Matthæi Riccii aliorumque Jesuitarum damnans, quod voce Xangti Dei nomen designari posse docuerint; aliqui ex nostris Patribus sui muneris esse duxerunt, Sinensium Librorum testimoniis, probare hoc nomine verum Deum compellari posse.*

53. Hoc Patris Antonii de Govea testimonio patet Reverendissimum Dom. Maigrot primo  
sui

fui mandati articulo nihil aliud circa vocem *Xangti* sanxisse, quam quod superiores Societatis jam diu præceperunt, & ab omnibus ejusdem Societatis Missionariis servatum est, id quod ingenuè confessus est Procurator Generalis Societatis in suo memoriali de quo supra No. 2.

*Scriptor Societatis.*

54. Quod spectat ad secundum caput respondeo his verbis Patrem Procuratorem Generalem [in Libello supplici summo Pontificii oblato] alludere ad statuta nostrorum Missionariorum in conventu Kiatinensi modò citato, & juxta ea intelligi debere: quapropter solum significat Missionariis nostris aliisque Christianis illarum partium interdictum fuisse liberum & absolutum usum utriusque vocis *Tien*, & *Xangti*; secus verò, si voces illæ, debita cum ratione, & opportuna modificatione adhibeantur. No. 15.

*Adnotatio.*

55. Quam miserè se torquet Scriptor, ut Procuratoris Generalis verba contra clarum eorum sensum interpretetur! Melius erat dicere eum de his rebus non satis edoctum, aliqua Societatis rationibus minus commoda imprudenter protulisse. Sed talem inter eos dissensionem, vel in Procuratore Generali oscitantiam fateri noluit. Sanè hocce exemplo liquet, non olim tantum, sed neque etiam hocce tempore Patres Societatis de hac quæstione inter se convenire.

*Scriptor Societatis*

56. Hinc Pater *Le Comte* vir non minus probitate quam prudentia & doctrina commendatus, qui è China redux nunc Confessarius est Dominæ Ducissæ Burgundiæ No. 19.

*Adno*

*Adnotatio.*

57. Quid ad rem facit scire nos Patrem Ludovicum *Le Comte* esse sereniss. Ducissæ Burgundiæ à confessionibus? Nisi forte existimet Scriptor, fore ut eâ, quam sibi arrogant, Christianissimi Regis, gratiâ, ab hujus causæ defensione deterreamur. Certè hisce diebus Jesuita quidam Scriptori non ignotus jactabat, Societatem habere sex è suis in Aula Gallica, quibus totam familiam Regiam gubernaret. At hæc minimè nos attendimus, tum quod satis perspecta sit Christianissimi Regis nostri pietas & religio, tum quod certi simus Apostolicam Sedem, pro immobili sua firmitate, sine ulla personarum acceptione, de gravissima hac causa judicaturam.

*Scriptor Societatis.*

58. Sic Pater *Le Comte* cujus verba etiam Dominus Charmot citavit & approbavit, tametsi ea parum fideliter in Latinum transtulerit. Ibid.

*Adnotatio.*

59. Quid in mea versione Latina reprehendat Scriptor, debuisset speciatim notare, non generali & captiosa accusatione mihi malæ fidei crimen inferre. Certè verba Latina relegens, Gallici sermonis sentum in iis perfectè expressum reperi. Quantum verò eo loco Pater *Le Comte*, pro iis faciat, qui vocem *Xangti* negant admittendam, legenti statim apparet. Agnoscit enim & apertè declarat sectam Literariam in Atheismum decidisse, & voce *Xangti* aliud omninò quam verum, Deum intelligere.

*Scriptor Societatis.*

60. Hæc ratio æque militat contra vocem *Tien-chu*, atque contra voces *Xangti* & *Tien* N°. 21.

*Ad-*

*Adnotatio.*

61. Huic objectioni jam satisfactum est in Notis meis, sect. 3. art. 5. No. 226.

*Scriptor Societatis.*

62. Melius in hoc sibi constant Pater Longobardus, Pater Frater Dominicus Navarretta, & Pater Frater Antonius à Sancta Maria. Ibid.

*Adnotatio.*

63. Pater quidem Longobardus & illustrissimus Navarretta, rejectis vocabulis Sinensibus, ad introducendum nomen Europæum propensiores videbantur. An verò uterque in hac sententia perseveraverit, incertum est. De Patre Antonio à S. Maria constat ex ejus Tractatu supra citato, ei persuasum fuisse repulsis vocibus *Tien & Xangti*, retinendam esse vocem *Tienchu*, tanquam publico & communi usu jam receptam.

*Scriptor Societatis.*

64. Si multitudo illa nominum ad significandam rem summo gradu unam & indivisibilem, laude digna est, atque utilis in omnibus aliis partibus Orbis Christiani, prout cum sancto Dionysio docent omnes Theologi. . . . id non solum erat utile, sed quodammodo necessarium in China, maximè initio prædicationis Evangelicæ, ob sectarum varietatem, & cujuscumque nominis abusum. Ibid.

*Adnotatio.*

65. Nomen supremi numinis appellativum quod unicum est in singulis linguis Orbis Christiani, confundit Scriptor cum aliis nominibus quasi adjunctis, quibus Dei attributa, bonitas videlicet, omnipotentia, sapientia, sanctitas, providentia & alia similia significantur, vel etiam de-

describuntur, de quibus agit Sanctus Dionysius de divinis nominibus cap. 1. & cap. 11. 12. & 13. & post eum S. Thomas L. p. qu. 13. a. 3. alique Theologi. Unde falsò concludit non utile solum, verum etiam quasi necessarium fuisse pluribus nominibus apud Sinas Deum appellare, nomine scilicet *Xangti* vel *Tien*, ubi agendum est cum idololatriis, qui nonnulla idola *Tienchu* nuncupabant; nomine verò *Tienchu*, si quando cum Literatis in Atheismum delapsis, qui nullum aliud primum principium præter cælum materiale & vim ejus efficientem agnoscunt, disputandum foret. Pessima enim esset hæc ratio prædicandi Evangelii, cum hæc ambiguae significationis verba nullam in audientium animis Dei Opt. Max. notionem nisi falsam aut periculosam imprimere possent. Ante omnia annunciandus illis erat Deus, ut primum ac summum ens, ut spiritus summè intelligens, ut rerum omnium creator & gubernator, ut bonorum remunerator ac malorum vindex &c. ac deinde appellativum aliquod nomen seligendum, cui summi illius entis notio subjiceretur, idque non multiplex, sed unicum, ne si multa essent, audientium vel legentium intelligentiam varietate non tam juvarent, quam perturbarent; id quod sapienter nec sine divino nutu factum videtur in nomine *Tienchu*, Dominus Cœli, quod jam à principio missionis ad significandum Deum ab omnibus receptum est.

*Scriptor Societatis.*

66. Primò usus non plus favet uni, quam alteri duarum illarum vocum (*Tienchu* & *Xangti*) ideoque ambæ eodem privilegio gaudere debent. N°. 22.

*Ad-*

*Adnotatio.*

67. Non eadem est ratio utriusque hujus vocis. Nam verbum *Tienchu* jam à principio Missionis, nemine contradicente, receptum, hucusque eandem vim ac significationem obtinet: at nomen *Xangti* auctoritate Patris Ricci admissum, multos etiam ex Societate habuit adversarios, & in conventu Kiatinensi, de quo supra, rejectum, à Patre Palmeiro Visitatore penitus suppressum, denique à Reverendissimo Mutio Vittellesco Generali nonnisi in Libris, & adhibitis certis cautionibus, permissum fuit. Unde prioris verbi longè melior est conditio, quam posterioris.

*Scriptor Societatis.*

68. Itaque mihi propositum est quatuor capita iis quæ Reverendissimus Maigrot & ejus Procurator exponunt penitus contraria, demonstrare. Primum est veteres Sinas aliquam veri Dei notitiam habuisse. No. 24.

*Adnotatio.*

69. Primi hujus capituli disceptatio relinquenda iis qui linguam literasque Sinenses apprime norunt, præsertim cum ab hoc nequaquam pendeat quaestio de qua inter nos agitur. Itaque hæc ut causæ inutilia, vel saltem minimè necessaria, prioribusque meis scriptis jam satis explicata, sine nova responsione prætermittam.

*Scriptor Societatis.*

70. Tertio quantumvis nunc generalis corruptio in tota China regnet, & in seclâ Literatorum prævaleat Atheismus ac Dei ignorantia, mihi propositum est demonstrare hanc ignorantiam non tam esse universalem, quam sibi illam fingit & aliis vult persuadere Reverendissimus Maigrot. Ibid.

*Ad-*

*Adnotatio.*

71. Fatetur Scriptor generalem esse in China corruptionem, atque in secta literaria prævalere Atheismum & Dei ignorantiam. Addendum novam non esse hanc corruptionem & ignorantiam, sed ut minimum à quingentis vel sepringentis annis apud totam Sinarum nationem grassari, ut sæpè dictum est. Hoc semel posito, etli concederem aliquot nunc Literatos in Aula Pekinensi ipsumque Imperatorem *Cambi* regnantem aliquam veri Dei notitiam habere, ratum tamen fixumque manet, corpus ipsum sectæ Literariæ adeoque universam Literatorum nationem Atheismo laborare, hoc est nullum aliud primum principium vocibus *Tien* & *Xangti* intelligere, præter cælum materiale eique inditam vim ceterarum rerum effectricem. Ex hoc autem conficitur id quod mihi probandum est, videlicet utramque illam vocem à Christianis ad significandum Deum Optimum Maximum minimè adhibendam, ob incommoda quæ ex ambigui verbi significatione sequerentur.

*Scriptor Societatis.*

72. Iis quæ hæcenus dicta sunt opponi poterit, nihil mirum esse Sinas per tot sæcula sine cognitione veri Dei vixisse, quandoquidem Græci, Persæ, Chaldæi, Ægyptii, aliique populi non minus culti & eruditi in iisdem tenebris jacuerunt . . . . Respondebunt quoque Sinas sapientes fuisse veros idololatrias, eorumque idolum fuisse cælum, cui templa fabricarunt & sacrificia obtulerunt. No. 32. 33.

*Adnotatio.*

73. Utrumque revera jam respondi & opposui Scriptoribus Societatis in Notis meis, sect. 1. art.



10. n. 146. sect. 3. art. 2. n. 215. & in Disputatione n. 54. neque hactenus quicquam contra ea solidi, Patres Societatis attulerunt.

*Scriptor Societatis.*

74. Unde qualiscumque fuerit opinio de Deo in mente veterum Sinarum, nomen *Xangti* quo illum exprimere voluerunt non minus innocens dici potest quam tempore Gentilium fuerint apud Latinos & Græcos nomina *Deus* & *Θεός*.

*Adnotatio.*

75. Si nullum aliud rerum principium agnoverunt antiqui Sinæ præter cælum materiale, nomen *Xangti* apud eos non fuit nomen appellativum Dei, cujus eos nullam veram notitiam habuisse supponimus, sed fuit nomen proprium & peculiare materiæ primæ vel insitæ ei virtutis efficientis, quam etiam alio nomine Literati appellant *Taikie* & *Li*. Unde in hac hypothese non est eadem ratio nominis *Xangti* apud Sinas atque nominum *Θεός* & *Deus* apud Gentiles, Græcos, vel Latinos, ut jam supra observatum est. Certè vocabula *Taikie* & *Li* quæ in secta Literatorum propria sunt nomina materiæ primæ vel vis efficientis ei insitæ, malè quis pro appellativo Dei nomine apud Sinas usurparet. Quidni igitur idem dicendum de voce *Xangti*, quam constat saltem à multis jam sæculis apud Literatos idem prorsus significare, ac voces *Li* & *TaiKie*?

*Scriptor Societatis.*

76. Rectè observat celebris & doctus Missionarius \* in China, Sinas nuncupari Atheos, non quod positivè aut verbis aut etiam intus in corde

G

negent

\* *Pater Gabiani in Appendice Apologetica Dissertationis sect. 5. No. 11.*

negent esse Deum mundi supremum Gubernatorem, sed quod addicti carni, & rebus præsentibus ac visibilibus immeriti, de invisibilibus & longinquis parum curent, nec operæpretium existiment multum laborare in inquirendo an revera ille Deus existat, vel non existat, & quæ sit ejus vis ac potentia. N<sup>o</sup>. 52.

*Adnotatio.*

77. Huic doctrinæ Patris Gabiani facilè subscribam, neque ei quicquam contrarium habet Reverendissimus Dominus Maigrot in suo Mandato, & Mandati Expositione. Sinas Literatos hujusce temporis, eorumque à quingentis aut sexcentis annis decessores atheos appellamus, quod ex eorum libris & recepta communiter inter cos doctrina, nullum aliud primum principium præter cælum materiale admittere convincantur; quod quidem cælum cum summo cultu dignum putent, eique Imperator singulis annis, tanquam Literariæ sectæ caput, in amplo & magnifico templo sacrificet, Athei quidem dicuntur; sed nihil obstat quominus etiam idololatræ nuncupentur, quemadmodum veteres Persæ & Chaldæi, qui solem & ignem, res scilicet corporeas & visibiles, adorabant, inter idololatræ, potius quam inter atheos numerantur, ut jam aliàs notavi.

*Scriptor Societatis.*

78. Missionarii Chinæ has voces *Xangti* & *Tien* usurpantes nihil aliud egerunt, nisi quod præscriptam ea de re ab Origene lib. 5. contra Celsum generalem regulam sequuti sunt: *Scyticè enim, inquit, & Ægyptiacè, & in omnibus linguis in quavisque fuerit educatus, appellativum Dei nomen usurpari potest citra peccatum & errorem*. Atqui  
extra

extra dubium est vocem *Xangti* quæ significat *Supremus Imperator*, in China esse nomen appellativum.

*Adnotatio.*

79. Quod sibi tanquam certum sumit Scriptor, vocem videlicet *Xangti* esse in China nomen generale & appellativum Dei, pernegamus. Imo in tota secta Literatorum est nomen proprium ac peculiare virtutis seu efficientiæ cœli materialis, quam rerum omnium originem ac principium esse arbitrantur. Unde ad significandum Deum usurpari non debuit ex sententia Origenis, cujus ultima tantum verba retulit Scriptor, cum integrum locum afferre debuisset. Ibi enim Origenes contra Celsum docet nunquam adduci posse Christianos, ut Deum appellent Jovem, sicut Græci; vel Amnum sicut Ægyptii; vel Pappæum sicut Scythæ; tamen Celsus contenderet diversis his nominibus eandem rem, id est supremum quoddam numen significari, ut patet ex ejus verbis paulò antè ab Origene relatis. *Quosvis cruciatus, inquit Origenes, perferimus potius quam Jovem fateamur Deum: nec enim eundem credimus Jovem & Sabaoth* (sic Deum Judæorum Gentiles indigitabant), *imo ne Deum quidem Jovem, sed demona quemdam, qui delectatur hoc nomine, insensum hominibus & inimicum vero Deo.* Et si Ægyptii nobis suum Amnum ingerant, pœnas etiam intentantes, moriemur citius quam Amnum Deum appellabimus, invocatum licet ab Ægyptiis incantatoribus. Affirment Scythæ quoque Pappæum esse illum universorum Deum, nunquam id nobis persuadebunt, credentibus quidem esse hujus universitatis unum

Deum, sed non nominaturis hunc Deum Pappæum, prout vellent, quibus contigit Scythicas solitudines incolere, ejusque gentis mores & linguam addiscere.

80. Atqui nomen *Xangti* apud Sinas Literatos, saltem à quingentis aut sexcentis annis vim seu influxum cœli materialis in res inferiores indicat, quemadmodum nomine Jovis, Dianæ, Junonis, Vestæ, Neptuni, & aliorum Deorum, veteres quidam Philosophi æthera seu cœli virtutem aliarumque naturarum efficientiam intelligebant, ut refert Tullius Lib. 1. de natura Deorum, de Zenone his verbis: *neque Jovem, neque Junonem, neque Vestam, neque quemquam, qui ita appelletur, in Deorum habet numero, sed rebus inanimatis atque mutis per quandam significationem hæc docet tributa nomina.* Quod adhuc clariùs explicat Lib. 2. de natura Deorum, ubi per Jovem, veteres ait æthera significasse, citans in eam rem hæc verba Ennii: *Aspice hoc sublime candens, quem invocant omnes Jovem.* Idem refert Lactantius de aliis Philosophis: *Cleantes, inquit, & Anaximenes æthera dicunt esse summum Deum.* Atque forte etiam nomen Ammū apud Ægyptios & nomen Pappæus apud Scythas, idem omnino ac Jupiter apud Græcos & Latinos, hoc est æthera significabant.

81. Addit quidem Origenes: *Alioquin appellativo Dei nomine vel Scythicè vel Ægyptiacè, vel quacumque lingua in qua quisque educatus est, si quis eum nominet, nihil peccaverit.* Sed tale supremi numinis appellativum nomen non videtur fuisse apud Sinas, à multis saltem sæculis, postquam in profundum atheismi & idololatriæ Bathrum

rathrum tota gens illa defluxit ; quod expressè observat Pater Martinus initio suæ Historiæ Sini-  
cæ, *De summo*, inquit, *ac primo rerum auctore*  
*mirum apud omnes silentium : quippe in tam co-*  
*piosa lingua ne nomen quidem Deus habet.* Unde  
aut peregrinum nomen inducendum erat, aut ali-  
quod nomen generale & appellativum ex ipsa  
Sinensi lingua adoptandum fuit, quale fuit *Tien-*  
*chu*, quod nulli vel certè levissimo ambigui peri-  
culo subiacebat, cum in sola idololatrarum secta  
ad significanda quædam eorûm idola usurparetur :  
quod de nominibus *Xangti*, *Tien*, *Tai Kie*, *Li* dici  
non potest, cum in tota Literatorum secta, quæ  
primaria & princeps est in universo Imperio, pro-  
pria sint ad significandum cælum materiale atque  
insitam ei vim efficientem.

*Scriptor Societatis.*

82. Nostri non utuntur istis vocibus (*Tien* &  
*Xangti*) absolutè sed eas modificando & decla-  
rando, & adjunctis aliis vocibus quæ veram illa-  
rum significationem explicant ; idque tam in pu-  
blicis concionibus, quam in privatis colloquiis,  
& in Libris eorum tum Pekini, tum in aliis pri-  
mariis urbibus typis editis No. 54.

*Adnotatio.*

83. Hoc si revera fiat, acceptum referri debet  
rescripto Reverendissimi Patris Vittelleschi con-  
tra vocem *Xangti*, de quo supra no. 51. quan-  
quam non planè ei obtemperetur, cum vocem  
illam absolutè prohibuerit, eam solum in Libris  
Patris Riccii jam editis, ejus honoris causâ, re-  
tineri permittens, ut testatur Pater Antonius à  
Sancta Maria supra relatus. Sed ponamus ejus-  
modi cautiones & declarationes à Missionariis

Societatis adhiberi, quotiescumque nomen *Xangti* usurpant, quod quam difficile & incommodum sit nemo non videt; quid inde emolumenti, quid utilitatis capiant? Nempe quòd factum tectumque sit nomen Patris Riccii aliorumque Jesuitarum, qui vocem hanc in suis Libris usurparunt. At levioris id momenti est, quam ut cum tanto incommodo nomen istud ad significandum Deum in Chinam inducatur, præsertim cum jamdiu omnium consensu nomen *Tienchu*, idem absolute & sine ulla explicatione significet.

84. Omitto parum conveniens videri, ut soli Jesuitæ finantur, adhibitâ explicationis cautione, nomen *Xangti* usurpare. Neque enim alii Missionarii, multoque minus Laici & simplices Christiani ad hanc se legem de non adhibenda voce *Xangti*, nisi prævia explicatione, adstringi facile patientur; unde fiet ut alio atque alio modo Deus in tota China, non sine gravi incommodo, & quodam veluti schismate, à Christianis nominandus sit. Uno verbo cum Patres Societatis fatentur vocem *Xangti* absolute usurpandam non esse, eo ipso coguntur agnoscere eam esse abrogandam, ac solum nomen *Tienchu* retinendum.

*Scriptor Societatis.*

85. Secunda ratio est, quia in tota China notum est qualis sit religio quam profiteamur, & qualis sit Deus ille, quem prædicant nostri Missionarii. . . . . Tertia ratio est, quia ter centum mille Christiani cujusvis generis & gradus per totam Chinam dispersi, tametsi pauci sint, cum multo majori numero Gentilium comparati, sufficiunt tamen, ut per eos Gentiles satis  
circa

circa hoc edoceantur de nostra lege, de ejus sublimitate & excellentia &c. No. 54.

*Adnotatio.*

86. Utraque hæc ratio nimis probat, adeoque nihil probat: ex iis enim sequeretur in usum admittendam esse vocem *Xangti* absolute & sine ulla prævia explicatione; quod tamen nolunt Patres Societatis. Cur autem id nolunt? Nempe quod sentiant periculum fore, ne vox illa significatione cœli materialis in tota secta Literatorum à multis saltem sæculis receptâ intelligeretur; id quod nullatenus in voce *Tienchn*, timendum est, quæ absolute & sine ulla explicatione pronuntiata Deum Opt. Max. apud omnes significat.

*Scriptor Societatis.*

87. Præterea cum hæ voces (*Xangti* & *Tien*) ab antiquis Sinis legitimo sensu ad significandum Deum justum, omnipotentem, materiæ expertem &c. usurpatæ fuerint, facilius est, ut tametsi primam significationem puram & integram non servaverint, ad illam quasi postliminio revertantur, si adsint Prædicatores veritatis, qui eam solerter explicent. No. 55.

*Adnotatio.*

88. Id tanquam certum sibi sumit, quod in controversiam vocatur, veteres videlicet Sinas verum Deum cognovisse & sub nomine *Xangti* adorasse. Sed hoc etiam illi gratis concessio, cum significatio verborum ab usu pendeat, oblitteratâ jamdiu veteri significatione vocis *Xangti*, & novâ communi omnium Literatorum consensu à multis jam sæculis in usum inductâ, non ita facile est ut pristina illa significatio, obnitente infidelium Literatorum turbâ à Prædicatoribus Evangelii revocetur, neque id fieri

potest sine gravi incommodo ob dubii sermonis periculum in re tanti momenti, ut jam sæpè notatum est.

*Scriptor Societatis.*

89. Præterea nomen Jovis est nomen proprium & individuale unius creaturæ, & quidem pessimæ creaturæ: at alia illa nomina (*Xangti & Tien*) nomina sunt appellativa & communia; sicque juxta doctrinam Origenis rectè Deo adaptantur, sine ullo errore aut periculo. N<sup>o</sup>. 56.

*Adnotatio.*

90. Jam supra N<sup>o</sup>. 79. observatum est *Xangti* non esse nomen Dei appellativum apud Sinas Literatos, à multis saltem sæculis, sed proprium nomen cœli materialis ejusque efficientiæ, unde ex sententia Origenis, non magis licet illud Deo adaptare, quam nomen Jovis, Ammi, vel Pappæi.





EX  
SECUNDO SCRIPTO  
CUI TITULUS:

Ristretto delle Notizie circa l'uso della voce  
*Cines* *Xangti* che significa , *Supremis* *Im-*  
*perato* , ò vero *Alti Dominus* , e della voce  
*Tien* , che significa *coelum*.

91. **I**N hoc secundo scripto non tam breviantur  
prioris dicta quam aliis verbis repetuntur.  
Unde satis erit , omissis cæteris , ea solum loca  
perfringere , quæ aliquam adnotationem postulare  
videantur.

*Scriptor Societatis.*

92. \* Compertum nobis est ( Reverendissimum  
Maigrot ) Aulam nunquam frequentasse , neque  
præcipuas civitates : neque etiam Provincias magis  
internas illius Imperii vidit , neque unquam cum  
ullo Mandarinò aut Literato præterquam cum quo-  
dam Baccalaureo tertii Ordinis Jesuitarum alum-  
no & neophyto familiarem habuit sermonem.  
No. 2.

*Adnotatio.*

93. Hisce jam respondi supra No. 25. Pater Bou-  
vet,

\* *Ex literis Patris Bouvet , & ex Relatione Pa-*  
*ris Grellon quæ apud nos sunt.*

*vet*, quem nunc Scriptor ut testem citat, Fokiensem Provinciam nunquam adiit; & valdè dubito an Pater *Grellon* urbem *Fochou* Provinciæ caput viderit. Cæterùm à vero longè absunt, si dicant Reverendissimum Maigrot cum Mandarinis nunquam congressum fuisse. Contrarium hisce oculis vidi, plusquam integrum annum cum eo in Urbe *Fochou* commoratus, ubi sæpè præcipui Provinciæ Mandarinum illum invisebant, & cum eo familiaria colloquia miscebant. Puerilia sunt & responso indigna, quæ hîc afferuntur ad minuendam Reverendissimi Domini Maigrot auctoritatem. Baccalaureus ille Jesuitarum neophytus, de quo mentionem facit Scriptor, Societati addictissimus est, quod ipse coram vidi in Provincia illa degens. Risu itaque excipiendum quod ait Scriptor Reverendissimum Dominum Maigrot non habuisse alium è Literatis, quem de doctrinis & ritibus Sinensium consuleret, antequam Mandatum suum publicaret, præter illum Baccalaureum Patrum Societatis alumnum & mancipium.

*Scriptor Societatis.*

94. Multi sunt casus, pro variis circumstantiis, in quibus sive voce, sive in scripto, usurpantur (nomina *Xangti* & *Tien*), & habita ratione declarationum ac formularum in contextu eis adjunctarum, eorum usus non solum ad exprimendum Deum licitus, sed & laudabilis evadit. Ibid.

*Anotation.*

95. Hoc loco, ut & alibi, expressè agnoscunt Patres Societatis voces *Xangti* & *Tien* non posse legitimè adhiberi ad significandum Deum, nisi adjuncta explicatione & declaratione; quod de voce *Tienchu* nemo unquam dixit. Id sæpè repetendum quia

quia hæc nominum istorum differentia, maximi momenti est in hac causa.

*Scriptor Societatis.*

96. Hoc ipsum est quod ante annos 70. in celebri Conventu Kiaticensi ab ipsis (Jesuitis) post longum examen statutum fuit, & in China concordatum, atque postmodum Romæ à Matio Vittelleſco Generali confirmatum. No. 3.

*Adnotatio.*

97. De hoc jam actum est supra No. 34. ubi primum ejusdem conventus articulum exscripsi, quocum viderint Patres Societatis an conciliari possit, id quod hîc de eodem conventu referunt. De rescripto Patris Vittelleſchi Generalis notatum est No. 51. quid habeat Pater Antonius à Sancta Maria in Tractatu Cantone composito, Pater Sarpetrius in epistola ad Sac. Congregationem de propaganda fide, & Pater Antonius de Govea Viceprovincialis Societatis in epistola quam edidit Pater *Le Gobien*; quod quidem longè diversum est ab eo quod hîc de eodem rescripto Scriptor Societatis refert.

*Scriptor Societatis.*

98. Adversarii vocis *Xangti*, ut susceptam semel causam defendant, non dubitant concedere quod omnes antiqui Sinæ per decem aut quindecim sæcula perfectè Athei fuerint, sine ulla nequidem imperfecta & manca cognitione cujuscunque superioris potestatis quæ providentiâ suâ res humanas gubernet. No. 4.

*Anotatio.*

99. Perfectum illum Atheismum sine ullo vel minimo sensu divinitatis in tota veterum Sinarum natione non solum non agnosco, sed nequidem in posteriorum sæculorum Literatis admitto. De antiquis

tiquis primisque fundatoribus Imperii Sinici & sectæ Literariæ quid tenendum sit, valdè obscurum atque incertum videtur. At verisimile est Sinas, cum principio verum Deum cognovissent, paulatim successu temporis cælum hoc visibile, solem & stellas pro Deo habuisse; quæ fuit etiam opinio Chaldæorum & Persarum, ac multorum veterum Philosophorum, ut non semel jam observatum est. Hi autem non propriè athei, sed potius idololatræ dicendi sunt, juxta scripturam sacram, quæ loquens de iis qui relicto veri Dei cultu, ad falsos Deos colendos deflectunt, ait Deuteron. 17.v. 3. eos pactum Dei transgredi, ut *vadant & serviant Diis alienis & adirent eos, solem & lunam & omnem militiam cæli*; de qua militia cæli, id est sole, luna, & astris, frequens etiam mentio apud Prophetas idololatriam Israëlitarum redarguentes.

100. Certè communis est omnium etiam Patrum Societatis & ipsiusmet Scriptoris sententia, Sinas Literatos à quingentis vel sexcentis annis in ejusmodi atheismum decidisse, nullum aliud primum principum præter cælum materiale, vique ei insitam agnoscentes. Hoc autem semel concessò, non video quæ tanta sit difficultas, aut quid repugnet, si idem dicatur de antiquis Sinis, qui per multa sæcula ante Christum natum, & ante promulgationem Evangelii vixerunt.

*Scriptor Societatis.*

101. Quodnam periculum ambigui sermonis esse potest in usurpandis vocibus *Xangti & Tien*, quandoquidem à nostris non usurpantur, nisi adjunctis aliis verbis, quibus summa Dei providentia & omnipotentia unà cum aliis ejus attributis explicantur ?  
No. 7.

*Ad-*

*Adnotatio.*

102. En iterum apertè fatetur Scriptor , voces *Xangti* & *Tien* , nonnisi adjuncta explicatione & declaratione , ad significandum Deum adhibendas esse.

*Scriptor Societatis.*

103. Tres istæ voces *Xangti* , *Tien* , & *Tienchu* in China habent unum eundemque significatum : cur igitur retenta hac tertia voce , ut innocente , duas priores tanquam idololatricas exterminare tentat (Reverendissimus Maigrot)? No. 9.

*Adnotatio.*

104. Non secundùm solam etymologiam considerandæ sunt tres istæ voces , sed secundùm usum à quo pendet lex & norma loquendi. At nomina *Xangti* & *Tien* apud Sinas Literatos à longo tempore significant cælum materiale , ejusque vim efficientem : rarè verò admodum & insolenter eum significatum habet vox *Tienchu* , quæ cum jam à principio Missionis adoptata sit à Christianis & Missionariis ad significandum Deum Optimum Maximum , nullatenus jam ambigua est , atque adeò , aliis exclusis , retineri debet.

*Scriptor Societatis.*

105. Nomen istud Dei Sinense (*Xangti*) prorsus simile est ejus quod in Scripturis sacris vero Deo tribuitur , quando dicitur *Rex Regum* & *Dominus dominantium*. No. 10.

*Adnotatio.*

106. Non agitur hîc de nominibus generalibus & quasi adjectivis , quibus perfectiones & attributa Dei explicantur , sed de nomine appellativo , & quasi proprio ad designandum supremum numen , ut sæpè jam dictum est.

*Scriptor*

*Scriptor Societatis.*

107. Veteres illi Legiflatores, ut puritatem religionis suæ & unius Dei cultum ab omni errore servarent immunem, voluerunt ut ipsi sacrificium offerri non posset, nisi in duobus cœli templis duarum Metropoleon illius Imperii, idque per manus ipsorum Imperatorum; unde etiam in eorum *Liki*, id est Rituali Libro antiquissimo tam accuratè & sigillatim præscribuntur ritus & cæremoniæ ejusmodi sacrificii. In ipsis deinde Annalibus leguntur publicæ & solennes orationes cœlo oblatae, &c. No. 12.

*Adnotatio.*

108. Notari hîc velim solemne hoc sacrificium ab ipso Imperatore offerri, non cœlo tantum, sed etiam terræ. In utraque enim Metropoli Imperii, extra muros civitatis duo sunt templa magnificentissima, unum Cœlo, & alterum Terræ dedicatum, & in utroque statis temporibus Imperator sacrificat, aut si impeditus fuerit, aliquem ex primis Aulicis mittit, qui ejus vice sacrificium offerat. Sive autem primis temporibus sacrificium illud vero & vivo Deo factum fuerit, ut vult Scriptor, sive cœlo visibili & materiali ejusve spiritui, hoc est virtuti effectrici, ut Longobardus \* multique alii existimant; cultus ille nunquam fuit civilis & politicus, sed sacer ac religiosus, ut omnes consentiunt. Atqui sicut solius Imperatoris est spiritui cœli, quem *Xangti* vocant, & spiritui terræ sacrificare; ita ad solos Principes & Mandari-

\* *Pater Smedus in Relatione Chine cap. 19. versus finem. Pater Antonius à Sancta Maria in Relatione Sinæ sectarum cap. 16. ms.*

darinos pertinet spiritibus montium, fluminum civitatum, ipsique Confucio tanquam totius Imperii Magistro sacrificia offerre; quibuslibet verò etiam ex plebe permittitur progenitorum suorum mortuorum spiritus colere. Cum autem varii illi cultus, tametsi in varias hominum classes distributi, ejusdem tamen sint naturæ & conditionis, & iisdem sectæ Literariæ principiis innitantur; hinc benè contra defensores cultuum Confucii & mortuorum progenitorum sic arguitur: cultus cœli proprius Imperatoris, cultus est sacer ac religiosus, non civilis & politicus; ergo similiter cultus Confucii & mortuorum progenitorum non est civilis & politicus, sed sacer ac religiosus, adeoque illicitus & idololatricus.

*Scriptor Societatis.*

109. Magnam utilitatem istius praxis agnoscit vir dignitate conspicuus, qui recens ex istis partibus venit. No. 17.

*Adnotatio.*

110 Ubinam Reverendissimus Aleoneffa hanc magnam utilitatem nominandi Deum in China vocibus *Tien* & *Xangti* agnoverit, hætenus mihi compertum non est,

*Scriptor Societatis.*

111. Major est ista difficultas in China, co quod Sinæ linguam suam magnipendunt, fieretque hæc mutatio ab exteris hominibus. Ibid.

*Adnotatio.*

112. Infirma & futilis ratio: alicujus esset ponderis, si exclusis Sinensibus vocabulis, de introducendis Europæis ageretur: at jam usu recepta est Sinensis vox *Tienchu*, quam retinendam omnes consentiunt.

*Scriptor*

*Scriptor Societatis.*

113. Amittitur validum medium procurandæ conversionis Literatorum, quandoquidem non poterunt amplius urgeri argumento ad hominem, allegando contra eos ipsorum textus & majorum testimonia. Ibidem.

*Adnotatio.*

114. Nihil obstat quominus, repulsa voce *Xang-ti*, adhuc quis argumentetur contra Literatos ex auctoritate veterum Librorum Sincensium, si ex eis probare sperat, verum ac vivum Deum sub nomine *Xang-ti* olim in China cognitum fuisse. Sufficit, enim Christianis ad rejiciendam hanc vocem, à multis jam sæculis aliud omnino apud Sinas quam Deum verum, significare. Cæterum videant Patres Societatis ne parum hac via erga Literatos proficiant, qui facile contendunt se melius Libros suæ nationis & sectæ intelligere, quam intelligant homines advenæ & peregrini.

*Scriptor Societatis.*

115. Utile est Deum pluribus nominibus appellare, ut melius infinitæ ejus perfectiones adumbrentur, & sic ubique usu venit. Unde nos non tantum Deum, sed etiam Creatorem, Dominum universi, Judicem vivorum & mortuorum &c. Verum id adhuc magis necessarium est in China ob sectarum in ea regnantium varietatem, adeo ut nullum sit nomen Dei, quo aliqua earum non abutatur. Quapropter nunc hoc, nunc illud, pro variis circumstantiis, usurpandum est, exempli gratia nomen *Tienchu* cum Literatis adoratoribus cæli, & nomen *Xang-ti* cum idololatriis idolorum *Tienchu* adoratoribus, ea ratione alterutro nomi-



mine alterius defectum vel abusum supplendo.  
Ibid.

*Adnotatio.*

116. Quin pluribus nominibus utendum sit ad describendas Dei perfectiones, qualia sunt Creator omnium, universi Dominus, vivorum & mortuorum Judex, nemo in dubium vocat. De ejusmodi nominibus inter nos non agitur, sed de nomine appellativo supremi Entis, quale est Θεός apud Græcos, *Dens* apud Latinos. Jam verò satius est & convenientius unicum esse ejusmodi nomen, ut appareret in omnibus linguis vulgaribus. Certè recepto jam communi usu nomine *Tienchu* ad significandum Deum, non utile, sed incommodum videtur aliud ei addere. Mutato enim nomine alicujus rei, censetur etiam mutari notio ei subjecta. Unde parum conveniens, imo absurdum videtur, eosdem Evangelii Prædicatores alio atque alio nomine, pro varia hominum conditione, Deum apud ejusdem linguæ populos appellare, neque hujus nominum vicissitudinis exemplum in Apostolicis viris, qui Christum Gentilibus annuntiarunt, reperiri existimo.

*Scriptor Societatis.*

117. Qua in re mirum, vel potius risu dignum est, quod ait Dominus Charmot, Deum à fidelibus unico nomine appellandum, quia nominis unitas est veluti signum ac sigillum unitatis Religionis. Sed tale dictum universæ Ecclesiæ usu, & omnium Sanctorum, præsertim Sancti Dionysii in Libro de divinis nominibus, auctoritate reprobatur.

*Adnotatio.*

118. Nusquam dixi idcirco Deum à fidelibus unico nomine appellandum, quia nominis unitas est veluti signum ac sigillum unitatis Religionis. Nescio cur Scriptor verba mea reprehensurus, ea ferè semper mutet. Locus quem carpit est in Notis meis Sect. 3. Art. 2. No. 208. ubi refellens Observatorem qui Deum non unica voce, sed pluribus apud Sinas nominandum contendebat, idque confirmabat Apostolorum exemplo, qui apud Græcos & Latinos non contenti voce Θεός & Deus, illum appellarunt Regem Regum, & Dominum Dominantium, hæc, inquam, refellens observo „agi. inter nos de statuendo in „China speciali ac proprio Dei nomine, non „verò an admittenda sint etiam nomina generalia, quæ verborum circuitu infinitas ejus perfectiones, variaque attributa designent, qualia sunt Rex Regum, Dominus Dominantium & similia: quibus statim adjungo; cum unitas sit ex primis magisque necessariis supremi nominis perfectionibus, præcipuumque Religionis fundamentum, satius ac rationi convenientius videri, ut in unaquaque lingua unum sit proprium ac peculiare ejus nomen, quale est Græcis Θεός, & Latinis Deus; idque confirmari autoritate Apostolorum ac virorum Apostolicorum qui uno Dei nomine contenti, plura alia apud Gentiles quibus Evangelium annuntiabant, non induxerunt, quod usque hodie in omnibus linguis vulgaribus observatur.

119. Hæc sunt verba mea, quibus non de unitate Religionis, sed de unitate Dei disserui, eamque ipsa nominis Dei unitate significari ac fidelium

nam mentibus imprimi ostendi. Si hæc Scriptori Societatis non arident, aliorum forte iudicio probabuntur. Certè hîc videtur alludere Lactantius, cum ex Trimegisto ait; *Deum nominis proprietate non egere, ob ipsam scilicet unitatem*; additque quod *Deo, quia semper unus est, proprium nomen est Deus.* Lib. I. de Falsa Religione No. 6. Idque etiã confirmatur communi hominum in aliis rebus sermone. Quoties enim agitur de summa potestate, quæ una est, ut in Regnis & in Monarchiis, unò, non pluribus nominibus designatur. Sic Rex in Gallia & Hispania, Imperator verò in Germania absolutè nominatur; & qui aliis adhuc nominibus eos vellet appellare, vulgo non intelligeretur, aut etiã in suspicionem veniret quasi principatus summique Imperii unitatem minus agnosceret.



E X

## TERTIO SCRIPTO

CUI TITULUS:

Notizie circa l'uso delle Tabelle colle parole Cinesi: *King Tien*, *Cælum colito*.

120. **N**Equè attendit (Reverendissimus Malgrot) gravem injuriam quam faciebat non solis Societatis Missionariis, qui Tabellam illam ab Imperatore acceperant, sed etiam Missionariis aliorum Ordinum Religiosorum, qui initio ferè omnes illam complexi erant No. 2.

*Adnotatio.*

121. Falsum est, quod cum pace Scriptoris dixerim, omnes ferè Missionarios aliorum Ordinum Tabellas cum inscriptione *Kingtien* admisisse. Unus solus ex Seraphico Ordine nomine Pater Petrus de Pinuela, ejusmodi tabellam in duabus Ecclesiis sui Ordinis collocavit, idque injussu suorum Superiorum, ut ipsemet audivi à Reverendo Patre Jacobo Tarin Commissario Provinciali ejusdem Ordinis cum Cantone anno 1693. commorarer. Postea ex Ecclesia sua *Nangansu* quæ est urbs primi ordinis Provinciæ Kianziænsis, illam sustulit idem Pater Pinuela, neque inde ei aut aliis Missionariis ejusdem Ordinis quicquam damni

damni aut incommodi accidit. Alteram Tabellam ex Ecclesia *Changlobien*, sustulit Pater Thomas Lucas, nullo inde accepto damno, aut incommodo. De his interrogari potest Reverendissimus Alconessa. Ex Ordine Prædicatorum unus solus, si benè memini, Tabellam illam in sua Ecclesia posuit, & quidem additâ ad latus declaratione & explicatione; qui tamen postmodum admonitus à Superioribus illam sustulit, sine ullo damno suo vel detrimento.

*Scriptor Societatis.*

122. Hic breviter narrabo totam Historiam, quo pacto, quove tempore verba illa (Cælum colito) scripta fuerint & Patribus nostris data ab hodierno Imperatore *Cambi*, adductâ epistolâ Patris Gabrielis Magallensis celeberrimi Missionarii qui rei gestæ præsens adfuit, quam ex Lusitano Idiomate in Italum fideliter redditam hîc attexam. No. 5.

*Adnotatio.*

123. Quid juvat totam hanc Historiam de Tabella *Kingtien* inscripta referre; nisi ut pateat non parvam esse gratiam Patrum Societatis in Aula Pekinensi ob Mathematicen, Astrologiam, aliasque similes scientias? Quod Imperator *Cambi*, comitantibus fratre, patruo aliisque Aulicis ad Ecclesiam & domum Patrum Societatis venerit, altarium imagines & picturas curiosè inspexerit, deinde hortum intraverit, ac postmodum lustratis ædibus in cubiculo Patris Buglii, variis Mathematicorum instrumentis reserto, moratus sit, acceptoque penicillo ibidem prædictas duas literas *Kingtien* in tabella descripserit, hæc, inquam, singula probant quidem Principis tunc æ-

tate juvenis propensum in Jesuitas tanquam Mathematices aliarumque scientiarum Magistros suos animum; quibus tabellam istam velut amoris & benevolentiae signum dare voluerit; sed nequaquam ostendunt, eum quicquam tunc de colendo vero Deo, quem Jesuitæ alique Missionarii Prædicant, cogitasse, cum hæctenus principiis seclæ Literariæ, quæ nullum primum principium præter cælum materiale agnoscit, valdè addictus fuerit, Librosque de Philosophia ediderit in quibus atheisticam hanc doctrinam tradit, ut jam supra notatum est.

*Scriptor Societatis.*

124. Inter omnes alias persecutiones contra nostram sanctam fidem in China exortas atrocissima, aut saltem periculosissima fuit illa quæ anno 1664. cœpit, hodierno Imperatore adhuc annis minore, ac regnum administrantibus quatuor magnis Senatoribus erga omnes Missionarios, & speciatim Patres nostros malè affectis. . . . . Venerabili Patri Adamo Schaal Societatis nostræ, istius Missionis magno lumini & columnæ mortem attulit. &c. No. 11.

*Adnotatio.*

125. Quam fluxa sit & incerta ad tuendam religionem nostram gratia Principum humanis artibus ac scientiarum ope quæsitæ, demonstravit hæc ipsa persecutio, cui locum dedit Pater Adamus Schaal Mandarinus Mathematices. Rem narrat Illustrissimus Navarretta Tom. 1. cap. 13. pag. 346. Obierat regius infans Prædecessoris Imperatoris filius: Diem fastum sepulturæ jussus est, pro suo munere, assignare Pater Adamus. In seligendis autem ad auspiciandum aliquid fastis nefastisque

fastisque diebus non parva superstitione laborant Sinæ: Selectus dies aut non placuit, aut, ut alii dicunt, à Præfecto Tribunalis Rituum, cui subest Mandarinus Mathematices mutatus fuit. Paucis post diebus Regina mater infantis obiit, ac postmodum ipsemet Imperator. Has mortes Sinæ sepulturæ regii infantis die infausto factæ attribuerunt, atque inde occasio sumpta sæviendi in Patrem Adamum, ac deinde in omnes per totum Imperium Missionarios tam Societatis Jesu, quam Ordinis Prædicatorum & Ordinis Sancti Francisci. Neque ulli causa hujus acerbitalis insolens apud Sinas videri debet. Siquidem, ut observat Pater Martinus Sinicæ Historiæ Lib. 2. loquens de Astrologis regijs, qui ob non prædictam eclipsim, morte mulctati sunt, *vel hodie illic in more positum, ut Regius Mathematicus, si forte in munere suo ejusmodi errores admittat, capite luat.* De hac persecutione Pater Antonius de Govea è Societate, cum in urbe Cantone 23. Missionarii relegati sub custodia tenerentur, coram Patre Dominico Navarretta, tunc Missionariorum Dominicanorum Præfecto, quodam die dixit: *Pater Matthæus Riccius per Mathematicen nos in Chinam induxit, & Pater Adamus per eandem Mathematicen nunc ex ea nos eiicit:* Ibid. pag. 361.

26. Hinc licet animadvertere quàm sit contrarium Christianæ professioni officium istud Mandarinum seu Præsidis Mathematices & Astrologiæ, quod tamen usque ad mortem gessit Pater Adamus Schaal, quem hoc loco Scriptor Societatis columnam & magnum decus Sinicæ Missionis appellat; ei autem successit Pater Verbiest, huic

verò Pater Grimaldi qui hodiedum munere illo in Aula Pekinensi fungitur. Certè ipsimet Missionarii Societatis in Conventu Kiatinensi anno 1628. antequam de hoc casu supremum Collegii Romani oraculum consulissent, Calendaria illa, quæ singulis annis à Prælide Mathematices publicantur, & in quibus notantur dies fasti & nefasti, tanquam superstitionis plena reprobarunt. De hoc sic quærent Art. 27. *An possit promulgari Calendarium Sinense ut moris est hocce tempore: constat in eo contineri gravissimos errores & superstitiones, quibus plerique Gentiles abutuntur, unde patet quid respondendum sit. Itaque respondetur: multi errores in Calendario continentur, ideoque non potest sine peccato promulgari.* Deinde Art. 28. ad quæstionem, an Præses Mathematices admitti ad baptismum posset, sic respondent: *Non potest ad baptismum admitti in Sina Mathematicorum caput, eo quod inter alia multa supersticiosa, ipsi ex officio incumbit faustos, infaustosve dies seligere &c. & ad superstitionem Sinas inducere, eisque suadere ut ex certis regulis actiones humanas dirigant.*

127. De ejusmodi Sinarum superstitionibus Pater Nicolaus Trigautius sic scribit Lib. 1. Christianæ Expeditionis Cap. 9. *Nullus toto Regno supersticiosus ritus ita latè pervasit, sicut is qui in observandis diebus horisve fastis nefastisque versatur, ut ad temporum normam negotia sua omnia moderentur. In eum finem duplex fastorum index quotannis excuditur ab Regiis Astrologis, auctoritate publica conscriptus. De hoc agit idem Trigautius in annuis literis rerum Sinicarum titulo;*  
De



*De quibusdam aliis quæ in Calendario Sinico reperiuntur.*

128. Idem testatur Pater Semedus Part. 1. Cap. 19. *Superstitionibus*, inquit *non parvam dat occasionem Mathematicus Regius: Is enim ex aëris impressionibus, coloribus solis &c. prognostica edit. . . . In hunc finem totius anni Almanacum construit, annum mensivis lunis dividens, lunæ verò cursum in singulos dies distribuens, quos accuratè numerat, & faustos infaustosve declarat, ad quamlibet rem vel incipiendam vel relinquentiam.*

129. Hinc Pater Joannes Polancus Missionarius Ordinis Prædicatorum inter varia quæsitæ exhibita S. Congregationi Sancti Officii anno 1669. post explicatum ac distinctè propositum hunc casum, quæsit utrum alicui Christianorum liceat præfati Consilii Mathematices seu Astrologiæ præfecturam, aut Senatoris officium gerere, prædictum prognosticon seu lunarium cum aliis ejusdem Collegii quotannis ordinare, impressionem aut usum præcipere, subscriptionem ac sigillum in fidem apponere &c. An verò teneatur potius officium Præsidis aut Senatoris dicti Collegii, etiam à Rege oblatum aut præceptum recusare: cui quæsito Reverendissimus Pater Laurentius Brancatus de Lauræa, & Reverendissimus Joannes Bona Sacræ Congregationis Sancti Officii Consultores delegati sic responderunt: *De Mathematicorum Collegio &c. Dicimus non licere Christiano Præsidis seu Senatoris officium in eo tenere, si superstitiosa illa Edicta, lunaria aut prognostica debeat ex munere subscribere, vel suo sigillo roborare, & multominus auctoritate sua illa*  
H 5 edere,

*edere, sed potius debet Magistratum dimittere, neque potest approbare, aut concurrere ad ea facienda.*

130. E re Christiana videtur esse, ut hæc duorum Consultorum responsio publico Decreto confirmetur, atque auctoritate Sedis Apostolicæ ex Missione Sinica ejusmodi scandalum auferatur.

*Scriptor Societatis.*

131. Hodiernus Imperator jam ex tunc benè affectus erat erga nostros Missionarios, ob ea quæ acceperat à Patre suo, qui Patris Adami Schaal in Mathematicis & in fide etiam media ex parte discipulus fuerat. Ibid.

*Adnotatio.*

132. Ea de re Illustrissimus Navarretta oculatus & auritus testis sic loquitur Tom. 2. Tract. 1. pag. 63. Col. 2. *Certa res est & nota Jesuitis in China, quod ipsi sæpè coram me aliis narraverunt, Imperatoris benevolentiam erga Patrem Adamum, non aliam fuisse, quam velut erga bonum senem, rerum curiosarum peritum, neque ultra progressam fuisse: idque reipsa patuit: nam duobus ante obitum annis Imperator Bonzis adhaesit, totoque hoc tempore Patris Adami oblitus est, neque Pater Adamus eum amplius invisit. . . . Scimus quoque quod per duos illos annos Bonzii varios Libellos Supplices contra Legem Dei obtulerunt, qui mortuo demum Imperatore in lucem prodierunt; & consentiunt omnes Patres, quod si ille diutius vixisset, sine dubio Legem Dei omnino erat in China prohibiturus . . . . . Sententiam refero omnium Missionariorum*

*riorum Societatis , excepto Auctore Relationis*  
[ Patre Intorcetta ].

*Scriptor Societatis.*

133. Tota hæc narratio , quæ est nota & à nullo in dubium revocatur , sola sufficeret ad judicandum an scriptum Imperiale cum his vocibus *Kingtien* fuerit publica professio atheismi , & Imperatoris artificium , ut nostros Missionarios sectæ suæ implicaret & errorum suorum participes redderet , quemadmodum ait Dominus Char-mot. No. 12.

*Adnotatio.*

134. Hæc mihi , solito suo more , affingit Scriptor. Nusquam hæc de Imperatore *Cambi* scripsi. Quam ob causam Tabellam illam propria manu inscriptam Jesuitis dederit , haud facile est dijudicare. Benevolo id animo erga viros Mathematices aliarumque scientiarum peritos , fecisse malim credere , atque eo etiam consilio , ut hoc veluti regii patrocinii signo Pekinenses Jesuitæ adversus recentia Edicta & adversantium Mandarinorum injurias tuti essent. At nequaquam eis præcepit , ut Tabellam illam in Ecclesia sua & super Altare collocarent ; neque etiam eis auctor fuit , ut alias similes Tabellas fabricarent , & ad omnes per Imperium Missionarios Societatis mitterent. Id propria sponte fecerunt ad captandam Imperatoris gratiam verba ejus scripti , quæ juxta doctrinam & sensum Literariæ sectæ atheismum & idololatriam sonant , per adulationem in alienum , idest , Christianum sensum detorquentes : quapropter ejusmodi Tabellas in Ecclesiis collocando , se ipsos , licet imprudentes ,

dentes, atheismi & idololatriæ quodammodo participes fecerunt.

*Scriptor Societatis.*

135. Ex dictis superiore capitulo colligitur vocem istam *Tien* in China apud ipsos Gentiles multa & diversa significatione, hoc nomine signanter exprimentes, præter cælum materiale, etiam materiam primam, aërem, influxus. No. 13.

*Adnotatio.*

136. Si, fatente ipso Scriptore Societatis vox *Tien* tot & tam varia apud Sinas Gentiles significat, quis non miretur eum tanquam pro aris & focis decertare, ut ad significandum Deum adhibeatur, etiam postquam communi consensu nomen *Tienchu* ea significatione, sine ullo ambigui periculo, ab omnibus admissum est?

*Scriptor Societatis.*

137. Denique probatum est qualiscunque sit usus illius vocis (*Tien*) apud Gentiles, certum tamen esse quod omnes illam legitimo sensu intelligunt, cum à Christianis adhibetur ad significandum verum Deum. Ibid.

*Adnotatio.*

138. Illud ipsum est quod tanquam grave incommodum fugiendum videtur, ne scilicet verbo admodum ambiguo utantur Christiani ad significandum Deum, cum aliud præsto est ab omnibus jam receptum quod simili vitio non laborat.

*Scriptor Societatis.*

139. Quis ex Gentilibus aut Christianis Ecclesias nostras ingressus, & literis cubitalibus scriptum legens, *cælum colito*, propè imaginem crucifixi, quæ à Christianis potissimum adoratur: Quis, inquam, eorum sibi persuadeat Christianos cælum

lum materiale, unà cum secta Literatorum adorare? Ibid.

*Adnotatio.*

140. Primum gratis Scriptor imaginem crucifixi commemorat: nunquam enim probabit in Sinensibus Patrum Societatis Ecclesiis reperiri Christi Domini cruci affixi imaginem. Eum ut plurimum sub forma Salvatoris, orbis globum in manu tenentis depingunt. Deinde scriptum illud *Kingtien* non ad latus imaginis Salvatoris, sed supra collocatum est; unde Gentiles Sinæ de mysterio Incarnationis & divinitate Christi nihil aut parum edocti, facile sibi persuadebunt *Tien*, id est cælum longè Christo anteponendum. Denique Mandarinis & Literati, qui post lectum in foribus Ecclesiæ nomen *Tienchu*, in Altari supra effigiem Salvatoris, hæc verba *Kingtien* cubitalibus literis scripta legunt; quid aliud cogitare possunt, quam *Tienchu*, alium esse à *Tien*, atque adeò Christianos accessisse ad sententiam Literatorum, qui *Tien*, id est, cælum materiale rerum omnium principium esse putant?

*Scriptor Societatis.*

141. Deus ipse iussit (Hebræis) duas imagines Cherubin aureas fundere, quas ad utrumque latus Aræ ponerent, ut habetur Exod. cap. 25. hîc cessabat antiqua (imaginum) prohibitio, quia nullum ibi idololatriæ periculum erga illa simulachra, quasi Dii essent, utpote quæ viscebantur in templo collocata, solummodo vel tanquam ornamentum ad decorem, vel ut scabellum ad sustentandam Arcam. Id ipsum planè dicendum de Tabellis istis in Ecclesiis Christianorum collocatis, ubi solum ad tutelam Legis nostræ, & ad  
ob-

obsequium Dei, quem ibi adoramus, conferunt. Ibid.

*Adnotatio.*

142. Hanc Tabellarum *Kingtien* cum duobus Arcæ Cherubinis comparationem ineptam atque impiam appellare non debito. Omitto duos Cherubinos ad latus Arcæ positos eamque alis suis tegentes, malè scabellum ejus dici. Arca quidem figuratè dicitur scabellum pedum Dei 1. Paralip. 28. v. 2. quod indè promississet Deus se Israelitis locuturum: *Inde*, inquit Deus Moyfi, *precipiam & loquar ad te supra propitiatorium ac de medio duorum Cherubin qui erunt super Arcam testimonii, cuncta quæ mandabo per te filiis Israel.* Exod. 25. v. 22. At Cherubin esse scabellum Arcæ nemo unquam dixit. Sed hæc leviora sunt. Gravius est ut scriptum Regis infidelis & pagani, in quo leguntur verba atheistica & idololatrica, cum mysticis & sacro-sanctis Arcæ figuris jussu Dei fabricatis, comparetur. Quam à pietate aliena sit hæc similitudo non satis attendit Scriptor; unde ob solam imprudentiam blasphemiae notam effugere potest.

143. Sanè ut verba illa, *cælum colito*, excluso sensu atheistico & idololatrico Deum verum & vivum significarent, non satis foret ut Imperator Tabellam Jesuitis tradens, sic ea se intelligere declarasset; quod tamen nequaquam fecit, ut ipsimet Jesuitæ fatentur; sed vel eam explicationem in ipsamet Tabella ponere debuisset, vel publico Edicto illam declarare, quod ab eo Pater Verbiest circa vocem *Xangti*, ut eâ Christiani liberè uterentur, postulavit, ut narrat Pater *Le Comte* in Commentariis Gallicis Tom. 2. Epist. 10. Alioquin

liquoque si quis solis argumentis & conjecturis verba illa de Deo Opt. Max. interpretanda contendat, nunquam efficiet quin Tabella, ut profana & pagana ex Ecclesiis nostris ejicienda sit.

144. Ejus rei experimentum faciant in alma urbe Patres Societatis Tabellam cubitalibus literis inscriptam his verbis: *cælum colito*, in propria Ecclesia supra tabernaculum sanctissimi Sacramenti, ab omnibus adorandam appendant, aut ab aliquo supra Altare Basilicæ Sancti Petri collocari curent. Quamlibet cum eis sponsonem facio, ni Superiorum auctoritate statim Tabella illa tollatur, tradenda etiam forte igni ad comburendum, & ni contra ejus facti auctores, jubente S. Congregatione Sancti Officii, inquiratur: & tamen norunt fideles, tum ex lectione Scripturæ Sacræ, tum usu publico sæpè Deum Opt. Max. nomine cæli significari. Quid ergo dicendum de ejusmodi tabella collocata in Ecclesiis Chinæ, ubi Literaria secta toto Imperio regnans, per cælum nihil aliud intelligit, præter cælum materiale, illud tanquam rerum omnium principium agnoscens?

*Scriptor Societatis.*

145. Nos habemus testimonia fide digna, quæ affirmant Principem illum (*Cambi*) nunc regnantem multam habere intelligentiam, multamque Dei cognitionem; quin etiam aliquam non vulgarem dispositionem ad amplexandam nostram sanctam Legem. No. 15.

*Adnotatio.*

146. Testimonia illa sunt domestica, duorum videlicet, Patrum Societatis, Patris Joachimi *Bouvet*, & Patris Ludovici *Le Comte*, qui ex Aula Pe-

Pekinensi reduces, hæc de Imperatore *Cambi* narrant. Sed cum hæctenus nullus Missionarius, præter Jesuitas Pekini resideat, multumque eorum intersit navatam ibi pro religione operam suam venditare, æquo animo patiantur nos ejusmodi testimoniis plenam fidem non adhibere.

*Scriptor Societatis.*

147. Omnibus notum est Ediçtum Cyri Persarum Regis in favorem Hebræorum tunc in Babylonia exulum: *Hæc dicit Cyrus Rex Persarum: omnia regna terræ dedit mihi Dominus Deus cæli.* No. 18.

*Adnotatio.*

148. Nihil scriptorem juvat hoc exemplum, sed potius in eum retorquetur. Clara & aperta erant verba Cyri, nullique dubium quin per Dominum cæli intelligeret Deum Hebræorum, cujus Templum Hierosolymis reædificari jubebat. Si quidem hoc nomen *Deus cæli*, quod antea vix in Sacra Scriptura reperias, post captivitatem Babyloniam usurpari cœpit apud Babylonios aliosque Gentiles populos, ad significandum Deum Opt. Max. loco nominis *Jehova* aliorumque nominum linguæ sanctæ, quam non noverant, vel pronuntiare non poterant. Id pateat ex Libris Esdræ, Tobie & Danielis, ubi sæpè Dei cæli nomine Deus Opt. Max. appellatur, ut à cæteris qui Dii dicuntur, & non sunt, distinguatur. At secus res se habet in nostro casu. Nam vox *Tien* non solum ambigua est, verum etiam publico Sinenfium usu nequaquam Deum verum & vivum, sed cælum materiale significat.

*Scriptor Societatis.*

149. Dominus Charmot ū ibi præfens fuisset,  
cum



[cum Alexander Magnus Hierosolymam ingressus est], forsan iudicasset Alexandrum sub sacro nomine *Jehova* adorasse falsum Jovem, cujus se filium habere cupiebat. No. 19.

*Adnotatio.*

150. Jocosa hæc dicta neque causæ neque personis congruant, præsertim cum sint etiam falsa. Quid enim commune inter Alexandrum Hierosolimis nomen tetragrammaton *Jehova*, supra frontem occurrentis ei Pontificis Maximi adorantem, & Imperatorem *Cambi* Tabellam cum his vocibus; *celum colito*, Jesuitis Pekinensibus in familiari congressu, tanquam suis in Astrologia Magistris donantem?

*Scriptor Societatis.*

151. Posito itaque quod totum illud esset verum (Imperatorem *Cambi* nullam habere religionem), cur recusandum fuisset donum quo Patres nostros muneratus est, quandoquidem nihil attendendo ad impietatem & idololatriam, hac sua actione ostendebat se, saltem extrinsecus, Deum, quem adorant Christiani, venerari velle. No. 21.

*Adnotatio.*

152. Gratis supponit quod in questione versatur, videlicet Tabellam illam ab Imperatore *Cambi* in signum venerationis erga Deum Christianorum Jesuitis donatam fuisse. Deinde nemini in mentem venit eos culpæ quod datam ab Imperatore Tabellam acceperint, sed quod in Ecclesia, & super Altare ab omnibus venerandam collocarint.

*Scriptor Societatis.*

153. Est Romæ vir in dignitate constitutus qui recens ex illis partibus advenit. Hic testificatur Imperatorem Chinæ iter habentem, quotiescumque transit per loca, in quibus sint Christianorum Ecclesiæ, duos ex primariis Mandarinis sui comitatus mittere, qui in eis nomine suo salutaris venerationes & orationes peragant. No. 22.

*Adnotatio.*

154. Narrat quidem Reverendissimus Aleonessa semel Imperatorem *Cambi*, cum Nankini coram Ecclesia Patrum Societatis transiret, adstantibus in porta iisdem Patribus, Ecclesiam ingressum fuisse: sed quod id frequenter faciat, vel quod primos ex comitatu suo Mandarinos mittere soleat in Christianorum Ecclesiis nomine suo salutaris venerationes & orationes peracturos non dicit Reverendissimus Aleonessa; neque Jesuitis, si id dicant, facile credendum videtur.

*Scriptor Societatis.*

155. Si scripsisset (Imperator) *King Xangti*, vel *King Tienchu*, ista etiam verba æquè accipi poterant in sensu idololatræ. Ibid.

*Adnotatio.*

156. Ex duobus verbis *Tien* & *Xangti* apud Literatos receptis, prius magis suspectum est, minusque aptum ad significandum verum Deum, quam posterius. *Tien* enim propriè apud eos significat ipsum cælum visibile & materiale; *Xangti* verò spiritum *cæli*, qui etsi Literatorum à multis saltem sæculis, sensu, nihil aliud sit, quam virtus efficiens, ipsi cælo indita, facilius tamen ad significandum Deum verum & vivum torqueri posset.

posset. Itaque Tabella inscripta his vocibus *Kingtien*, longè peior est quam si inscripta fuisset hoc modo: *King Xangti*. At si placuisset Imperatori ponere: *Kingtienchu*, cum hæc vox *Tienchu* publico jam usu Deum Christianorum significet, facilè omnes intellexissent eum veritatem Christianæ religionis agnoscere, & forte de suscipiendo baptismo cogitare. At quia longè adhuc abest à regno Dei, non vocem *Tienchu*, sed vocem *Tien* adhibuit. Id etiam patet ex Edicto quod duobus circiter post annis in favorem Christianæ religionis publicavit, ubi loquens de Deo Christianorum non vocem *Tien* aut *Xangti*, sed vocem *Tienchu* adhibuit, ut jam supra notatum est, quia hoc loco clarè & disertè Deum Christianorum indicare volebat.

*Scriptor Societatis.*

157. Qualiscumque fuerit intus mens Imperatoris hodierni, & qualiscumque sit ejus de Deo opinio, saltem circumstantiæ, in quibus præfatas voces scripsit, easque in manibus Patrum nostrorum tanquam insigne pignus sui erga illos amoris reliquit, aperitè omnibus declarant, non eo consilio illum id fecisse, ut illos ad adorandum cælum materiale invitaret. No. 24.

*Adnotatio.*

158. In hoc graviter labitur scriptor, quod existimet ad purgandas has voces, *cælum colito*, omni superstitione & idololatria, satis fuisse, ut Imperator illas apud se recto sensu & ad doctrinam Christianam accommodato intellexerit. De hoc videbis notata supra No. 143.

*Scriptor Societatis.*

159. Ante illud Edictum excusari faciliùs poterat

terat quisquis aut aliquo scrupulo angebatur, aut aliquam difficultatem movebat adversus scriptum Imperatoris cum vocibus *Kingtien*, sed post illud Imperiale Edictum, si quid erat nebulosæ caliginis, quod verum illarum vocum sensum obscuraret, totum jam evanuit. No. 25.

*Adnotatio.*

160. Cum in Edicto Deus Christianorum *Tienchu*, non *Tien* appelletur, Tabellarum *Kingtien* difficultas non tollitur per Edictum, sed potius augetur. Non enim attendendum quid forte Imperator in scribendo voces illas in mente habuerit, sed quid communi usu apud Literatos totamque nationem Sinarum significant.

*Scriptor Societatis.*

161. Nos respondemus scrupulos istos non ortos esse in China, sed extra illam, & excitatos esse ab hominibus linguæ ac morum Sinensium parum peritis. No. 27.

*Adnotatio.*

162. Scriptor his verbis obliquè significat primos reprehensores Tabellarum *Kingtien* fuisse Patres Dominicanos Philippinarum, qui Missionariis sui Ordinis eorum usum interdixerunt. Frustra autem ait eos linguæ & morum Sinensium parum peritos fuisse, cum Philippinas inter Insulas & Chinam frequens sit commercium, & Manilæ amplius sit vicus Sinensium Mercatorum, quibus instruendis semper unus ex Patribus Dominicanis destinatur. Deinde falsò supponit magnam linguæ ac morum Sinensium peritiâ requiri, ut quis agnoscat tabellas de quibus agitur, rejiciendas esse, cum id cuivis promptum sit judicare, modò significationem vocis *Tien* apud Sinas Li-  
tera-

teratos attendat, & sano ac libero judicio de hac quæstione decernat.

*Scriptor Societatis.*

163. Saltem constat cunctos, aut quasi cunctos Missionarios aliorum Ordinum initio tabellas illas admisisse, & in Ecclesiis suis reposuisse N<sup>o</sup>. 27.

*Adnotatio.*

164. Quàm hoc sit à vero alienum jam dixi supra N<sup>o</sup>. 121.

*Scriptor Societatis.*

165. An autem Tabellæ istæ religioni utiles & opportunæ fuerint, eventus demonstravit, quandoquidem illarum auctoritate cœpit, magna cum libertate per universam Chinam celebrari prædicatio Evangelii, quantumvis adhuc vigerent Imperialia Edicta, eam severè prohibentia. Quantum verò damnum & detrimentum, imo quanta labe toti Missioni Sinensi impenderet, si omnino prohiberentur prædictæ Tabellæ, & ex omnibus Christianorum Ecclesiis tollerentur &c. N<sup>o</sup>. 28.

*Adnotatio.*

166. In rebus ad religionem spectantibus, & ubi de præceptis divinis agitur, non quid utile & commodum, aut quid è contra damnosum esse possit, attendi debet. Si verba Tabellis inscripta atheismum & idololatriam sapiunt, eas in Ec-

celiis & supra Altare collocare fas non est, tamen inde totius Missionis salus & prosperitas spectaretur: non enim facienda mala, ut veniant bona. Neque etiam ubi semel easdem Tabellas atheismo & idololatria infectas esse concesseris, metus aut periculum impendentis persecutionis impedire potest, quominus ex Ecclesiis ubi repositæ sunt, ejiciantur. Quis enim non videt, si horum ratio habita esset, vix unquam futuras fuisse persecutiones quibus Christiana fides primis sæculis mirum in modum propagata est, cum sanguis Martyrum fieret semen Christianorum?

167. Valdè cavendum nobis est, ne in perficiendo opere Dei prudentiam carnis, quam mortem appellat Apostolus, potius quam prudentiam spiritus sequamur. Sublatæ sunt jam ejusmodi Tabellæ ex multis Ecclesiis sine ullo strepitu aut incommodo, idque etiam in primariis urbibus, qualis est *Nangansû*, quæ est inter civitates primi ordinis, ut supra observatum est: quidni igitur idem etiam sperari possit de Ecclesiis Pekinensibus Patrum Societatis, præsertim cum tanta gratia polleant apud Imperatorem, quem etiam ut singularem prudentiam, humanitatem ac solertiam præditum nobis exhibent: unde confidendum fore ut, Deo cor ejus movente, hanc Tabellarum suppressionem æqui bonique consulat, & inde Christianæ religionis puritatem, quæ nulla se superstitionis & idololatriæ labe contaminari patiatur, magis magisque agnoscat & admiretur. Sed ponamus

namus hanc Tabellarum suppressionem valdè illi displicituram, atque inde non parvum detrimentum rem Christianam esse passuram; an idcirco admittenda erit idololatria; & quod tanquam malum ex cæteris Chinæ Ecclesiis exterminandum judicatur, in urbe Pekini, ob gratiam Imperatoris conservandam, tolerandum erit? Quàm hæc parum sibi cohæreant, & à Christiana pietate ac prudentia aliena sint, nemo non videt.



E X

## QUARTO SCRIPTO

CUI TITULUS:

Breve ristretto delle Notizie già dedotte circa l'uso delle Tabbelle colle parole : *King-tien, cœlum colito.*

*Scriptor Societatis.*

168. **N**on solum à Patribus Societatis verum etiam à Missionariis aliorum Ordinum religiosorum, & speciatim à Patre Fratris Gregorio Lopez Dominicano publicè in eorum Ecclesiis appensæ fuerunt. §. *L'Imperatore.*

*Adnotatio.*

169. Omnes illi Ordines religiosi, ad duos, videlicet Prædicatorum & Minorum, & omnes Missionarii ad tres aut quatuor rediguntur, unum videlicet ex Ordine Minorum nomine Patrem Petrum de Pinuela, & duos forsitan ex Ordine Prædicatorum, qui omnes infœcis & inconsultis Superioribus suis id fecerunt, ut jam supra observatum est No. 121. De Patre Gregorio Lopez qui anno 1675. quo factæ sunt prædictæ Tabbellæ,



bellæ, Episcopus Basilitanus jam erat ordinatus, an eas in Ecclesiis suis appenderit mihi incertum est; de hoc interrogari posset Reverendissimus Aleonessa. Cæterum quàm fuerit Patribus Societatis variis de causis obnoxius jam observavi in Notis meis Sect. 1. Art. 7. No. 79. & seqq.

*Scriptor Societatis.*

170. Tabellæ illæ per annos duodecim in omnibus fere Ecclesiis & à cunctis Missionariis sine ullo scrupulo ullave contradictione publicè habitæ sunt. Ibid.

*Adnotatio.*

171. Longum illud annorum spatium valdè mihi suspectum est, vel potius omnino falsum videtur. Ubi enim primùm Provincialis aliquæ Superiores Ordinis Prædicatorum in Philippinis rescierunt duos aut tres Missionarios Dominicanos Tabellas illas in Ecclesiis suis appendisse, statim mandaverunt ut eas tollerent. De Patre de Pinuela Franciscano, certus sum quod ejus Ecclesia in urbe *Nanghanfù*, paucis ante publicatum Reverendissimæ Domini Maigrot Mandatum erecta fuit, neque etiam altera ejus Ecclesia loci *Changlo* valdè antiqua erat.

*Scriptor Societatis.*

172. Donec contra illas (Tabellas) classicum cecinit quidam Pater Frater *Luxan* &c. Ibid.

*Adnotatio.*

173. Quæcumque hîc ex Relatione Patris Adriani *Grellin* Jesuitæ de Patre *Luxan* Dominicano referuntur, parvam fidem apud me habent, qui

qui probè norim quàm credulus & facilis ad tendendas de aliis historias fuerit bonus ille Pater *Grellon*, quod multis exemplis confirmare possem. Patrem *Luxan* quod attinet, eum in Metropoli Fokiensi vidi, & tum à nostris Missionariis, tum à Patre Emmanuele *Trigueros* Dominicano, illum Sinenses literas callere audiui. Missionem autem Sinicam, aut tædio victus, aut à Superioribus revocatus deseruisse gratis hîc dicitur, cum altera vice, quando illum vidi, jam in Chinam venisset, ubi eum adhuc degere puto.

*Scriptor Societatis.*

174. Patri Fratri *Luxan* adjunxit se quidam Pater Frater Lucas *Thomas* diversi Ordinis, sed æque novus in China, & linguæ ac literarum Sinenſium rudis, qui tabellas illas statim ut idololatricas habens, non solum eas ex locis ubi collocatæ erant, sustulit, sed publicè in frustra comminuit.

*Aduotatio.*

175. De Patre Luca *Thomas* Franciscano actum est in Brevibus Notationibus N<sup>o</sup>. 114. In sua ad Reverendissimum Dominum Maigrot epistolâ non ait se Tabellas *Kingtien* publicè in frustra comminuisse, sed tantum ex Ecclesia sustulisse, nullo prorsus contradicente, imo tali executioni suffragantibus cunctis. Cæterum si in frustra publicè comminuit, inde probaretur multo facilius ex aliis Ecclesiis sine ullo tumultus aut persecutionis periculo, tolli posse.

*Scriptor*

*Scriptor Societatis.*

176. Origenis est doctrina, Deum apud quamlibet nationem appellari posse nomine appellativo, quod ens aliquod supremum & excellentissimum significet. Tale autem esse nomen *Tien*, dubium non est nequidem ipsismet Sinis atheistis, qui hoc nomine (præterquam quod Deum significet) nunc cælum materiale, nunc cœli influxus, nunc cujusque hominis intellectum & rationem significant. §. *Mà quando.*

*Adnotatio.*

177. Sententiam Origenis pessimè interpretatur Scriptor, ut ostendi supra No. 79. malè omnino appellativum nomen confundit, cum nomine generali seu potius ambiguo, quod res multas etiam planè diversas significat, quale est, inquit Grammatici, nomen Taurus, quo eodem bos masculus, & mons Asiæ, tametsi res diversissimæ significantur. Hujusmodi est vocabulum *Tien* apud Sinas, teste ipsomet Scriptore hoc loco. Unde nequaquam apud illos appellativum supremi Entis nomen dici potest, quale est *Θεός* apud Græcos, *Deus* apud Latinos. Imo nullum propriè appellativum Dei nomen habuere Sinæ, ex quo in atheismi & idololatriæ barathrum delapsi sunt, unde necesse fuit ut à Missionariis adoptaretur nomen *Tienchu*, ut jam antea observavi No. 81.

*Scriptor Societatis.*

178. Prima circumstantia est causa ob quam Impe-

Imperator hæc verba scripsit, quæ quidem fuit ut publicè velut titulus Ecclesiæ nostræ affigerentur. Id testatur in scriptura propria manu subscripta, quam penes nos habemus, Pater Ferdinandus *Verbieft*, dilectissimus Magister supradicti Imperatoris, qui præsens adfuit, quando ab Imperatore scripta sunt verba illa; *coram Patribus Pekinensibus*, inquit, *sumpto penicillo charactere Sinico*, eoque *maximo titulum propria manu conscripsit templo nostro affigendum*, quem die sequenti regio sigillo impresso ad nos mitti curavit &c. §. La prima.

*Adnotatio.*

179. Verba ista Patris *Verbieft*; *templo nostro affigendum*, sunt ambigua, videnturque solum significare Tabellam illam in Ecclesia Missionariorum Societatis supra altare collocatam fuisse, non verò quod id voluerit aut jusserit Imperator.

*Scriptor Societatis.*

180. Titulus intra Ecclesiam positus illud ipsum significarat, quod significat titulus qui extra visitur, in quo legebatur & adhuc legitur: *Templum cæli Domino*. Ibid.

*Adnotatio.*

181. Titulus Ecclesiarum præ foribus scriptus est: *Tienchu tang*, *Templum Domini cæli*: verba autem Tabellæ de qua agitur, sunt *Kingtien*, *cælum colito*. Quantum autem *Tien* & *Tienchu* significatione differant, maximè postquam posterius hoc verbum ad significandum Deum Opt. Max.

à Christianis adoptatum est, jam sæpè adnotavi.

*Scriptor Societatis.*

182. Horum omnium boni sunt testes & Iudices ipsimet Sinæ infideles, qui Ecclesias nostras intrando & hanc inscriptionem supra portam legendo, *cælum colito*, non foras exeunt in apicem ut cælum materiale adorent, neque ad eandem portam se convertunt suas genuflexiones facturi, sed ab ea averſi caput usque ad terram inclinant coram imagine Christi; quod evidens est signum & argumentum, verba illa eo loco posita ipsis non indicare cælum materiale, sed Deum verum quem adoramus & prædicamus. §. *La Terza.*

*Adnotatio.*

183. Perplexæ & confusæ scriptoris oratio. Quid sibi vult cum hac supra portam Ecclesiarum inscriptione: *cælum colito*? Non hæc reperitur præ foribus Ecclesiarum in China, sed *Tienchtang, Templum Domini cæli*. Tabellæ autem his verbis inscriptæ: *cælum colito* in Ecclesiis Patrum Societatis supra altare & juxta imaginem Christi collocatæ sunt, ut ipsemet Scriptor sæpè observat, ut inde inferat eas omni periculo idolatriæ vacare, cum ex vicina Christi imagine ad significandum verum Deum determinentur. Quid autem nobis narrat de Sinis Gentilibus ad Ecclesiæ portam minimè revertentibus, neque etiam extra exeuntibus, ut cælum materiale adorent, sed caput usque ad terram coram imagine Christi inclinantibus; quasi verò cælum coram

Ta-

Tabella *Kingtien* colere non possint, nisi in apri-  
co posita sit, unde cœlum ipsum intueantur; aut  
quasi soliti essent Christi Domini imaginem, de-  
misso usque ad terram capite, adorare, quando  
Ecclesias nostras intrant. De his interroget Re-  
verendissimum Aleonessa, & ab eo discet p̄cios-  
que Sinas Gentiles, solâ curiositate adductos,  
Ecclesias nostras intrare, & cū eis ostenditur  
imago Christi, eumque audiunt esse Dominum  
& Salvatorem nostrum, quosdam solere inclina-  
to capite eam salutare, sed nequaquam prono in  
terram corpore solum fronte percutiunt, prout  
in Templis, aut Pagodis suis coram Tabellis  
Confucii & mortuorum, vel coram idolis facere  
confueverunt.

*Scriptor Societatis.*

184. Cum fundamento credim⁹ cum (Impe-  
ratorem *Cambi*) non esse atheum neque idolo-  
latram; sed habere notitiā veri Dei. De quo  
plura habemus argumenta, ac præterea virorum  
gravium ac fide dignorum testimonium juramen-  
to confirmatum . . . . . Quod si in aliis occasio-  
nibus aliqua signa dedit aut etiamnum dat in fa-  
vorem sectæ idololatrarum, aut cultorum cœli  
materialis, id tantum probat, eum nondum esse  
perfectum Christianum, sed Semichristianum,  
neque adhuc in hac bona fide & persuasione fir-  
mum & assuetum consistere. §. *La Quin-  
ta.*

*Ad.*

*Adnotatio.*

185. Quam fidem mereatur duorum aut trium Patrum Societatis in propria causa testimonium, jam supra observavi. Adjunctum ab uno eorum jusjurandum parum curabit, quisquis communem in eorum scholis doctrinam de licito usu ambigui sermonis & restrictionum mentalium attenderit. Sed ponamus Imperatorem *Cambi* aliquam habere veri Dei notitiam, numquid ea cognitio sufficit, ut dicatur nondum quidem perfectus Christianus; at saltem Semichristianus?

186. Plures ex antiquis Philosophis Deum verum cognoverunt, quia quod notum est Dei manifestum illis erat, ut loquitur Apostolus; qui tamen, ut statim addit idem Apostolus, cum Deum cognovissent, non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum. Rom. 1. v. 21. Quin & Platonici, licet de uno vero Deo benè senserint, multis tamen Diis, sicut & ipse Plato, sacra facienda putaverunt, ut ait S. August. Lib. 8. de civitate Dei cap. 12. Num hos omnes Christianos, licet imperfectos, quis dixerit? Sanè potiori adhuc titulo Semichristiani essent Judæi & Mahometani qui unum verum Deum ita colunt, ut à cultu falsorum Deorum omnino abhorreant. Nemo nequidem ex aliqua parte dicendus est Christianus, nisi qui uni Deo vero & vivo per fidem Jesu Christi servire instituit. Semichristianos, vel potius Semipaganos veriùs quis dixerit

rit Neophytos Patrum Societatis, qui cum unius Dei veri & vivi ac Jesu Christi Salvatoris nostri cultu supersticiosum atque idololatricum Confucii Philosophi ac mortuorum parentum cultum conjungunt.

*Scriptor Societatis.*

187. Idem Imperator anno 1696. Patribus nostris amplum locum intra palatii sui Pekinensis ambitum concessit, ut in eo magnificum vero Deo templum construatur.

*Adnotatio.*

188. Pater *Bouvet* ejusque socii rem, prout ipsis libet, narrant & amplificanti. De construendo magnifico Templo nihil hactenus ab aliis auditum. Porro notandum Pekinense palatium instar amplæ civitatis, triplici murorum septo distinctam esse. Intra primi septi ambitum Imperator Jesuitis Gallis ædes contrui jussit; id autem sic contigit, uti audiui ab ipsomet Patre *Bouvet*, & didici literis ejusdem Patris *Bouvet* & Patris *Gerbillon* Pekino scriptis ad Patrem *Fontenay* tunc Cantoni degentem, qui nobiscum eas communicabat. Eo tempore Pater *Fontenay* unâ cum Patre *Visdelon* apud nos Cantoni versabatur, cum eos Jesuitæ Lusitani apud se hospitio excipere noluisent. Quod quidem dissidium Jesuitas inter Gallos & Lusitanos adhuc magis Pekini vigeat, Patre *Perreira* Viceprovinciali aliisque Jesuitis Lusitanis ægrè ferentibus Patrem *Gerbillon* & Patrem *Bouvet* ob Mathematicen aliasque scientias apud Imperatorem gratia prævalere.



lere. Itaque hi, ut novo se præsidio munirent, suaserunt Imperatori, ut Patres *Fontenay & Vifdelon* Cantone arcefferet, quibus aliud à domo Patrum Lusitanorum hospitium paraverunt. Pekinum advenientibus Pater *Perreira* Viceprovincialis occurrit, & ut apud se diversarentur invitavit. At illi ad paratum sibi à Patribus *Gerbillon & Bouvet* hospitium diverterunt; quod ita ægrè tulit Pater Viceprovincialis, ut contra eos censuris agere cœperit, ac tandem renuentes ejus jussis obtemperare, excommunicarit, quæ res ad Principum Aulæ Pekinensis ipsiusque Imperatoris aures non sine gravi scandalo pervenit. Contigit autem, ut eodem tempore Imperator gravi morbo decumberet, datisque opportunè ab iisdem Patribus Jesuitis remediis ac medicinis convaluerit, ita ut eorundem Patrum beneficio se vivere publicè dixerit: unde eis intra palatii ambitum domum parari jussit.

189. Hæc autem Jesuitarum inter se dissensio ac discordia, magno infidelium scandalo, & totius Missionis damno, hucusque durat; tamen excommunicatio lata à Patre *Perreira* Viceprovinciali revocata sit à Reverendissimo Aleonessa tanquam Vicario & Delegato Apostolico, de quo ipse interrogari potest. Ejusmodi verò dissensiones & pugnas animadvertens Imperator inter Jesuitas Lusitanos & Gallos Pekini degentes Aulicis suis ac Ministris dixit, se jam videre quod Missionarii in Chinam non solo religionis propagandæ zelo adveniant, quodque Religio Christiana à Bonziorum Religione non mul-

K

tum


# 146 HISTORIA CULTUS

tum differat , cum utrique religionis specie sua  
quærant commoda. Hæc ita referuntur in au-  
tenticis documentis quæ penes me habeo , &  
quæ , si jusserit Sacra Congregatio , paratus sum  
exhibere.

F I N I S.



EPI-



EPISTOLA  
DD. SUPERIORIS  
ET  
DIRECTORUM

SEMINARII PARISIEN-  
SIS MISSIONUM

Pro conversione Gentium.

*Ad Eminentissimos Cardinales S. Congregationis  
Sancti Officii.*

Eminentissimi Patres.

**A**Udimus undique vehementerque dole-  
mus omnes Romæ moveri machinas, no-  
vis etiam in dies Principum Regumque  
solicitationibus adhibitis & adhibendis,  
ut inchoati ac penè consummati Sinensium Ri-  
tuum

tuum negotii judicium retardando impediatur.

Humillimè quidem & reverentissimè jam scribere Pontifici Maximo ausi sumus, omnemque in lite tanti momenti dirimenda diligentiam instantissimè poposcimus; sed nisi summa nostra in suam sanctitatem reverentia obstaret, iteratis & frequentibus literis supremum Christi Vicarium urgeremus; abstinemus tamen, ne simus molesti.

Ne quid autem ex parte nostra desideretur, quo res adeò gravis accelerari queat & finiri, ad Eminentias Vestras, ultrò recurrimus, nullo aliunde freti præsidio, non confidentes in filiis hominum, nec sperantes in hujus sæculi Principibus in quibus non est salus; nullum aliud quam Dei Opt. Max. patrocinium apud Eminentias Vestras quærimus, Eminentissimi Patres, ejusque unius nomine Romani Tribunalis æquitatem imploramus, ut factis, de quibus nunc agitur, tam nitidè elucidatis, totque testium & maxime Reverendissimi Episcopi Beritensis calculo comprobatis, nullâ jam dilatione lis protrahatur.

Constat modò de ritibus idololatricis aut superstitionis, tam ex Sinicis ritualibus, quam ex ipsorummet Adversariorum scriptis, in quibus illa non modo non negata sunt, sed potius tanquam innoxia acerrimè propugnata.

Quantumvis verò non ita de apertissimo veneno constaret ut certè liquidò constat, solum idololatriæ & superstitionis periculum sufficeret ad pravos ejusmodi usus decretoriâ sententiâ feri-

rien-

riendos. Immò fœdum inter Evangelicos operarios hac in re schisma in tantum discrimen rem Christianam adducit, ut nunquam sat citò possit extingui, quocumque tandem modo causa finiatur.

Nullâ jam morâ vel levissimâ utendum est, cùm intra proximum Januarii mensem naves Gallicæ soluturæ sint è portu, quæ vestrarum Eminentiarum Decreta, Constitutionesque Apostolicas in Indias citissimè transferant, quæ occasio peropportuna si elabi sinatur, mali quotidie ingravescentis remedium unicum anno integro retardari necesse est.

Agite itaque, Eminentissimi Patres, & pro vestrà sapientiâ, vestroque zelo, tandem aliquando judicate. Non audiant amplius Eminentiae Vestrae vanos & futes procrastinandi prætextus. Insurgant in publicum idololatriæ & schismatis scandalum; utrumque uno ictu confodiant; omnibus Evangelii Præconibus eandem regendis Christi fidelibus normam, legemque communem imponant; æternam illis imperent erga Sanctam Sedem hac in parte obedientiam; æternum ea de re inter se silentium; æternum mutux inter ipsos concordia & charitatis exemplum; æternum denique uni Deo, proscriptâ omni superstitione, latriæ cultum. Ita nempe Innocentii XII. Pontificatus immortalis gloria coronabitur: ita Eminentiarum Vestrarum nomen sæculis retrò universis celebrabitur: ita ex vastissimo Sinarum imperio Ecclesia gloriosa non habens maculam aut rugam exhibebitur: ita denique totus Orbis Christianus, dissipata in partibus Orientis idolola-

triæ nube., nova in posterum etiam apud infideles luce perfundetur. Id unum habent in votis

Eminentissimi Patres

Eminentiarum Vestrarum

Humillimi & obsequentissimi servi Superior & Directores Seminarii Parisiensis pro conversione Gentium. *Tiberge* Superior, *De Brisacier*, *Pocquet*, *Tremblay*, *De Cicé*, *l'Abbé*, *de la Vigne*.

Parisiis die 16. Novemb. 1699.

Oblat. S. Congregationi Sancti Officii die 14. mensis Decemb. 1699.



# I N D E X.

**V**Indiciæ Scriptorum Nicolai Charmot Procuratoris Generalis Reverendissimi Domini Maigrot aliorumque Episcoporum ac Vicariorum Apostolicorum Gallorum Asiæ Orientalis, contra Dilucidationes pro Societate Jesu super rebus & ritibus Sinensibus, idiomatico Italo nuper exhibitas, Oblatæ Sacræ Congregationi Sancti Officii die 2. Septembris 1699.

Pag. 1.

Epistola Præpositi, Directorum aliorumque Missionariorum Seminarii Parisiensis Missionum ad externos, ad Innocentium XII. Summum Pontificem.

59

Expositio Cæremoniarum Sinensium superiori ad summum Pontificem Epistolæ adjuncta.

61

Secundæ Vindicæ Scriptorum Nicolai Charmot, &c. contra varia scripta idiomato Italo à Reverendiss. Pat. Societatis Jesu exhibita circa verbum vocabulorum *Tien*, cælum, & *Xangti*, Supremus Imperator, nec non Tabellarum inscriptarum *Kingtien*, cælum colito: Oblatæ S. Congregationi Sancti Officii die 18. Novembris 1699.

65

Excerpta ex primo scripto Patrum Societatis, cui titulus est; *Notizie intorno all' uso delle voci Cinesi Tien & Xangti*, &c. cum adnotationibus.

72

# I N D E X.

Excerpta ex secundo scripto Patrum Societatis,  
cui titulus: *Ristretto delle Notizie circa l'uso  
della voce Cinese Xangti, che significa Supre-  
mus Imperator, ò verò Alti Dominus, e della  
voce Tien, che significa cœlum, cum adnota-  
tionibus.* 105

Excerpta ex tertio scripto Patrum Societatis cui  
titulus: *Notizie circa l'uso delle Tabelle colle  
parole Cinesi: Kien Tien, cœlum colito, cum  
adnotationibus.* 116

Excerpta ex quarto scripto Patrum Societatis,  
cui titulus: *Breve ristretto delle Notizie già de-  
dotte circa l'uso delle Tabelle colle parole, Kien-  
tien, cœlum, colito, cum adnotationibus.* 136

Epistola D.D. Superioris & Directorum Semina-  
rii Parisiensis Missionum pro conversione Gen-  
tium, ad Eminentissimos Cardinales Sacræ  
Congregationis Sancti Officii. 147


# F I N I S.



ANT.  
1742364.











BIE

V

-

-

-

-

-